

14
DE HUMANA LIBERTATE
PHILOSOPHICA DISSERTATIO

AUCTORE

PETRO-HIERONYMO
TORTORELLI

Ex Clericis Regularibus Scholarum Piarum

Q U A M

PUBLICÆ PROPUGNANDAM EXPONIT

D. HIERONYMUS CIFALDI

Beneventi in Collegio ejusdem Ordinis
Philosophiz, & Mathematicos Auditor.




14
BENEVENTI Ex Typographia Archiepiscopali) A. D. MDCCLXX.

SUPERIORUM FACULTATIS.

DE HUMANA LIBERTATE

PHILOSOPHICA DISSERTATIO.



Humanam Libertatem vindicaturus contra Bælium, Collinium, Spinozam, Hobesium, Tolandum, Helvetium, Voltairium, Fatalistas, Casualistas, aliosque tum vetores, tum recensiores, impios hercle Philosophos, at magni nominis, terrore illicò turba aduversariorum, atque scientia, & ne parem animi magnitudinem in nobis contradicentium impediatur auctoritas, aut responsionum mearum infirmitate exultent illi, viresque fumant, non mediocriter portimesco. Sed me recreat, & reficit causæ meritum, in qua tanta est lux veritatis, tanta rerum in dicendo copia, ut oratio nemini deesse possit, & genus quodcumque aduersum, infestumque nobis philosophorum, si quid argumentatione conficitur, parum difficili negotio refutandum fore confidem. Ratio enim habet in se quiddam amplum, atque magnificum, dicam cum Tullio (a), altum quiddam, excelsum, nihil timens, nemini cedens, semper invictum.

II. Illud vero, antequam ulterius provehar, est advertendum, me hic de hominis libertate solummodo, non de Universa Metaphysica quæstionem instituere, ita ut pro certis habenda sint plurima, quæ in cæteris Psychologiæ, & Naturalis Theologiæ disputationibus demonstrantur, & quorum apud alios sanæ mentis, Fideique Philosophos plena est ubique tractatio. Sunt enim nonnulla, ex Hobesio præsertim, atque Bælio, item Helvetio, & Voltairio contra Liberum Arbitrium desumpta argumenta, quæ vi proprii systematis vinculum commune habent cum Scepticismo, Materialitate mentis, hominumque Physica sensibilibitate, aut cum Atheis Creatorem, Remuneratoremque negantibus, quæque si vellem omnia hic refutare, ab instituto longius, quam par est, abiret Oratio. Postulo itaque, ut concedatur, Creatorem verè Existentem perpetuò homines non deludere, animumque ita effecisse, ut non certitudo solum, sed & Logica veritas habeatur in iis, in quibus ex idea clara, intima conscientia, & communi optimorum certitudine assensum cohibere non poterit. Postulo animam Spiritualem esse habendam, diversamque a materia substantiam, quippe quæ vi cogitandi prædita est; & ejusdem mentis simplicitate supposita, ne a Deo quidem id effici posse, ut cum intellectione motricem vim, quæ corporum propria est, simul illa possideat.

A

sudeat. Neque mihi nimium ab adversariis concedi putet aliquis: Qui enim Doctrina, & acuminis pollent, nos hic contra rectam rationem, quæ magistra est veritatis, nil postulasse cognoscent.

III. Atque ut unde exorta est, illuc quoque redeat Oratio, sciant omnes de Libertatis existentia, non vero de ejus præcipua sede nos causam agere, utrum nempe, ut in scholis vulgatum est, sit qualitas voluntatis, an cum Lochio (a) facultas animæ propria: ineptum fortasse negotium. De Hominum enim actibus tantummodo proposita mihi est disputatio, an eligant illi inter plura, & se indifferenter in agendo determinent, an vero, uti oscillantia Pendula, Planetæque in orbitis retenti, necessitate aliqua compellantur. Doleo tamen mecum ipse nitidam illam Libertatis ideam tot quæstionibus, & Philosophorum dissidiis fuisse obscuratam, ita ut obiciant ea sæpe numero adversarii, quæ nos ultrò concedimus, immo ad arbitrii indifferentiam prorsus necessaria defendimus, quod est in Collinio præsertim, & Voltairio notatum; & non rarò (fateamur in nostris quoque defectum) ipsi pro Libertate agentes Philosophi difficultatibus invicè non responderint, novosque præbuerint veritatis oppugnandæ cuniculos: Ita planè: authorum fortasse plurium ingenia non alio prorsus animo in quæstione hujusmodi se videntur exercuisse, quam ut eam redderent obscuriorem.

IV. Analiticè itaque rem prosequamur, & quod in nobis actum est, Liberum Arbitrium investigantes, non quod aliqui temerè voluissent, communem hominum in agendo modum intimo sensu examinemus; de quo tandem aliquando si nobiscum adversarii convenerint, ut nomen ei quodcumque tribuant, sive Libertatis, sive Necessitatis, non repugnabimus. Hæc equidem via Synthetici sophysmatum recessibus orbata refractarios ipsos nobiscum leniter trahit, & planiorem veritati dat aditum, teste præ cæteris Platone, Verulamio, atque ut nostri ævi merito laus non denegetur, Domino de Condigliac, quibus candide fateor, me teneri, si quid unquam profecerim in quæstionibus non theoreticis tantum, atque eruditis, sed & practicis quoque, & fortasse vulgaribus dissolvendis. Ubi advertendum, me hic prædicta methodo disputantem minuta quæque consectari, & sæpe procul videri ab instituto themate recedentem: Sed ibi erit fortasse, quod mea magis interest: Hæc enim singularia intelligentes, quomodo veritas ipsa progrediatur, agnoscent: eumque pluries idearum servabo ordinem, ut non sit, nisi simplex, quidquid immediatè præcedenti adjungitur, & idcirco demonstratione non egeat.

V. Agè ergo exordiamur, & ex ideis causarum mechanicarum singularibus ad modum agendi, quem habet anima, adurgamus. Necessarium communi vocabulo illud est, quod ita existit, ut ejus oppositum

sit intrinsecus impossibile; unde & unico modo determinabile, & natura sua immutabile perseverat, quales habentur Mathematicæ propositiones, ite essentialitæ rerum omnium, & quidquid ab essentiis hæc dependet, siue attributum substantiæ sit, siue modorum possibilitas, uti & illa denique Primæ, summique Entis existentia, quæ ab Essentia ipsa determinatur. At necessarij contradictorium, siue *Contingens* ita existit, ut nullum sequeretur, si non adesset, absurdum: cujus perpetua sunt exempla in rerum modis, & in existentis substantiarum, quæ non a propriis essentiis, sed ab Ente diverso dependent, si scilicet supponamus, & ipsum externum Agens esse contingens, aut agere saltem ibi sine ulla naturæ necessitate, quamvis Existentiam habeat necessariam. Quibus ad questionem clare explicandam propositis nominum definitionibus, fatentur omnes, & ipsa contingentia aliquam habere necessitatem, quia scilicet eo illo, quo existunt, tempore, impossibile est, ut non existant: sed contingentium ista necessitas, cum a causa necessario posita non determinetur, non est absoluta; & effectus ibi producitur *hypotheticè* necessarius, sub ea nempe data hypothese, quæ sit ipsa contingens. Non est hic locus, in quo dari in Universo Contingentia absoluta demonstrarem, hæc abundè infrà ostensurus, ubi de Fato sermo erit. Supposito hic igitur, quod plura contingenter existant, nemo est inter adversarios, si Fatalitas excipiamus, qui Animæ actionibus illam deneget, quam usque modo definivimus, contingentiam. Sed non est in hoc tantummodo, quod contendimus. Ipsa enim contingentia, sicuti essentiam habent necessariam, & attributa, quod patet ex Ontologicis, ita & necessario agere possunt, dummodo actionis actualitas ab essentia dimanet, aut ab externo Ente aliquo, cujus ibi viribus resisti non possit; neque alia est agendi ratio in corporibus omnibus, quæ ideoque mechanicæ, & necessariæ causæ; licet contingentes, appellantur. Quis enim prohibet, aliqua principia nulla ex necessitate produci, quibus tamen positis de necessitate sequatur effectus? Ita mors animalis necessitatem physicam habet, cum illud ex contrariis componatur, quamvis ipsum ex contrariis componi non fuisset absolutè necessarium.

VI. Duo autem sunt, quantum video, mechanismi, & necessitatis hujusmodi characteres. *Physica*, inquam, primò *caussa* est, quoties effectus ab ea substantia non dimanat, in qua observatur, sed ab externo sit in ipsa, quo quidem in casu patitur substantia illa, non agit: Secundo autem, quamvis agat ipsa, iterum *mechanica* est, si vis ejus non sit indifferens ad plures, diversosque producendos effectus, sed determinetur ad unum, ita ut positis omnibus ad agendum requisitis potentia careat, quæ nullo modo, vel saltem aliter operetur. Puta, si fluidis acidis misceantur Alcalini sales in aqua soluti, mechanicæ, & necessario ex Legibus recensitis ingentes ebullitiones eveniunt. Unicum enim motus initium habetur ab externa causa, quæ illa permiscet: inde equi-

dem effervescunt, & cum impetu attrahuntur, atque resiliunt, motu, inquam, perpetuo, quo sese atterunt, diffingunt, invicem conjunguntur. Agit nempe etherrogenera partium in mixtione congeries: Sed negatum eis diversum, oppositumque prodere effectum, quin effervescant, negatum irregulariter in ebulliendo desistere, negatum compescere motus, dum excussi Sales ruunt in acida. Si ostendam igitur animæ volitiones esse hujusmodi, ut in iis non patiatur illa, sed agat, II. in agendo mentem ad unum non determinari, sed esse ad plura indifferenterem, ad operandum scilicet, vel non, ad hoc, vel aliud toto Cælo sæpe diffusum, quantane veritatis certitudine animam a mechanicis causis auferemus? Videte itaque rerum tractandarum ordinem, videte summa veluti capita dissertationis Universæ.

§. II.

VII. **A**C primò quis non intelligit, utrum anima in volitionibus, & nolitionibus suis agat, an patiatur? Actio quidem substantiæ est effectus in illa productus, cujus ipsa sit causa totalis efficiens; patiturque subjectum, si alterius actionem recipiat, effectumque producat, cujus vel unica, vel multiplex causa efficiens sit integre, atq. solum in Entibus ab illa diversis (a). Jam vero Ego intimè sentio, *Me* deambulationem velle, dum ambulo, *Me* quidem, & non alium vel indurescere in pravam, vel studia, atque mores commutare in frugem meliorem, *Me* plurimum motuum in corpore, inclinationum in anima talem esse causam efficientem, ut certè non fierent, si anima nollet. Id autem ita in me sentio, ut quamvis vellem, de eo dubitare non possem, idque ipsum negantes exterius, ex intima conscientia se loqui, nequeant jactitare. Nonne enim diversum distinguis esse animi sensum, si vi aliquis manum tuam flammæ obiciat, ac si novus veluti Scævola dexteram tu ipse injicias ad comburendum? Unde vero hæc diversa animi apprehensio, si æqua in utroque casu passionis conditio?

VIII. Di-

(a) *Passionem communiter definire Philosophi per effectum, cujus causa efficiens est substantia diversa ab illa, in qua phenomenon observatur. Cum autem sua Præmotione Deus constituitur vera causa efficiens Physicæ Entitatis nostrarum actionum, de quo infra, latebit fortasse error in definitione vulgari, quod anima idcirco nostra non agat, sed patiatur, ut revera deduxit Malebranchius in systemate causarum occasionalium. Hinc Ego insuper addidi ad naturam passionis constituendam, talem requiri externam causam, sive unicam, sive multiplicem, ut in agendo sit sola: unde actiones nostræ erunt verè actiones, non passionēs, eo quod earum Deus simul, atque homo sunt causæ totales efficientes adequatæ, licet Deus, ut causa prima, homo vero, ut causa secunda a Deo mota, & ided se movens.*

VIII. Dicet fortasse Spinoza (a) homines nec per somnium cogitare de causis quibus ad appetendum disponuntur, cum sint eorundem ignari, & illam omnem distinctionem, qua intimè secernimus passiones ab actionibus nostris, inde oriri, quod in illis causa cogens est cognita, in istis vero invisibilis, & incomperta. Sed & ipse non loquitur, quæ in animo sentit. Dum enim ab externo aliquid perimur etiam si versemur in ignoratione causarum agentium, scimus tamen, & intimè sentimus, vim alienam, quamvis incognitam, nos experiri; eosque effectus secerni oportere clamamus ab iis, in quibus absque ulla externa coactione movemur. Fingat se Atheus iste maleficis affectum (cum enim voluntas a nemine cogi possit, non video quid aptius asseram, ad eam hic aliqualis violentiæ conditionem exprimendam, cujus causa sit incognita), & plura simul conari viribus medicaminum, in aliis etiam impediri, cum interim alienam supra se nesciat actionem: pueris potissimum narrabit Spinoza, se in hisce actibus vim quamdam non experiri, eundemque habere conscientiæ sensum, ac si coëtera extrà maleficium voluntariè ageret, in quibus similem reverà coactionem esse contendit. Aliud quippe est alienam vim nullo modo sentire, aliud, quæ violentiæ causa sit, non cognoscere. Quam bene agebat Tullius in quaestionibus Tusculanis (b) = *Sentis animus, se moveri* (hoc est agere) *quod cum sentis, illud unà sentis, se vi sua, non aliena moveri* = Est hæc equidem in ingenii levitate perversitas, ut discrepent advesariorum facta cum dictis. Dum enim inquirunt sæpe sapius: *cras absolute id efficiam, vespere ero tecum*: nonne ex animo id asserunt? At profecto non dicerent, nisi sentirent interius, futuras illas actiones a se ipsis pendere, neque in se fieri ab alio. Quibus ita positis animadverto, principia illa *Ego Cogito, Ego Sum*, non alia quidem de causa, uti primas veritates agnoscere, nisi quod cogitationis, & existentiae nostræ sumus intime conscii. Quæ autem conscientia sentio, me cogitare, atque esse, eadem illa cognosco, me velle, eadem prorsus expeditur, nullum externum agens invicem me trahere ad effectus plurimos producendos (c). Quod si in illis etiam, quæ clarè sentiunt omnes, falsitatis esset dubitatio, actum foret de certitudine, & in medium Pyrronismus inductus, quem falsum esse postulavimus.

IX. At

(a) *Eth. P. 1. in append.*(b) *L. 1. c. 23.*(c) *Habet perfectò animus in agendo motiva, scilicet boni, & mali perceptiones, item corporis constitutionem, & alia, quibus ad eligendum inducitur. Sed ostensus infra §. tertio, hæc regere vim agendi, quam habuit anima a Creatore, non vero illam producere, nihil hic moveor. At enim ex motivis, aliisque concaussis: Sed tamen agit, & non patitur, quod hic unice contendebam.*

(VIII)

IX. At Bælius veritatis, & erroris cujuscumque simul oppugnator atque defensor adductum propriæ conscientiæ argumentum variis difficultatibus infirmare nifus est, quas nostrum erit ad æquam lancem revocare. Sentio, ait ipse (a), me existere, & scio tamen, me non existere a me ipso: ita quamvis intime sentiam, me velle quod placet, non sequitur nihilominus, me id velle ex me ipso. At fucum ignaris facere contendit adversarius. Sentio enim, me existere, sed interim sentio me non existere ex me ipso: at sentio me velle, quod lubet, & eodem tempore sentio, Me, & non alium id velle, immò & integram nolendi mihi esse potentiam. Et hæc quidem est perfacilis, & per expedita defensio. Quid vero ad hæc Bælius? Quamvis, reponit, homines mechanice agerent, & integrè paterentur, eundem nihilominus sensum haberent, quali vellent, ex se ipsis. Sed hoc ab adversario nulla ratione, nisi pure hypothetica, probatur, & interim falsum est. Quis enim rerum omnium tam ignarus, tam rudis invenitur, quæ gens tam barbara, ut non cognoscat, quoties ex seipsa velit, & quoties a vi externa trahatur? Video quidem, video, penitusque perspicio, utrum contra propriam animæ lubentiam exurgat quædam cogitatio, puta Defuncti Parentis memoria, an idem ipse sit animus, qui talem imperet ideam: & interim cum hoc aperte sentiam in diversis perceptionibus, quas una, eademque efficit anima, sed modo externæ motionis incitamento, modo vero ex se ipsa, non distinguerem inde volitiones, quarum nullatenus causa essem, sed integrè in me fierent ab alio? At causa efficiens, instat ipse Bælius, effectum, & rationem, qua producat, agnoscit: anima vero volitiones, ideas, corporisque motus ignorat, immo & modum præcipuè, quo illa eveniunt: unde eorum prorsus causa non erit, sed merè subjectum, vel si mavis, instrumentum.

X. Pyrius ergo pulvis vel aves non occidit, vel earum internecionem agnoscit? Sed neque ignis tam admiranda producat, neque corpora unquam causæ erunt, quibus effectum cognitio convenire non potest. Quid non mortalia pectora cogis, dissemiendi cupiditas? Causæ quidem in Universo sunt plures, materiales scilicet, Spirituales, & Prima Omnium Increata, nempe Deus. Illæ penè infinitos producant effectus, quos perpetuò experimur, & nihilominus nullam eorum habent ideam: Secundæ vero, quamvis modum in agendo ignorent, intimamque propriarum actionum essentiam, vident tamen suas ideas, noscunt volitiones, distinguunt corporum motus ex arbitrio productos.

Nos

(a) Vide *Actus Trevoltiensis*. an. 1706. mens. Junii art. 74., ubi plurima Bælii referuntur circa Libertatem, atque Prædestinationem, quorum nonnulla validiora hic consutamus. Ea autem Bælius affert in responsione ad quesita Provincialis præsertim c. 140.

Nos equidem id bene sentimus : Et pluribus ostensum est a Lokio (a) atque Condigliac (b) contra Leibnitzium non dari in anima ideas , alique eo quod ipsa advertat , se cogitare , sive , ut agebat VVolphius , apprehendat . Nego itaque allatum ab adversario principium , causas quaslibet non posse effectus producere , nisi & eorum essentiam , & peculiarem producendi rationem agnoscant : atque id solum de prima causa efficiente , sive Creatrice concedimus , non vero de aliis secundariis . Et ratio utriusque non deficit . Cum enim debeat effectus quicumque produci secundum aliquod primum exemplar , hoc autem esse non possit , nisi in ideis Creatoris , qui alium supra se non habet , a quo veluti ab archetypo dependeat , videbit , necessario Deus , si Creator est , in ideis suis effectuum naturam , & modum insuper efficiendi . At causæ aliæ quæcumque possunt non habere in se ipsis hæc prima rerum exemplaria , uti revera non habent (est enim præter ipsas alia prima causa Superior) : unde effectus producere poterunt , quin eos agnoscant . Neque causarum , & effectuum ideæ , ut observavit Lokius (c) notionem aliam involvunt , nisi eam , ut hic , sive substantia sit , sive Qualitas , ab illius actione existentiam habeat dependentem : quod equidem in causis Dei Providentia singulari ordine ad finem dispositis eam , quam Bælius allegerat , cognitionem non requirit .

XI. At futile est id adversario qui causas omnes secundarias de medio tollens unam tantummodo admittit , nempe Deum , eo quod satis , ut inquit , a Cartesianis ostensum est , nil agere Creaturas , & esse Deum solummodo Agens Universale . Fateor equidem id credidisse Cartesianos in systemate causarum occasionalium , demonstrasse vero , nequaquam . Cur hæc argumenta non attulit ipse Bælius , ut cæteri quoque vim tantæ demonstrationis intelligerent ? Ego illam non video . Certè quæ unquam pro hoc systemate dici poterunt a Malebrancio (d) , & a Cartesio , a quo sententiam huiusmodi fuisse desumptam critici putant , item a sectatoribus Sylvano Regis , Sturmio , Cordemois (e) aliisque , fuscè afferuntur ab auctore Operis = Actions de Dieu sur les Créatures = atque ad hoc collimant omnia : Creaturam nil posse a se ipsa producere , cum ista sit soli Deo reservata proprietas , ita ut neque corpora motus exerant , neque animæ ideas , sed utrumque Creator efficiat , in anima scilicet occasione motionum corporearum , in corpore occasione perceptionum animæ . Hæc , inquam , est , si Bælio credamus , demonstratio : reor autem , nec inconsultò , Bælium ipsum minus fortasse , quam nos , eo argumento moveri . Quis enim ignorat , unice Dei proprietatem

B

tatem

(a) *De int. hum.* L. 2. c. 27.(b) *Essai sur l'orig. des connoiss. hum.* t. 1. sect. 2. c. 1.(c) *De int. hum.* L. 2. c. 26. §. 1.(d) *Dialog.* 4. § 7.(e) *Dissert. 4. de dissinct. Animæ , & Corp.*

tatem esse, ut aliquid producat, si in hac facultate independentiam quoque, prout habetur in ejus natura, respiciamus; ceteris vero Creaturis illam posse ex gratia, ut inquit, communicari; dummodo effectus dependenter a prima causa producantur? Qui vim habet sibi propriam, & ab alio neque receptam, neque conservatam, ille agit *independenter*, qualis est Solus Deus: actio autem *dependens* est in eo, qui vi utitur ab alio recepta, & cujus perpetua est apud Largientem conservatio. Hoc equidem convenire potest Creaturis. Quodnam enim absurdum sequitur, si dicamus, Deum dedisse nobis agendi vim, sicuti tradidit benignissimè essentiam, existentiam, & alia plura, quæ propria sunt in Creatore, sed communicata simul eo, quo potest fieri, modo Creaturis? Omnipotens ergo Deus, & Sapientissimus non valuit tales efficere secundas causas, quæ agerent vi semel recepta, & semper ab ipso conservata? Non potuit, aiebant Malebrankiani: at ego hujusmodi impotentiam non video, neque illam ostendent unquam adversarii. Præsertim vero si observemus, nos oppositum sentire in nobis ipsis. Animadvertit enim quisque, animam quoque suam, non vero Deum solummodo movere corpus, & vicissim; animadvertit, quod supra dicebamus, discriminis esse plurimum, dum agit ipse, vel dum alteri est causa occasionalis, ut agat. Nullum ne Moyses agnoscebat esse discrimen inter baculi motum, qui efficiebatur ab ipso, & effluxum aquarum è filice, cujus simpliciter erat causa occasionalis (a)?

XII. Scio Fatalistas obijcere, incommunicabilem esse potentiam incipiendi motum, quam nos esse defendimus in hominum animabus, quia nempe, ut inquit, exprimit illa realem independentiam a causa Superiori. Sed jurè clamabat Samuel Clarkius (b) ludere hic in verbis adversarios. Ipse enim corporum motus incipi potest independenter, uti movit Creationis initio Planetas, atque sydera Deus, & dependenter, uti brachium ego antea quiescens extollo, ea nempe potentia, quæ mihi tradita est a Deo, & quæ non duret, nisi quamdiù ille voluerit. Anne existendi facultas, quam habemus, non auferet a nobis contingentiam, & sola agendi vis erit independentiæ argumentum? Agimus aliena virtute nobis tradita, uti aliena facultate in existendo perduramus.

XIII. Piget me immorari in confutatione Malebrankiani Systematis,

(a) Nemo hic mihi jurè succenseat, si scribens contra viros, ut plurimum Atheos, libertatis ofores, utar miraculo Moysis, & historia Scripturarum. Non est enim in exemplo argumentum, sed in illa eventus condicione, quæ efficientem causam simul adjungat occasionali: Quod si de alata hystoria contendere velint aliqui, non inficiabuntur tamen, se pluries in se ipsis distinguere, dum in rebus quoque vulgaribus præstant tantum effectibus occasionem, & quando sunt vera causa efficientes.

(b) De exist. Dei t. 1. cap. XI.

tis ; quod , teste Clerico (a) præcipuum , & unicum fortasse habet fundamentum in humanæ rationis infirmitate . Cum enim necessario nexus esse debeat causam inter , & effectum , negarunt plurimi corpora a corporibus moveri , & hæc denique ab animis , eo quod inter Spirituum voluntatem , & motum corporis ; item inter impulsu hujus , & alterius translationem de loco in locum nullam connexionem animadverterent . Utrum vero liceat Philosophis inficiari , quæ intimè sentiunt , ea potissimum de causa , quod vitium transfusionem non intelligant , Bælius ipse iudex esto . Præterea is præbet alteri occasionem agendi , qui talem posuit conditionem , quæ data se acturum esse alius determinavit . Cum ergo Creaturæ ad hæc conditiones ponendas debeant agere , contradictorium erit in terminis Malebrankii sistema : Scilicet si Entia Creatæ nullam vim habent , nec etiam esse poterunt Deo causæ occasionales , sed erunt pura instrumenta quæ causæ nomen non merentur , & ipse Deus tum erit causa rerum efficiens tum occasionalis , quod nolunt Cartesiani . Præterea hic autem de medio tolli , hisce positis , verum animæ , corporisque commercium , neque animam ulli usui esse corporibus , neque corpora animabus ; præterea fieri Deum Animam Universi , & alia absurda infinita , quæ integram translationem requirerent . Legatur tamen , si lubet , præ ceteris Lokius (b) & Gregorius Prius de *Enthusiasmo Malebrankii* , atque VVolphius in *Physiologia Rationali* (c) . Sciât vero Bælius recocta , & penè exolera esse in Scholis argumenta , quibus jactitat omnimodam Creaturarum inertiam ostendisse Cartesianos . Eorum enim sententiam ex mente plurium Philosophorum inter Saracenos adduxit D. Thomas (d) & quinque abhinc Sæculis confutavit . Immò candidè fateor tot ibi pro adversariis objici difficultates , quot fortasse unquam invenire nequiverit Malebranchius (e) . Cum itaque ostendisset

(a) *Ontol.* c. 10.(b) *Œuvres diverses* tom. 2.(c) *Seç.* 3.(d) *Cont. Gent.* l. 3. c. 69. & seq.

(e) Scio ingenia nostri ævi delicatiora Angelici Doctoris , quem laudis causa nomino , opera fastidire , eo quod Scholasticis , ut plurimum , formis , & ideis proprii sæculi sint referta . Sed fortasse nil solidius offerunt recensitores Metaphysici , si dimicent pro veritate , nil obijciunt acutius , si contradicant . Testes hic solum eos appello , qui tanti viri scripta legerunt : abii enim si de ipso judicant (quod utinam sæpe non facerent cordatorum hominum patientia abutentes) præstant eadem , quæ cæci de coloribus . Ceterum agebat Tullius de Epicuro in *Il. de Finibus* = contemnit ille differendi elegantiam : gerendus est mos , modo rectè sentiat . = Anne arundines vacuè agitantur Philosophi , totis viribus indelectu verborum occupati , serio relinquentes ?

laudatus Doctor (a) virtutem inferioris agentis; nempe hominis dependere a virtute Superioris, scilicet Dei, qui eam tradidit, conservat, & applicat ad agendum, pluribus inde demonstrat, utrumque Agens, hominem videlicet atque Deum, inveniri causam immediatam effectuum, qui fieri a nobis observantur (b). Quoniam vero sibi objecit, superfluum esse, duas unici, & ejusdem effectus causas assignare, quod coincidit, ni fallor, Malebrankianis asserentibus breviorē fore viam, si Deus tantummodo agat in Creaturis, idcirco respondendum est, Omnipotentī esse omnia æque facilia, & illud, si nostro quoque modo loqui velimus, convenientius esse Deo, quod ejus finibus magis correspondet. Quomodo vero consistet finis in Creatore ostendendi gloriam suam, si Creaturae admittantur inertes absque ulla vi agendi, neque merendi, aut demerendi, sed ipse solus agat, absque ulla vi cogitandi, sed ipse solus intelligit? Quibus præterea solidissimi nam D. Thomæ responsionem adnectens = Patet, inquam cum ipso, quod si res naturalis producat proprium effectum, non est superfluum, quod Deus illum producat, quia res naturalis non producit ipsum, nisi virtute Divina; neque est superfluum, si Deus per se ipsum potest omnes effectus producere, quod per quasdam alias causas producantur. Enim hoc est ex immensitate bonitatis ipsius, per quam suam similitudinem rebus communicare voluit, non solum quantum ad hoc, quod essent, sed etiam quantum ab hoc, quod aliorum causæ essent = (c).

XIV. Hic vero est, ubi invictissimum argumentum se adducturum Bælius pollicetur. Creationis, inquit ille momento solus Deus agit, non Creatura, quæ adhuc non existit: At conservatio est perpetua Creatio: quo usque igitur Creatura conservatur, non magis agit, quam suæ productionis instanti: numquam itaque agit. Sed apage, Doctor, ne cum acutissimus videaris, hic arguas in falso supposito. Credit nempe Bælius, Divinam Universi conservationem esse in eo, ut singulis ille momentis de novo Creet, postquam scilicet Creaturas singulis momentis annihilaverit. Quæ enim aliter esset ejus difficultas, quæ vis unquam argumen-

ti?

(a) Ib. q. 70.

(b) Hic tantum a nobis ostenditur, hominem esse causam propriæ actionis, sed constabit inferius, Deum etiam sua Præmotione agere in actibus nostris: & ibi videbimus, hujusmodi Supremi Numinis actionem humanæ Libertati non officere.

(c) Dicet hic fortasse aliquis, me Theologum agere, non Philosophum, utpote qui Patrum auctoritati satis innitar: sed ubique contra adversarios petenda sunt arma, & vis rationum a Patribus adductarum invictè me trahit ad illos. Quod si Doctorum auctoritatem nolint plurimi admittere, revincantur saltem firmissimis, quæ illi afferunt, argumentis, cum & ego Patrum auctoritatem de Theologicis agens constantissimè venerer, eorum vero rationes ex Philosophia loquens quam plurimi faciam.

ti? Ne autem aliquis suspicetur, falsò a nobis affigi Bælio hujusmodi suppositionem, revolvite quæso argumenta, quæ ab ipso pro Scepticis adducuntur (a), ubi inter cœtera ait: nescire nos, utrum eadem numero anima hodierna die adit in nobis, quæ nudius tertius habebatur, ea potissimum de causâ, quod ignoremus, an Deus perpetuò res conservando, de die in diem mutaverit illam in nova Creatione, an vero eandem iterum constantissimè produxerit. Sed hoc est, quod in superiori objectione arguebamus. Falsum est enim, substantias incessanter a Deo annihilatas continuò de novo creari: sed crebris illud sermonibus usurpatur = *conservatio est nova creatio* = eo quod scilicet Divino auxilio indigemus ad perdurandum, sicuti egimus illius ope, ut existentiam inciperemus, ita ut idem Divinæ Voluntatis actus, quo animam, & cœtera conservat, sufficeret ad illa ex nihilo extrahenda, si non existerent. Tali enim pacto dependet quælibet secunda causâ a Creatore, ut neque ad momentum subsistere posset, sed abiret in nihilum, nisi Divinæ virtutis actione retineretur; quò scilicet illud efficitur, ut perpetuò non creentur, & annihilarentur substantiæ, sed ut equidem annihilari deberent, nisi conservarentur. Revera cur indiget anima, ut a Deo conservetur, nisi quia effectus debet a causâ dependere? Effectuum autè dependentiæ a principiis consistunt in eo, quod sine suis causis esse non possint, non vero, quod causæ singulis momentis eos producant, & singulis cessent a producendo (b). Quibus positis Bælio respondemus, non posse agere animas, antequam sint, sed posse quidem, & absque dubio, postquam productæ fuerint, licet nihilominus tum egeant Dei conservatione, quam illas in existentia, & virum munere jam concessio retineat. Et objectioni satisfacimus, quam tanto apparatu tum Bælius, tum Spinoza variis in locis, tum Pomponatius (c) adduxere, quamque prius, licet aliud agens, sibi objecerat, atque dissolverat D. Thomas (d), ubi rerum conservationem contendit non fieri a Deo per novum quemdam actum, sed per simplicem perdurationem illius, quo dedit esse.

XV. Qui animam corpoream esse statuunt cum Hobesio, Tolando, Campanella, Vanino, Thelesio, Helvetio, aliisque, nullam in illa ponunt propriè dictam actionem, de qua modo contendimus, sed physicam quamdam substantiæ sensibilitatem, scilicet passionem necessario pro-

(a) *Artic. Pyrrhonis*

(b) *Id clarè etiam explicaverat Leibnitzius in sua Theodicea t. 2. Par. 7. §. 27., quo in loco addit auctor notarum = Igitur conservatio non differt a Creatione, nisi formaliter, quatenus in idea Conservationis præsupponitur existentia, in idea Creationis, non item. Creatio procedit ab eo, quod nondum est, ad id, ut jam sit: conservatio autem pergit ab eo, quod incipit esse, ad id, ut deinceps sit. Vide Bilfingeri Dilucid. Philos. §. 468. =*

(c) *In II. de Fato*

(d) *Loco nuper citato ad 4.*

productam ab objectis, quæ nos amplectimur, vel adversamur. Idem enim, atque volitiones nil aliud per eos esse possunt, nisi motus organorum, & partium conatus in agendo, & reagendo (a) : & Helvetius in opere, quod inscripsit de Spiritu, cum interim nonnisi de re corporea loqueretur, postquam asseruit nil esse in homine activum, sed unicam sensibilitatem physicam brutis quoque communem, a quibus nonnisi externa organizatione se distinguere (b) jactitabat, concludit (c) opus esse, ut nostræ cogitationes, & voluntates sint immediati effectus, & necessarii impressionum, quas ab objectis circumpositis undequaque recepimus. Non est hic eundem locus, ubi demonstremus, in sensatione præter motum corporis adesse aliam animæ actionem toto Cælo diversam : hoc enim ostensum supra postulavimus : sed tamen opus est, ut volitionis actum a Physico motu secernamus, & actionem quamdam fieri, dum volumus, quæ mechanica nullo modo sit, ostendamus.

XVI. Fingat se quispiam cum Illustri Comite Magalotto, a quo ista derivamus (d) ob acceptam injuriam valido iræ affectu agitatum. Representatur ei Voluptas, & Gloria vindictæ : ebullit citissimè sanguis, bilis exundat, facie inflammatur, se ipsum, & membra non continet, tremat Universum Corpus, & vox, oculi obnubilantur. En motum in membris verè mechanicum. Sed hic ortum habuit in quadam diversi generis actione, scilicet animæ appetitu, quæ nisi de vindicta cogitasset, non videret hujusmodi membrorum tempestatem excitari. Præcessit enim aliqua, fortasse etiam innocens, sed vera tamen animæ apprehensio. Interim Corpus in mentem tanto impetu reagit, ut majorem faciat ei vini obediendo, quam illa membris non fecerat, imperando. At hisce non obstantibus, cum aliquoties resistat animus, & iracundiam, ultionemque cohibeat, supponamus, quod crebrò accidit, eum illicò non triumphare, ut diù in obtinenda victoria deceret, & modo illam velit, modo contra luctetur, donec tandem statuat determinatè, inimicum esse diligendum. Jam vero in hac intima decertatione cupiditatum advertit animus, se efficaciter neque vindictam, neque Charitatem voluisse, alias enim non pugnasset, sed utramque eodem tempore indeterminato quodam desiderio esse sectatum, immo & ipsum contra se gessisse bellum, & de se ipso victoriam reportasse. Sit inefficax illa, quæ perdurat in pugna, cha-

(a) Vide Hob. *Elem. Philos.* c. 25. art. 2. §. 2.

(b) Helvetius ait *discours 1. chap. 1.* = Si là nature au lieu de mains, & de doigts flexibles, eut terminé nos poignets par un pied de cheval, qui doute, que les hommes sans arts, sans habitations, sans défense contre les animaux, tout occupés du soin de pourvoir à leur nourriture, & d'éviter les bêtes féroces, ne fussent encore errans dans les forêts comme des troupeaux fugitifs? Videbis, quam modè de sua natura tam celeberrimus Philosophus loquebatur!

(c) *Ib.* Ch. 4.

(d) *Prima Parte eplá 9.*

charitatis volitio, sit, inquam, cum Hobesio, motus aliquis purè mechanicus: non licet equidem in eadem indivisibili substantia cum motu cupiente vindictæ: duo enim oppositi motus, & necessarii in re indivisibili eodem tempore haberi non possunt. Scilicet aderunt duo isti motus contrarii mechanice operantes in diversis animæ partibus, quæ representent duo libræ brachia, & unum habeat pondus voluptatis, atque gloriæ, quam in ultione se consequi fortasse putat, alterum vero timore quodam, spei, vel amore virtutis in cupienda charitate prematur. Non ergo est ipsa numero anima, quæ pugnat contra se, ut intinè sentimus, sed substantiæ plures ad invicem, diversæque decertant. At ista relinquamus. Si mechanicè agitur, minor potentia majus pondus non elevari. Jamvero vindictæ cupiditas hominem concutiens, sanguinem, humoresque, & facultatem illam omnimodè turbans, quæ *Ratio* dicitur, majorem quandam ex effectibus arguitur vim habere, cum interim pondus Charitatis nil horum produciens timidè agat, & ferè insensibiliter: si itaque ipsa tandem dilectio veniat triumphet, non erit motus purè mechanicus. Sed singamus, etiam in tali statu pondus Charitatis majus esse, quam ultionis, uti auri granum mole exigui solum a serico filo, volumine quidem ampliori, non elevatur. Repente igitur, quod rursus est contra conscientiam, victoria obtinebitur sine pugna, cum in Physicis nulla possit esse majoris cum inferiori concertatio. Neque dicas, pondera illa, conflictu perdurante, fuisse æqualia, deinde vero unum alio evasisse superius. Species enim omnes timoris, gloriæ, vel spei, easdem vi, atque numero in utramque partem ab initio certaminis ad finem usque sentio animæ representari, ita ut illis denique triumphem internis ideis, quibus antea pugnaveram. Vel itaque victoria, vel certamen in Hobesii sententia foret impossibile. Sed adversariis ero liberalis, & ad conflictum hujusmodi, quem denegare interius non valeo, conficiendum, singamus, tertium quoddam pondus excitari, quasi materialem speciem aliquam, quæ modo in unam, modo in aliam bilancis partem deferatur. At ipsum quoque, si mechanicè moveri debeat per Hobesium, ex se quidem huc, & illuc ob vim inertiz indifferenter non saltitabit. Sit itaque alia mechanica substantia, quæ pondusculum modo exortum impellat: Si mechanica est, rursus illud per unam directionem, non vero per plures ad utrumque brachium inconstantissimè, injiciet. Quomodo igitur animus indiscriminatim fluctuat, & modo vindictæ cedit, modo charitatem amplectitur, quasi impulsus eodem tempore, atque reflexus? Admittamus ergo in homine secum ipso configente vim aliquam, quæ majus, minusve momentum independentè a mechanismo elevat, atque deprimit: admittamus animæ actionem a physica sensibilitate diversam. Ego quidem ago in volitione, non patior: pugnant amor vindictæ, & Charitatis: sed sentio posse me alterutram amplecti, si velim, & dum Charitas ipsa triumphat, minimus animi assensus pro ultione satis esset, ut ejus momentum præponderaret. & ruinas induceret.

XVII. Atque hic ad majorem Hobesianorum refutationem illud addimus, quod acutè observavit Georgius Cheine (a), semper ex intimo sensu, & ideis propriæ experientiæ singularibus argumentantes. Respiratio est actus involuntarius, mechanicus, & uniformis in homine: cum vero facultatem habeamus aliquantulum sæpe sæpius eam comprimendi, jam actio quædam in animo non mechanica observabitur. Etenim naturæ mechanisus determinare non potest, ut aliquid regulariter, atque constanter quibusdam eveniat Physicæ legibus, & eodem tempore prætare simul, ut actio ipsa irregulariter, & incertè suspendatur. Ne vero objiciat aliquis, reprimi hujusmodi respirationem etiam mechanismo quodam, qui tamen sit a primo diversus, animadvertat, mechanicam causam irregulariter agere non posse, me autem incerto quodam modo, & absque lege respirationem sæpius retinere. Quid vero si adderem, mechanicis, atque passivis causis non esse concessum, ut parte aliqua tantummodo receptarum virium utantur, sed ex cognitis Physicæ principiis projectos lapides toris omninò viribus currere, fluida, atque solida juxta potentiam subjecti ignis integrè dilatiari, cum interim anima possit parte virium uti, in impellendis, premendisque corporibus, deinde paulò majori, postremo denique, quantum valet (b)?

XVIII. Extra dubium est, ubi mechanisus inducitur, ibi plurimas hominum actiones explicari non posse: quod & ipse Joannes Jacobus Rousseau (est enim in impiorum etiam ore contra se ipsos aliquando veritas) candidè fassus est, dum animæ immaterialitatem ex unico mechanicorum actuum defectu conclusit. Sentit homo, ait ille (c) se liberum esse

(a) Princ. Philof. Relig. Natur. c. 3. §. 13.

(b) Hoc argumento utebatur præ cæteris Genuensius suæ metaph. par. alt. c. 4. in notis, quo totam hominis libertatem, binis fere verbis, absoluti posse judicabat. Fatendum autem est ingenuè, veram animæ libertatem infirmè tali pacto demonstrari, cum non advertisset vir Clarissimus, convenire quoque brutis, ut magis, & minus vires applicent, quamvis ex instinctu quodam, ut ajunt, operentur absque ulla indifferentia. Eodem vero argumento, uti etiam superiori a Georgio Cheine adducto, nos invictè utimur in hac prima dissertationis nostræ parte, in qua animam in volitionibus non esse merè passivam, tantummodo contendimus.

(c) Discours sur l'inegal. des homm. 1. p. pag. 19. = La nature commande à tout animal, & la bete obéit: L'homme éprouve la même impression, mais il se reconnoit libre d'acquiescer, ou de résister, & c'est sur tout dans la conscience de cette Liberté, que se montre la Spiritualité de son ame. Car la Physique explique en quelque maniere le mecanisme de sens, & la formation des idees: mais dans la puissance de vouloir, ou plutôt de Choisir, & dans le sentiment de cette puissance on ne trouve, que des actes purement spirituels, dont on n'explique rien par les loix de la mecanique. =

esse in assentiendo, aut resistendo inpressionibus objectorum, & in hujus indifferentiae intimo sensu ostenditur autem Spiritualitas: in eligendi enim, & volendi potentia actus quidam inveniuntur, quibus explicandis mechanicae leges non sufficiunt = Quid plura afferam? Ipse Epicurus actionum passivè in nobis non contingentium experimento inductus nonnullas effinxit athomos declinationis motum habentes, quo recederent a perpendiculari, animamque ab iis compositam fecit, ut libera viceretur. Audiamus Lucretium ex Epicuri mente disputantem (a).

*Libera per terras unde haec animantibus extat
Unde est haec, inquam, satis avulsa voluntas,
Per quam progredimur, quo ducit quemque voluptas?
Declinamus item motus, nec tempore certo,
Nec regione loci certa, sed ubi ipsa tui mens.
Namque procul dubio bis rebus juxta cuique voluntas
Principium dat, & hinc motus per membra rigantur.
Nec simile est, ut cum impulsu procedimus istu
Viribus alterius magnis, magnoque coactu...
Id facit exiguum clinamen principiorum
Nec regione loci certa, nec tempore certo,*

Scio Democriti correctores Casualitas facillime refelli posse in hoc declinationis motu, quem athomis tribuere. Ut enim opponebat Cicero (b) = Ipsa declinatio ad libidinem fingitur, (ait enim Epicurus declinare athomum sine causa efficiente (c), quo nihil turpius physico, quam heri sine causa quidquam dicere) & illum motum naturalem omnium ponderum,

C

ut

(a) De Rer. nat. l. 2.

(b) De fin. l. 1.

(c) Addidimus Tullii verbis sine causa EFFICIENTE, ut contra Epicurum vis argumenti consisteret. Nam sicuti contendit vir insignis, auctor notarum ad Muschembrockii Physicae elementa T. 1. c. 18. §. 531. immeritò Tullius cum reprehenderet, si de causa Finali, quæ induxisset athomorum declinationem, loqueretur. Videbat enim ad complexiones rerum efficiendas illam fuisse positam. Sed reprehendendus est Epicurus, quòd sine causa efficiente motus declinationem admiserit. Haec enim vis attractionis non a casu, & Fato Democritico, quod nihil est, sed ab aliquo Prima Causa in Creatione erat tribuenda. Reverà clarius mentem suam explicat Tullius idem Libro de Fato inquit = Epicurus Fatum extimefcit, & ab athomis petit praesidium, easque de via deducit, & uno tempore suscipit res duas inenodabiles. UT SINE CAUSSA FIAT ALIQUID, EX QUO FIXI ET, UT DE NIHILO QUIPIAM FIAT, quod nec ipsi, nec cuiquam physico placet, alteram, ut cum duo individua per inopitatem ferantur, alterum è regione moveatur, alterum declinet = & infra = quam declinationem sine causa fieri, si minus verbis, re. cogitur, consiteri: NON ENIM ATHOMUS AB ATHOMO PULSA DECLINAT =

ut ipse constituit, e regione inferiorem locum petentium sine causa eripuit atomis = Præterea & ista declinatio in atomis corporeis non posset esse varia, & indifferens, sed mechanicis quoque subiecta legibus, uti & ipsa Newtoni attractio, ad quam fortasse, si conjecturis locus est dandus, juxta plures alludit. Sed illud saltem in rem nostram etiam ex adversariorum erroribus est deducendum, quod & ipsi Epicurei puram in anima passionem non posuerint, sed actionem, & quidem a cæteris corporum mechanicis actibus absolutè diversam.

XIX. Atque hic præterire non possum, minus accuratè a Philosophis animam nostram cum librâ conferri, ut sicuti necesse est lancem ponderibus impositis deprimi, ita illam amplecti nonnulla, vel adversari, que primo a Tullio (a) fuit de veritatibus intelligendis adducta, deinde cæteris, præsertim Bælio (b) & Leibnitio (c) etiam de voluntate gratissima comparatio. Omittamus enim in ponderum æqualitate lancem necessariò quiescere, animam vero, deficiente majori ratione, posse quidem vi sua superfluitate in alterutram partem moveri, de quo contenderent acerrime VVolphiani: tamen illud certum est, librâ passivè se gerere, vimque universam habere ex potentia momentorum, mentem vero agere in suis voluntatibus, & non pati, ut usque adhuc ostendimus. Sed in rebus apertissimis nimium longi sumus, præsertim cum plurima etiam dicenda sint ad reliquam orationem.

§. III.

XX. **D**ebet equidem eos grati animi significatione prosequi, quos in uberrimo Sapientiæ studio auctores, ac voluti duces habuimus: *benignum enim est, & plenum ingenui pudoris, ajebat Plinius, fateri, per quos profeceris.* Indulgeat verumtamen mihi Clarkius, cujus potissimum ingenio atque operibus plurimum teneor, indulgeat, si ejus argumentandi methodo, quâ in præsentî questione usus est, omnimodè non satisfaciam. Nam, si Clarkio fides habenda esset, absolutâ hac nostrâ priori parte, qua agentem humanam animam demonstravimus, illicò etiam de Libertate evanesceret universa contentio. Quæ enim patiuntur, subiecta necessitati esse putat, non quæ vero agunt (d), quæ & corpora dum liberè demissa descendunt, & elateres compressi, dum objecta impedimenta repellunt aut non agerent, aut cum Libertate operantur.

(a) *Accad. q. l. 4. c. 13.*

(b) *Repons. au Provinc. c. 139. p. 748.*

(c) *Theod. part. 3.*

(d) *De l'Exist. de Dieu T. 1. Repons. ala premiere Lettre d'un Theologien de Cambridge.*

tur (a). Et meritò, fatendum est, ipse Clarkius ideirò arguitur à Vol-tairio (b). Ostendamus itaque ipsam animæ, quam vidimus, actionem non esse in pluribus necessariam, neque uti, in corporibus, ad unum de-terminari; & aliùs ad rem nostram singula repetamus. Quod si I. ne-que ipsa Creata objecta, quæ amplectimur, vel adversamur, neque II. internam animæ naturam, atque constitutionem: neque III. vim tan-DEM aliquam ab externo provenientem electionibus nostris posse necessi-tatem imponere demonstrabimus, erit omnis, ni fallor, absoluta di-sputatio.

XXI. Nemo est in Universo tam rudis, tam inscius rerum omnium, atque stupidus, qui pluries in animo amaritudinem quamdam, & per-turbationem non experiatur, sive *displicentiam*, atque *dolorem*, pluries autem satisfactionem aliquam, gratumque sensum, quem vulgò *gaudium*, *voluptatemque* appellamus (c). Atque hic quisque videt me profectò non loqui de illa sensuum voluptate, quæ ab Epicureis tanto plausu effereba-tur, ut nisi ad organa Corporis cum suavitate afflueret, & illaberetur, Anima contenta esse non posset ullâ vacuitate doloris: sed illam generi-cè nos intelligere, quæ in animi satisfactione consistit, dum res ardentis-simè concupitas obtinemus. Tales vero sumus a natura comparati, ut & omnia gaudia possidere, & doloribus universis privari appetamus, in quo

(a) Lokius etiam de int. hum. L. 2. c. 21. §. 4., unde oriatur idea quam de activa potentia habemus, investigans, ex sola animorum actio-ne, non vero ex motu corporum eam haberi posse contendit, eò quod in ma-teria quacumque motio sit passio potius, quam actio. Et e quidem exempla, quæ ibi adducit de globis lusoriis, & de impulsu communicatione per cor-pora, ejus opinioni non refragantur. Sed nunquam agere omnino corpora, non in-ducor, ut credam. Attractio enim, & elasticitas plura producant in iis phenomèna tum in coagulatum in efferveis centis, præcipationibus Che-micis, Sublimatione Philosophica, aliisque hujus generis, quæ certè in vi cor-porum eorundem insitâ rationem habent sufficientem, quamvis principium, & veluti occasio vim eandem exercendi pendeat unice ab externo.

(b) Dans le Philosophe Ignorant doute XIII.

(c) Audiamus Lokium de int. hum. l. 2. c. 20. §. 1. = Les pensées de l'Esprit, inquit ille, sont suivies de plaisir, ou de douleur, de satisfaction, ou de trouble; ou comme il vous plaira de l'appeller. On ne peut décrire ces idées non plus que toutes les autres idées simples, ni donner aucune définition des mots, dont on se sert pour les désigner. La seule chose, qui puisse nous le faire connaître, aussi bien que les idées simples des sens, c'est l'experien-ce. Car de les définir par la présence du bien, ou du mal, c'est seulement nous faire réfléchir sur ce que nous sentons en nous mêmes à l'occasion de diverses opérations, que le Bien, ou le mal font par nos Actions, selon qu'elles agissent différemment sur nous.

felicitem constituimus, neque unquam ista cupiditas expleatur, nisi omnes perpetuo complacentias, nihil unquam ingrati sentiamus. Hoc autem deliderium cohibere non valemus, neque potestatis esse nostrae cognoscimus, velle aut nolle *felicitem*. *Beati omnes esse volumus, aiebat Augustinus (a), quod ipsi quoque Philosophi hujus seculi, & Accademici de rebus omnibus dubitantes, teste patrono suo Tullio, coacti sunt confiteri, idque unum esse dixerunt, quod disputatione non egrat, quod nemo est, qui non exspectet.* Media potissimum, diverſique calles, quos ineunt homines, ut alius bellum sequatur, alius pacis otia, hic imperium, ille rura, ab eodem *felicitem* desiderio producuntur, quod finit tam multiplices habet ideas, veluti comites, quot sunt hominum capita. Et quamvis principio generi animantium omni sit à natura tributum, ut se, vitam, corpusque tueatur, declinetque ea, quæ nocturna videantur, tamen eadem beatitudinis cupiditas illa est, quæ fortasse etiam homines ad membra corporis relecanda, & violentas quoque manus in se inferendas induceret. Ad *felicitem* itaque nostram necessario determinamur, cum eequidem miseri non solum esse advenimus, sed nequaquam prorsus velle possumus. Homini enim nostrum actuum appellamur, eo quod possumus hoc vel illud eligere; cum autem electio non sit de bono, sed tantum de us, quæ ducunt ad finem, quis non videt appetitum utitur finis non esse ex eorum numero, quorum domini sumus? Et quisquam ne deliberavit unquam, an vellet esse *beatus*, non vero de mediis tantummodo, quibus *beatus* esse vellet?

XXII. Creavit autem Universum Deus Summè Bonus, & similitudinem suam Entibus, quo fieri potuit modo, communicans perfectionem quandam tradidit, quæ ad finem aliquem ordinarentur, & omnia possiderent ad illum consequendum: unde hæc bona sunt bonitate, quam dicimus *Metaphysicam*; sed bona hæc finita, illo vero Bonum infinitum. Cum enim bonitas Universæ rerum sit perfectio earundem, Deus vero perfectione sua omnes rerum perfectiones existentium, & possibilium comprehendat, bonitate propriâ quaslibet bonitates continebit, & erit omnis Boni Bonum, neque aliud eo nomine poterit appellari, nisi quantum de illius similitudine participet. Respicias in se quomodolibet Bonum hæc infinitum, semper idem est, & perpetuò bonum, ita ut si animæ clare se objiciat, non possit non excitare omnimodam satisfactionem, gratumque sentum, sive complacentiam illam undequeque perfectam, quam diximus *felicitem*. Absitne omnis a Creatore malignitas? Incapax est ergo producendi dolorem, si in se ipso agnoscat. Estne Bonum omnigeno infinitum? gaudia itaque omnia generabit. Hinc ad Summum Universale Bonum clare, & in se unice perspectum, in quo sistit Beatitudo Univer-

sa,

sa, ex natura propria tendimus omnes, ut illud non appetere nequeamus. Sunt, inquam, homines hac in re necessarii, neque ab aliis quibuscumque Creatis Entibus differunt, nisi circa rationem, atque modum, quo unice determinantur. Creator enim nostri nihil indigus, cum omnia propter semetipsum ut operatus, id effecit, ut ad se tenderent Univerſa: ipse est causa rerum finalis & omnia Deum appetunt, quodcumque bonum appetendo, sive appetitus hic sit intelligibilis, sive unice ſenſitivus, sive etiam naturalis absque cognitione, quia nihil habet rationem boni, atque appetibilis, nisi in eo, in quo particeps fiat de ſi nilitudine Creatoris. Cum vero homines necessariò ad Deum tendere iactitaſſus, id intelligendum est de Creatore in ſeclarè perſpecto, ut conſideretur, & appareat nobis bonum quocumque genere infinitum, in quo gaudia omnia, dum poſſidentur, ſua ſentitione dolores quoscuſque removeant. Patebit enim inferius, unde non hominum cauſam, quàm in hac mortali vita ſæpius a Creatore removeantur, ea non eſſe, quòd a nobis ille in cupiditatibus, atque tenebris, quibus miſerrime involvimur, non adhuc perſpicue conſpiciatur.

XXIII. Quoniam vero ubi Bonum non invenitur, ibi *Malum* eſſe dicimus, (nam in ſequentibus contra Manichæos malum non eſſe aliquid, ſed mera non ſunt privatione ſumus oſtenſuri), erit ideo in miſero mali ſtatu gaudiorum omnium abſentia, aderit dolorum plena poſſeſſio, ſive *Inſeſcitæ*. Ex contrariis itaque arguendum eſt, Malum, ipſamque inſelicitatem non neceliariò nos adverſari, ita ut ne no ipſam voluptatem, quia voluptas ſit, alpernetur, aut oderit, aut fugiat, ſed quia conſequentur magni dolores eoſque, qui ratione voluptatem ſequi neſciunt. Neque porrò quiſquam eſt, qui dolorem ipſum (1), quia dolor ſit, amet, conſectetur, adipiſci velit, ſed quia nonnunquam ejuſmodi inſidunt tempora, ut labore, & dolore nigram aliquam quærat voluptatem: & hic tenetur, præſertim a ſapiente, deleſſus, ut aut reſcicendis voluptatibus majores alias conſequatur, aut perferendis doloribus alperiores repellat. Atque ut omnis auferatur dubitatio, ultimo advertendum eſt, nil offiſſere, quòd aliquoties malum velimus, cognitum revera uti malum, cum certum quoque ſit, illud ſub tali ratione non appeti. Quamvis enim in eo, quòd ibi appetimus, præter bonum, a quo allicimur, malum quoque deprehendamus: non eſt tamen ipſa mali ratio, ſed boni, quàm proſpecto trahimur ad amorem. Qui peccat ex malitia, cum advertat ſe Leges offendere, eorumque Latorem, malum quoddam amplectitur, quòd uti malum agnoſcit: a Bono non vero non ſequitur, quatenus improba eſt, ſed quatenus ſibi bona, ſuoque appetitui deordinato conſentanea,

(1) Utitur hiſce verbis Tullius de Fin. ſen. & mal. L. 1. ex Epicuri perſona loquens. Ead. in vero proſequi nobis liceat abſque Fideli, reſque rationis diſſerimine, cum explicatum ſit numero 21., quid unquam hiſ voluptatis, & doloris nomine intelligamus.

XXIV. Hæc vero de Bono, & Malo genericè sumptis, siue animæ in ideâ ex omni parte perfectâ representatis dicta sufficiant. At cætera Universi Entia creata sunt omnia nec Summè, nec æqualiter, nec immutabiliter bona, sed bona etiam singula, cum ex omnibus iis consistat Universitatis admirabilis pulchritudo, & omnia possideant correspondentiâ finî, ad quem a Summo Providore ordinantur. At vero non constituunt ipsa felicitatem, neque ad ea possidenda creatæ sunt animæ; quia infinite bona non sunt, quod equidè non longum esset ostendere, nisi & ab Ethnicis, & ab Oratoribus, & a Poëtis quoque ipsis foret quotidiano experimento, & ratione hominibus demonstratum. Nam si amitti vita Beata potest, inquiebat Cicero (a), Beata esse non potest: & quis confidit semper sibi illud stabile, & firmum perman surum, quod fragile, & caducum sit? qui autem diffidet perpetuitati bonorum suorum, timeat, necesse est ne aliquando, amissis illis, sit miser; Beatus autem esse in maximarum rerum timore nemo potest. Sunt tamen hæc finita Bona quædam veluti media ad ipsam felicitatem (aliàs vel noxia, vel saltem inutilia dedisset hominibus Creator possidenda): & iis reverà Sapientes utuntur eâ tantum ratione, ut Beatitudinem, quæ alibi potissimum est, acquiramus. *Ut enim si cui sit propositum collimare bastam (b) aliquid, aut sagittam, sicut nos ultimum in bonis diximus: sic illi facere omnia, quæ possit, ut collimet: huic in ejus similitudine omnia sint faciendæ, ut collimet, & tamen ut omnia faciat, quod propositum assequatur: sed hoc quasi ultimum, quale nos Summum in Vita Bonum dicimus: illud autem, ut feriat, quasi feligendum, non expetendum* = Quare cum omnia, & singula sint media felicitatis invenienda, nullum eorum erit medium unicum, atque solum; & quamvis omnia sint cum Beatitudine nostra connexa, nullum tamen est ita necessarîo conjunctum, ut non possit sine illo haberi felicitas. Quid hic rationibus indigemus? Cognoscit quisque Sapiens se omnibus simul Universi objectis carere non posse, uno vero, vel altero singillatim sumpto posse quidem.

XXV. Nullum præterea invenimus Creatum Ens, quod nobis ex omni ratione illud insipientibus quadantenus bonû & quadantenus malum non appareat. Ex cupiditate enim in judicando rapimur, item ex ignorantia, & inadvertentia, & quod præcipuum est, si in eâ fortasse rerum constitutione versetur, in quâ omnia nobis æqualiter non expediant. Duo itaque in præsentî vitæ statu consideremus in bonis hisce Creatis: Primum est eorum defectibilitas, quâ nullum necessariò nos ad Beatitudinem ducat,

(a) De Fin. l. 2.

(b) Locus Tullii in 3. de fin. propter perturbatum verborum ordinem suboscuro, sententiam tamen habet apertam. Manutius quidem hoc vidit, & ne arrogantia notam subiret, ab emendando loco abstinuit. Vide animadversiones Jo: Michaëlis Bruti in l. 2. de fin.

ducatur, alterum vero est representatio mentis, quæ neque ex omni parte mala, neque ex omni parte bona videantur.

XXVI. Ex hisce duobus veluti fundamentis, quæ in variis rerum Conditionibus diversimode se habent ad homines, procedit bonorum, malorumque Univerſa distinctio. Quod enim humanæ naturæ est contentanum, ipsamque perficit, *honestum Bonum* appellatur, de quo inquit Tullius (a) = *Quidquamne Bonum est, quod non cum, qui possidet, notiorum facias?* = & hujusmodi erat in Cæsare animum vincere, iracundiam cohibere, victoria non temperare, nisi potius ad imperium pacatius retinendum id effecisset. Aliud vero Bonum delectationem quamlibet parit, siue honestum sit, siue non, quod hominibus *jucundum* dicitur, ut filiorum procreatio: aliud tandem *utile*, quod acquirendo bono vel honesto inservit, vel jucundo, qualis affinitas Pompeji in animo Cæsaris, quæ vel ad pacem Reipublicæ conservandam, vel ad faciliorem dominationem pertinebat. Idem quoque de Malis ex contrario intelligendum est. Malum nempe naturæ nocet, atque *est inhonestum & turpe*, si rectæ rationi adversetur, ut liber concubitus, & communis mulierum usus in Platonis (b). Republica; *molestum* vero si dolorem afferat, uti lebris; *incommodum* denique, si impediatur, ne, quod appetimus, atquequamus. Nonne autem videmus, quanta perturbatio idearum, & rerum omnium consequatur, hisce bonorum, malorumque distinctionibus non intellectis? Plato, ut exemplis virorum illustrium utamur, postquam dixisset (c) audandum Corpus esse mulieribus custodum, quandoquidem pro vestibus virtutem induent, adjunxit = *Qui vero nudas riserit mulieres optimi ejusmodi gratiâ ita nudatas* (eas enim gymniciis certaminibus exerceri jubebat) *inaniter circa ridiculas nugas carpens Sapientiæ fructû, neque qui d videat, neque quid agat, intelligit: scit enim istud & dicitur, & asseritur = Quid utile quidem, honestum, noxium autem, turpe = Sed falsò: est enim in hominum mentibus non stylo aliquo, vel atramento, sed genuinæ rationis distamine lex inscripta, quæ imperat, honestum utili præferendum (d): unde jure Plato redarguitur ab Eusebio Pamphilo (e), quamvis hic illum in toto opere supra modum fortasse celebrasset. Hinc Bonum solummodo honestum realiter Bonum est, verumque Malum dici nequit, nisi inhonestum. Quod enim bonum est, omne laudabile est (ex consecrariis Stoicorum*

(a) Paradox. 1. (b) Dial. 5. de Rep. l. 31. (c) Ib.

(d) Instituta digressionis ratio non patitur, ut hic de discernendo utili, atque honesto plura dicamus, quibus integrum secundæ Partis Helvetii de Spiritu Systema corrueret. Utile enim non ad honestum tantummodo ducit, sed etiam ad jucundum; jucunditas vero non semper cum honestate conjungitur. Sed hisce superſedemus.

(e) In Propar. Evang. L. 13. c. 12.

corum brevibus, & acutis arguebat Tullius (a) : quod autem laudabile est, omne honestum est : bonum igitur quod est, honestum est. Et non, nisi cum summâ Possidonii laude narrabat Pompejus, cum graviter, & copiosè de hoc ipso, nihil esse bonum, nisi quod honestum esset, infirmitate cubantem disputavisse, cumque quali faces ei doloris admoventur, sæpe dixisse = Nihil agis dolor, quamvis sis molestus, numquam te esse confitebor malum = Cœtera vero sive bona, sive mala, quæ ad jucunditatem, & ad utile pertinent, purè objectiva sunt, & ad ideas tantummodo nostras referuntur. Est enim in actibus hominum quantitas quædã boni, & mali, quæ *realis* dicitur, juxta æternas Dei Leges, atque sanx rationis, quibus convenit, vel dissentit : & est alia quantitas boni, & mali, quæ apparet nobis solummodo in ideis nostris, unde *objectiva* appellatur : cumque bonum genericè dicamus id, quod aptum est producendæ in nobis voluptati, & minuendo dolori (b), hinc quidquid bonum, vel malum dicitur, pluries nonnisi in relativis perceptionibus consistit, ita ut majus, vel minus possit nobis apparere, quam adsit, immò malum sæpius veluti Bonum, & ex adverso videatur.

XXVII. Sed ut eò revertamur, unde digressa est Oratio, duo illa, quæ veluti fundamenta (c) in objectis Universi observantur, id efficiunt, ut anima in agendo ab ipsis non determinetur ad unum. Nam amans ego ex necessitate Bonum genericè sumptum (d), ad illud comparandum, meâque felicitatem habendam, omnem lapidem moveo, Creaturas, & actiones omnes investigo : cumque in Entibus Creatis neq; summum, neq; Unicum Bonum inveniat (e), quid in illis honestum, quid jucundum, quid utile, item quid malum insit, quid molestum, quid incommodum mea propria ratione, non alienâ dijudico : quod antea bonum videbatur, maturiori refflexione, uti malum rejicio : quod prius rejeceram, sanctiori consilio amplector, in unum eligo inter plura, quod relativum mihi bonum apparet. Quomodo itaque ad objectum unum determinamur, & non sumus indifferentes ad plura, si excipiamus unicum felicitatis amorem, & Boni genericè sumpti desiderium ? Fundamentum equidem, basis, atque principium, quo moveor ad agendum, est amor propriæ Beatitudinis, qui ostensus est necessarius : dum vero hoc, vel aliud appeto, dum ita, & non aliter ago, ad illud unum tantummodo non determinor, sed sentio in me esse facultatem singulare hujusmodi objectum non eligendi, si aliter illud ipsum considerem, vel diversa alia quomodolibet aptiora mihi esse

(a) De Fin. l. 3.

(b) Vocabula voluptatis, atque doloris sumimus cum Lokio de intell. hum. L. 2. c. 20. §. 2. in sensu, quem exposuimus num. 21.

(c) Num. 25.

(d) Num. 22.

(e) Num. 24.

esse concipiam (a). Sicuti potissim a perfectio substantiæ intelligentis (sunt hæc satis appositæ (b) Loci sententiæ) in eo constituitur, ut totis industriæ nervis, & constanter intendat ad veram, solidamque felicitatem inveniendam, ita cura omnis, quæ nobis competit, ne imaginariam Beatitudinem verâ, & reali possibilitatē sumamus, est necessarium nostræ indifferentiæ fundamentum. Quo magis huic genericiæ felicitati, quæ nobis est Summum Bonum, quæve perpetuum est ejusmodi que cupiditatis objectum, additi sumus, eò libetius voluntas immunis est a necessitate, ne ad peculiare bonum determinetur, quod eo tempore aptius apparet, donec maturè examenemus, utrum realiter illud ad Beatitudinem nostram referatur. Hoc est veluti fulcrum Libertatis: ipsa necessitas, quæ ad inquisitionem veræ felicitatis determinat, secum involvit stricium, veluti jus impediendi, examinandi, & considerandi quodcumque desiderium, quod successivè in nos incutitur, an realiter ducat ad illam. Cognitio regit voluntatis electionem, & erit idcirco in nostrâ potestate, ut voluntates indeterminatas retineamus, donec bonum, & malum, quod cupimus, examinemus.

XXVIII. In quâvis ergo electione hominū aliquid necessarii inest, aliquid vero non necessarii: Nostrarum enim inclinationum, & declinationum causas, bonorum scilicet, malorumque peculiarium ideas perpendimus, quandoque nobis alias exhibemus, a prioribus animi un abducentes: sed fixis denique hisce boni, & mali notionibus, necessariò mens appetit, vel adversatur objecta. Hinc vetus opinio est; &que & Doctorum, & omnium gentium firmata consensu, non posse animam adversari bonum, quâ bonum, non posse malum, quâ malum, appetere. Per accidens enim malum amplectimur, animo scilicet bonum aliquod consequendi: & fornicator delectationem intendit, cui tamen deformitas culpæ conjungitur: malum autem, quod adnectitur alicui bono, est privatio alterius boni, & nunquam amplecteremur malum, neque per accidens (c), nisi bonum, cui malum conjungitur, magis, quam bonum, quod privatur per malum, appeteretur. Immobile fulcrum, sæpius dixerim, nostræ indifferentiæ est ipsa necessitas inquirendi boni, quod sicuti in Entibus Universi perfectè non invenitur, id efficit, ut ab iis necessariò anima non trahatur. Explanaverat id accuratissimè D. Thomas Scholasticis quidem, sed perspicuis, brevibusque sententiis (d).

XXIX. Detorquet Voltairius adductum suprà principium, ut humanam

D

nam

(a) Offendimus hic tantummodo objecta in se ipsis, uti sunt, vim animæ necessariam non inferre, dum eligit: unde nemo exposito argumento objiciat, representationem boni, vel mali, prout in nobis efficitur, animam determinare ad unum, si illam necessariò non determinet objectum. De hisce enim inferius erit sermo. (b) De int. hum. L. 2. c. 21. §. 51.

(c) Num. 23. (d) 1. P. q. 82. a. 1.

nam in agendo indifferentiam evellat, & Libertatis nomen esse aliquem tunc mente sonum ostendat = Mea libertas in eo sita est, inquit ipse (a), quòd malum amplecti non possim, cum animus illud *Necessariò* malum sibi repræsentat = sed hisce verborum involucris veritas non infirmatur. Indifferentiâ in eo collocavimus, quod objecta amplecti possimus, vel adversari, non cum animus ex *Necessariò* bona, vel mala considerat, sed potius contra quando bona, & mala sibi repræsentat absque ullâ necessitate. Summum namque Bonum, itemque dicas de Malo, unicum esse probavimus (b) quod *Necessariò* tale nobis apparet, & ibi animam nullâ indifferentiâ præditam in agendo concessimus. Sententiæ autem nostræ, de quâ modo agimus, punctum a Voltairio dissolvendum in eo est, quod de finitis Entibus numquam habere possim *necessariam* ideam boni vel mali. Quoniam enim in Universo nihil *necessariò* cum mea felicitate conjungitur, neque bonum in rebus adest infinitum, ideò determinatio, quam efficit anima, est ad illud peculiare bonum, sed non ad illud veluti Summum Bonum, est ad illud, uti medium, sed non uti medium unicam felicitatis habendâ. Et appositè declaramus idem cum D. Thomâ (c) ex modo, quem ipsa mens habet in intelligendo. Sunt enim quædam intelligibilia, quæ *necessariò* primis principiis non connectuntur, uti propositiones contingentes, quibus remotis principia ipsa non remouentur; iisque ideò ex necessitate non assentiunt intellectus. Plurima interim enunciativa *necessariò* conceduntur, quæ nempe hujusmodi vinculum habent cum principiis, ut iis ablatis stare ista non possint. Sed neque illis ex necessitate assentimur, antequam connexionis ejusdem vim integram, demonstrationis ope, cognoscamus. Neque ab simili potissimum ratione sunt quædâ in Universo peculiariora Bona, quæ *necessariò* ad Beatitudinem non referuntur, quia sine his potest aliquis esse felix, & ab iisdem animus ex necessitate non rapitur: cætera vero cum felicitate connectuntur *necessariò*, quibus scilicet homo Deo inhæreret; sed antequam, certitudine Divinæ Visionis, necessaria ipsa connexio demonstretur, non nisi cum indifferentiâ ad Deum, & ad illa, quæ Dei sunt, anima determinatur.

XXX. Præterea cum ad Beatitudinem creatæ sint animæ (malignus enim fuisse Deus, qui ad infelicitatem eas effecisset), Beatitudo autem non nisi a Bono infinito, quod omnia plene gaudia contineat, & quemcumque dolorem arceat, haberi possit, quis inficiabitur unquam, ipsas ad Bonum infinitum esse productas? Bona itaque Universalitatis hujus poterunt illarum replere desiderium, si vis finita incapax est effectus infiniti, qualis

(a) Le Philos. Ignor. doute 13. = Ma Liberté consiste à ne point faire une mauvaise action, quand mon esprit se la représente NECESSAIREMENT mauvaise : à subjuguier une passion, quand mon esprit m'en fait sentir le danger, & que l'horreur de cette action combat PUISSAMMENT mon desir = (b) Num. 22. (c) 1. P. q. 82. a. 2.

qualis nempe a Summo Bono produceretur? Quamobrem concludamus hisce pontis: I. cum objecta Universi in se ipsi nequeant infinite bona neque infinite mala, animam non rapiunt necessario ad appetendum, vel adversandum. II. cum illa, quæ bona sunt, possint nobis representari tanquam mala, ut in hominibus sæpe sapius debilitate ingenii, vel pravâ cupiditate contingit, ideò animus, qui ad bonum genericè sumptum tendit necessariò, ad hoc, vel illud unicè non determinatur, sed potest, quod uti Bonum elegerat, veluti malum adversari. Paucis universam disquisitionem complectar. Objecta externa vim nobis non inferunt, uti causæ agentes, cum anima iis utatur, & pleno jure dominetur; non uti causæ finales, quia non sunt infinite bona: unde *Universi Entia nullatenus ad unum determinantur*.

XXA1. Atque hic nonnulla sunt adnectenda, quæ veluti confectaria a superioribus colliguntur, quæque simul inf à dicendis majorem lucem asferre possunt, antequam ad aliud disquisitionis nostræ caput de vi, quam ab interno habet anima eligens, accedamus. Ex duplici indifferentie nostræ causâ, quam exposuimus, prima, scilicet Summæ Bonitatis defectus in Entibus Universi, constituit in animâ facultatem, ne ad unum determinetur, quæ a Philoſophis dicitur *immunitas exercitii*, & *contradictionis*, sive indifferentia agendi, vel non agendi, & hoc, vel aliud disparatum medium eligendi, in quo consistit vera hominis perfectio. Ex altero autem capite, representatione scilicet objectorum in ideis boni, & mali relativis oritur immunitas, quam dicunt *contrarietatis*, sive *specificationis*, nempe indifferentia ad opposita, & bonum, vel malum eligendi, ita ut ipsa consideratio objecti quadantenus boni, & quadantenus mali nos eximat a determinatione ad unum, sed non sine adnexo defectu, cum scilicet possimus eligere malum sub specie boni, & contrâ sub mali specie bonum ipsum adversari. Quod ut clariùs explanetur, nonnulla ex Lokio (a) sunt desumenda. Cum appetamus gaudiorum omnium possessionem, & privationem omnium noxiorum, sive felicitatem, si ex hisce statibus alterutrum anima non habeat, experitur quandam molestam *inquietitudinem*, in quâ nihil, quamvis suave, videatur nobis esse gratum: & hæc ipsa inquietudo, quam sentit homo ex absentia rei, quæ præsens excitaret in nobis voluptatem, *desiderium* est, vehementius, vel debilius, prout illa est ardentior. In hoc animi statu primo, quo tendimus, est gratum absens obtinere, vel remove, quod adest, ingratum, sive de realibus bonis, atque malis, sive de purè objectivis agatur, ut quæcumque avolet inquietudo. Motivum equidem, quo anima ducitur ad perseverandum in eodem statu actionum, est unicè præsens, quæ ibi invenitur satisfactio: motivum vero, quo ideam, præsentemque statum in alium prævisum commutare nitimur, est ipsa inquietudo. Cum autem hæc a bo-

nis honestis, jucundis, & utilibus, si absint, vel a malis turpibus, molestis, & incommodis possit in nobis excitari, præsertim pro actuali corruptæ naturæ ratione, hinc sæpe sapius honesto jucundum, & utile præponimus. Scio plerisque Scholasticos in hoc Lokio contradicere, eo quòd a Bono, vel Malo absolute considerato, non vero ab inquietitudine animam ad agendum determinari contendunt: Sed accuratè sententiâ utramque examinantibus apparebit, eos invicem nonnili verbis dissentire. Neque enim ipsi Scholastici defendent unquam, Bona unice honesta, & Mala unice turpia, quæ vera, & realia sunt, posse animam exagitare, & multò minus humanam naturam ad illa tantummodo dirigi; unde animos non quidem ad absolutum, sed ad profiguum bonum, sive illud verum sit, sive apparens, proclives esse dicent cum Lokio: & idem certè est, Malum non posse appeti, nisi sub aliquâ ideâ boni, quod asserunt Scholastici, ac Malum ipsum tunc posse voluntatem movere, quoties tanta in contineat speciem utilitatis, respectu præsentis inquietitudinis, ut damno cui libet sequuturo anteferat. Non enim omne bonum absens dolorem producit in ratione præstantiæ, quam habet, vel quam nos ibi recognoscimus: at dolor omnis, dum patimur, desiderium gignit sibi æquale, ita ut absentia boni semper malum non sit, bene vero semper malum sit cujuscunque doloris præsentia. Omne autem molestum depravatæ animæ, uti malum, omne profiguum, quasi bonum, apparet; quod innuerat etiam D. Thomas (a) inquit = *Proprium objectum electionis est illud, quod est ad finem: hoc autem, in quantum homini, habet rationem boni, quod dicitur utile* = non quod bonum omne in utilitate statuendum sit cum Carneade, Hobesio, Helvetio, sed quod virtus ipsa, sive verum bonum perpetuò animam non moveat, licet optandum foret, ut illud unice esset motivum voluntatis. Hinc male scribebat Cartesius ad Elisabetham Palatinam (b), inclinationes, & declinationes animi peculiares a bonis, & malis realibus esse dimetiendas, cum illas potius, non sine detrimento, ac sequuturo moerore, experiamur, pendere ab ideis nostris, quibus res easdem, sive bonæ sint, sive malæ, representamus.

XXXII. Hæc vero contrarietatis indifferentia, uti inquiebā, est animæ humanæ defectus. Cum enim operandi finis, quem unice intendunt Creaturæ, sit bonum aliquod, nempe felicitatis acquisitio, omnis earum perfectio, dum agunt, erit potentia eligendi media juxta ordinem finis, ad quem ex naturâ determinantur. Jam vero vitia, atque mala, quæ moralia dicuntur, cum Beatitudinē ullam in nobis causare non valeant, sunt potius contra ordinem felicitatis: atque hinc non erit animæ perfectio indifferentia ad bonum, & malum, sive *Contrarietatis*, bene vero indifferentia *contradictionis*, sive facultas illa eligendi media, quæ, cum in se ipsis bona sint, ad rectum ultimum finem referantur. Sicuti nempe ad

vir-

virtutem intelligendi pertinet, quod ipsa in diversas conclusiones procedere possit, secundum data principia : quod vero arguat, atque concludat prætermittens ordinem principiorum, hoc est ex ipsius defectu : non ab simili quidem ratione, quod animus diversa eligere possit, quorum singula ducant ad finem, hoc attinet ad ejus indifferentiæ perfectionem : sed quod eligat aliquid, divertendo ab ordine finis, uti est in appetitu malorum, hoc potissimum ostendit in ejus indifferentiæ defectum (a).

XXXIII. Illud verò quæri fortasse potest, quod equidem in ipsâ, de quâ agimus, humanæ Libertatis tractatione continetur, cur nempe, si perfectionem quamdam voluerit nobis tribuere Deus, homines eximens a necessitate, cur, inquam, contradictionis tantummodo indifferentiam non dederit, sed illam quoque contrarietatis? At est animadvertendum, ex naturali felicitatis desiderio, quod omnes Universim experimur, ne frustra datum fuisse dicamus, illud consequi, nos esse Creatos, ut Beatitudinem,

(a) *Agentibus de perfectione, & defectu indifferentiæ nostræ in eligendo liceat hic breviter percensere, eruditionis gratiâ, qualis sit in Beatis, & Creatore Libertas. Inferius Fatum Spinozisticum, atque Stoicum evocantes, Deum ostendemus circa ea, quæ ad propriam naturam non pertinent, ab omni necessitate penitus immunem: Sed cum hæc immunitas absque ullo defectu debeat esse in Ente Perfectissimo, erit pura indifferentia CONTRADICTIONIS, quæ proposito sibi optimo fine, nonnisi media eligit ad illum conducentia. Ipsa enim CONTRARIETATIS facultas ad mala sive, quod idem est, ad Boni privationes, Bonum ipsum destrueret, scilicet Creatoris essentiam, quæ suâ naturâ absolutè, necessarium est, ut existat. Præterea Deus, uti Sapientissimus, cum objecta, qualia effecit, agnoscat, non objiciet sibi malum sub specie boni, & bonum sub specie mali, quod est unicum indifferentiæ contrarietatis fundamentum. Beati vero determinantur necessariò non ad propriam modo felicitatem, & Bonum genericè sumptum, uti cæteri in hac vitâ degentes homines, sed etiam ad Numinis dilectionem, cum, ex hypothesi Beatitudinis, hoc Summum Bonum clarè iis appareat (Vide num. 22.) Sed circa cætera objectâ indifferentes erunt, cum ipsa Beatitudo perficiat Creaturas, non vero dotibus orbet, & summa quidem perfectio sit animi indifferentia, ne trahatur à finitis objectis necessariò, iisque in agendo famuletur. At est sola contradictionis similiter, non contrarietatis ista facultas. Namque anima (paucis id ostenderat D.Th.c.Gent.l.4.c.92.) Beata esse non potest, si voluntas ejus recta non fuerit: definit enim esse recta propter hoc, quod à fine avertitur, & Beata est per hoc, quod sine fruatur; non potest autem simul esse, quod à fine avertatur, & sine fruatur. Hinc polleant illi dictamine, uti inquirunt, indefectibili, res nempe vident, uti reverè sunt, non malum sub specie boni, & ex adverso, quod est MOTIVUM INTRINSECUM, ne contrarietatis indifferentiam habeant; & gaudent auxilio Dei gratificantis perpetuo, efficaci, quod est MOTIVUM EXTRINSECUM.*

dinem, atque gloriam in posterum habere mus. Noluît vero Creator hæc nobis tribuere simpliciter, uti munus, sed uti coronam quoque, præmiū nque meritōrum. Cum vero mereri non possit, ut infra dicendum est, qui ad bonum similiter, atque malum non est indifferens, non abstulit idcirco ab hominibus deficiendi potentiam (a). Præterea Divinæ Providentiæ non est naturam destruere, sed salvare: ipsa autem natura rerum hoc habet, ut quæ deficere possunt, quandoque deficient. Scilicet ingenua Creaturæ defestibilitas (solus enim Deus est indefestibilis) postulat, ut eam Deus, qui juxta peculiariū rerum conditionem Entia regit, in aliquibus deficere sinat: non equidem, quod ista defestibilitas hominum dicatur esse motivum, cur Deus moralia mala permittat, (defectus enim non accidit ob naturæ defestibilitatem, sed ob bonum inde procurandum): sed se habet illa defestibilitas, tanquam conditio, *sine quâ non*, sive tanquam apertio quædam ex parte peccantium, uti erant vitia et apertio ad vilia vasa efformanda. Sed hæc longius ab instituto me remouent, nec sunt huius

(a) *Validior hac prius questionis propoſita reſponſi, non eſt ſortisjè abſimilis ei, quam tradidit D. Baſilius, Deum ſcilicet violentum ſervitium nolle, & ipſam Virtutem, quæ unice a Deo quæritur, effectum eſſe Voluntatis ad culpam quoque indifferentis, ſicut de voluntariis tantum gaudent homines, non vero de mancipiorum ſervitio. Hanc Baſili reſponſionem referens Baſius artic. Marcionitarum litterâ F. temerè inquit = Cur unguis rei iſta proferens attendebat Baſilius? Neceſſariò Deus diligitur a Beatis, & interim de hoc ſibi complacet, eorumque virtus eſt unde quæque perfectior. = Sed non advertit acutus iſte cenſor, Creatorem humanarum rerum non indigentem de eo tantum ſibi complacere, quod ſuis finibus apprimè reſpondet, ita ut diverſos Creaturæ ſtatus reſpiciens, diverſa quoque requirat pro variis ſtibus, quos intendit. Dum in hæc vitâ ſunt homines, vult Deus, ut ſitutam ſelicitatem mereantur, ſibi que complacet de virtute voluntatis ad malum quoque indifferentis, ſine quo meriti non datur juxta illud = Potuit facere mala, & non fecit, ideo ſtabilita ſunt bona illius in Domino = Dum vero homines amplius mereri non debent, ſed laborum, durique conſtitus præmiis recipere, vult ipſe Deus, ut animi fruantur Beatitude, quæ ex offenſi cum deficiendi potentia conjungi nequit. Quis itaque gaudeat de Beatorum ſervitio ad malum non indifferenti, tamen id non impedit, quominus eam in mortaliſ virtutem requirat, quæ a voluntate ad bonam, malumque præclivi dependat. Et ipſi in Beatis deficiendi impotentia eſt præmiū victoriæ ab iis obtenta, dum in terris deficere poterant: quoniam vero præmiū ſine merito non conſequimur, Beati, quam habet, in defestibilitatem mereri debuerant: unde impeccabilitas eorum non deſtruit, ſed potius confirmat adductam Baſili rationem, cur Deus ad bonum, & malum homines voluerit indifferentes. Nam peccare modo poſſimus, ut mereamur; erimus in Cælis indefestibiles, cum id jam meriti ſuimus.*

hujus loci, præsertim vero, cum satius esset, Creatoris fines absconditos venerari, & causas tantummodo investigare cum Lokio (a) ex quibus, veluti a motivis quibusdam, pravæ mediorum electiones in animâ dependeant.

XXXIV. Prosequamur itaque orationem nostram, in quâ illud modo est inquirendum, utrum in animæ internâ constitutione, atque natura vis aliqua sit, quæ ipsam necessariò ad unum in eligendo determinet. Pugnâdum præcipuè nobis est hic cum viris a seculo famosis, Collinio scilicet, Hobesio, Helvetio, Voltairio; at si unum, vel alterum consutemus, omnes in certamine cadent, cum eadem argumenta hic ab illo mutuetur, immo & novum tantummodo afferant verborum apparatus, sententias vero easdem habeant, quas Doctores Scholastici, & præ cæteris D. Thomas, uti inquebam in superioribus, tot abhinc annis & objecerunt tibi, & radicitus diluerunt. Rerum progressus, quæ a nobis enunciata sunt, patefaciet. Antonius itaque Collinius in libello = *Disquisitiones Philosophicæ de hominis libertate* = quem postea secutus est Voltairius in *dictionario philosophico articulo Libertatis*, & alibi in *questionibus philosophi Ignari*, animam determinari ad unum in agendo, tali pacto conatur ostendere. Cum homines, inquit, ita sint constituti, ut necessariò ex propriâ naturâ semper appetant felicitatem, ubinâm eam habent, de quâ tantopere gloriantur, eligendi indifferentiam? Si eis noxia quædam vel bona objiciantur, exurgit illicò animi *inquietitudo*, ad quam removendam tendunt omni conatu, neque aliis unquam reguntur a motivis, nisi bonorum, malorumque ideis, atque judiciis, quæ unicè animam determinant, ut aliter illa non possit agere. Quis enim id amplectitur, quod malû agnoscit, quis eligit inter plura, nisi quod ei ex parte intellectus videtur esse bonum? Quomodolibet itaque inquietitudo ista respiciatur, destruit arbitrii indifferentiam. Si enim est in interno animæ, veluti necessaria ipsius propensio; qui ab illâ ducitur, agit necessitate naturæ: Si vero in externis consideretur objectis, a quibus imprimitur causando dolorem, atque voluptatem, patiemur alienum impulsus, neque immunes erimus a coactione. Hæc generatim sunt ea, quæ nobis objiciuntur, sed quodam peculiari modo diluenda (b). Ad tria itaque capita adversariorum orationem

redu-

(a) De int. hum. L. 2. c. 21. §. 54. & seq.

(b) Ne superbiant harum difficultatû inventionem adversarii, audiant D. Thomam eadem prorsus sibi objicientem 1. P. q. 82. a. 2. ubi ait = Videtur, quod voluntas ex necessitate omnia velit: Dicit enim Dionysius de Div. Nom. p. 4. c. 4., quod malum est præter voluntatem. Ex necessitate ergo voluntas tendit in bonum sibi propositum, II. Objectum voluntatis comparatur ad illam, sicuti movens ad mobile: sed motus mobili necessariò consequitur ex movente, ergo videtur, quod objectum voluntatis ex necessitate moveat ip-

reducimus : Scilicet necessariò agimus, eo quod I. unusquisque tendat ad bonum: II. quòd ipsi determinemur ad hoc, vel illud à propriâ mentis inquietitudine : III. quòd à motivis, & ratione intellectus agamur.

XXXV. Jamvero, quod attinet ad primum, si loquatur adversarius de nostrâ felicitate, & bono genericè sumpto, concedimus libentissimè Collini, ibi animam esse necessariam, ut pluribus à nobis ostensum est, neque de hoc unquâ ulla fieri poterit nos inter disputatio. At vero si agat ille de cœteris Universi bonis peculiariter sumptis, & de mediis nostræ felicitatis acquirendæ, scio p̄b̄t̄i num̄, bonorū dilectionem, malorumque fugam esse fontem actionum, cupiditatum, passionumque nostrarum (a) sed ex eo quod bonum sit unicū: & unum objectum, haberi tantummodo potest, ut anima nihil velit, nisi sub boni ratione: at quoniam sub ideâ boni multa, & diversa prorsus continentur, nequit inde deduci, quod ex necessitate ad hoc, vel illud moveatur. Si ad finem Beatitudinis non nisi unicâ tantum viâ pervenire possemus, tunc eadem ratio esset volendi finem, & ea, quæ ducunt ad illum. Quoniam vero multis, diversisque mediis, uti sæpius dictum est, felicitatem consequi possumus, unius etiam, vel alterius affectatione prætermisâ, idè licet homo ex necessitate velit Beatitudinem, ad nullum tamen eorum, quibus finem intendit, necessariò determinatur. In rebus enim Creatis neque unicum tantummodo bonum est, neque unicum felicitatis habendæ medium (b): & incapax est Finitum Ens (c) animarum explere desiderium, quo unico casu absque ullâ indifferentiâ appeteretur (d).

XXXVI.

sam = Hanc vero oppositionem magis extulit de Malo q. 6. a. unico num. 9. inquit = Ubi idem est movens, & idem mobile, est & idem modus movendi. Sed cum aliquis vult finem. & ea, quæ sunt ad finem, idem est, quod movetur, scilicet voluntas, & idem est movens, quia ea, quæ sunt ad finem, non vult aliquis, nisi in quantum vult finem: ergo idem est modus movendi, ut scilicet sicut aliquis ex necessitate vult finem ultimum, ita ex necessitate vult ea, quæ sunt ad finem = III. Sicut apprehensum secundum sensum est objectum appetitus sensitivi, ita apprehensum secundum intellectum est objectum intellectus appetitus, qui dicitur voluntas. Sed apprehensum secundum sensum ex necessitate movet appetitum sensitivum. . . . ergo videtur quod apprehensum secundum intellectum ex necessitate moveat voluntatem. =

(a) Num. 27.

(b) Num. 24.

(c) Num. 30.

(d) Nil equidem hic de novo contra Collinium adduximus, aut è nostro penu depromptum: sed tantum, quæ celeberrimus Doctor Aquinas breviter explicavit supradictis objectionibus respondens, tum in citatâ questione de Malo, tum in 82. Primæ Partis a. 2. ubi ait = Voluntas in nihil potest tendere, nisi sub ratione boni, tamen, quoniam bonus est multiplex,

idè

XXXVI. Neque putet cum Collinio (a) Voltairius, indifferentes non esse homines, eo quod sub ratione mali, atque noxii nequeant malum ipsum appetere. In hoc enim indifferentes non sunt, sed bene in aliis quâ plurimis, cum nempe propositis bonis animæ pluribus ad unum aut aliud eligendum necessario illa non trahatur. Revera proprietas ne esset animæ, an imperfectio, si posset appetere malum sub ideâ mali consideratum? Liberine, an stupidi, dementesque forent homines, si valerent unquam casu, & nullo consilio eligere, quæ sibi damnum afferre cognoscunt? Hæc nobiscum ipse Bælius non diffitetur (b), & pluribus ea ostenduntur a Leibnitzio contra authorem operis in Anglia editi de *Origine mali*. Atque ut intelligant omnes, in quo adversus Collinium consistat error, quarimus cum Lokio (c) an vellet aliquis esse imbecillis intellectu, eo quod hic rectitudine iudiciorum minus, quam Sapiens determinetur? Nemo quidem. Libertatis idcirco nomen tribuere facultati, quâ dementes videri queamus, & efficiamur pupa dedecoris, miseriæque ludus, non erit fortasse tantum nomen inquinare? Si in eo Libertas esset, ut rationis jugum excutere mus, & quodcumque pejus videatur, amplecteremur, amentes quidem, & stupidi forent vere, ac unice liberi. Ipse Deus necessario tendit ad Beatitudinem, & quò validior est in intelligenti substantiâ illa necessitas, eo plures in ipsâ gradus inveniuntur perfectionum, & infinitæ felicitatis. Revera si ostensum superius est, indifferentiam contrarietatis, quâ possumus eligere mala, dum utilitatis, & boni specie repræsentantur, esse miserum humanæ naturæ defectum, eoque Beatos verâ perfectione fruente exoliari, quanto major esset animæ imperfectio, si malum velle posset, quod noxium, malumque considerat? Testis mihi sit quisque Sapiens, si tam stolidâ indifferentiâ, an potius ejusdem privatione gauderet. Male ergo ideam dotis illius, de quâ loquimur, intelligit Collinius: sed posito animi scopo, ut semper ad bonum genericè sumptum, propriamque felicitatem determinetur, indifferentiâ pollet præstantissimâ, si a nullo peculiari bono invictè trahatur, sed unum eligat, aut alterum, prout sibi optimum esse cognoscit.

XXXVII. At secundum de internâ animi inquietitudine difficulta-

E

tis

ided non determinatur ad unum = & infra ad II. = Movens tunc ex necessitate causat motum in mobili, quando potestas moventis excedit mobile, ita quod tota ejus possibilitas moventi subdatur. Cum autem possibilitas voluntatis sit respectu boni Universalis, & perfecti, non subjicitur tota alicui particulari bono, & ided non ex necessitate movetur ab illo = Hisce autè responsionibus quid aptius inveniri possit, non video. Insunt enim contra hujusmodi Doctrinas adversarii, si valent, non easdem reproducant difficultates.

(a) *Rech. Jur l. 1. Lib. pag. 343.*

(b) *Rep. au Provinc. c. 50. T. 2. p. 221.*

(c) *De int. hum. L. 2. c. 21. a §. 50. usq. ad 53.*

tis propositæ caput diluamus. Cu n inquietitudo sit animi commotio quæda n ex ideâ præsentis mali, vel bonorum absentium excitata, qui pro lubitu suis ideis uti potest, animum ab unâ detorquens, vel objectum quoque oppositum sibi repræsentans, poterit majorem aliam inquietitudinem priori contrariam menti excitare, quâ novus actus præferatur. Irrequietus est in exercitu Imperator, si aptum cõmittendi prælii tempus esse noverit, & militum ardor, & loci conditio, & hostium pavor spe certa excitent animos ad victoriam: ad præliandum autem necessariò non cogitur: habet enim in illa sua inquietitudine vim ad oppositû, quâ possit solâ imaginatione major aliquis dolor, & inquietitudo excitari, si nempe ad ideâ poenæ mox subeunda convertat animum, dum injussus, & infcio Aulicorum Consilio deceret. Timorem ideirò futura Crucis, & ideam dedecoris sequuturi solemus alicui injicere, qui adversarium necandi desiderio flagraret, neque aliâ potissimum ratione, quam ut prior ultionis patrandæ inquietitudo subsequenti, & oppositâ novis ideis, judiciisque debilitetur. Clariùs ita patenti, ubi ultimum dictamen intellectus, item passiones, animique habitudinem non parere in animo necessitatem ostendimus (unum enim alteri præstat opem); sed nonnulla tantum liceat hic ad rem nostram ex Le kio adducere, ut ulterius veritas ipsa elucescat. Quoniam, inquit ille (a) plurimus in nobis inquietitudinum numerus invenitur, quæ animam premunt undique, & quæ continuò voluntatem determinandi potentiam habent, cõtingit ideò, ut earum vehementior ad proximam actionem incitet, & rapiat voluntatem, sed neque infallibiliter, neque perpetuò. Anima enim proprii deliderii executionem valet impedire, uti evidenter in nobis ipsis experimur; unde habet ipsa Libertatem, qua inquietitudines quascumque seriò consideret, earum examinet objecta, simul conferat, omnique ex parte introspeciat. In hoc hominum Libertas sita est; & deordinatum ipsius exercitium, dum illâ aburimur, tam multiplicem gignit errorum, defectuumque varietatem, in quâ, licet inquiramus felicitatem, misere volutamur. Sæpe scilicet citiùs, quam par est, voluntatem ad agendum determinamus, peculiarium ex utrâque parte bonorum, sive utilium, sive honestorum, examine prætermisso. *Necessaria ergo non erit anima, quamvis utile tantummodo eligat, ne a juâ quiete ob aliquod noxium deturbetur.*

XXXVIII. Sed ventum est eò, quò me jam pridem ducebat cupiditas, ut scilicet ostendam intellectus motiva, ipsamque *Rationem* bonum aliquod in objecto repræsentantem vim nobis necessariâ non inferre, qua illud appetamus. Inclinationes, & declinationes animæ in mediate pendent a dolore, & voluptate; cum autem dolor, atque voluptas unicè oriuntur a perceptionibus boni, vel mali, erunt repræsentationes istæ actionum nostrarum causæ, & *motiva* voluntatis. Anima enim rationabiliter
agens

agens ea debet eligere media, quibus ad finem proprium, siue felicitatem duci arbitretur, neque ei Beatitude media videri possunt, nisi quæ sub boni specie considerat. Hinc adversarii autumant, voluntatem necessariò trahi ad agendum. Intellectus enim, inquiunt, est cæca facultas, quæ recipit ideas, & voluntas item cæca, quæ se non determinat, nisi juxta ideas ab intellectu repræsentatas. Non dependet equidem a nobis ideas concipere, vel in earum ignoratione versari: & certitudinis, atque probabilitatis relationes, quæ sunt inter illas, causam habent necessariam in externâ objectorum actione; neque intellectus liber est, neque agit, sed producuntur tantum in illo boni, & mali perceptiones, quas necessariò considerat (a). Concedunt autem voluntatem agere, sed indifferentem negant, utpote quæ sequatur *ultimum diſtamen intellectus*, & se peculiariter juxta vim hujus necessariæ causæ determinet.

XXXIX. At vero ut hæc omnia refutetur, animadvertimus cū viro Clarissimo Condigliac (b) intellectū, atque volūtatem fieri ab adversariis duo Phantasmata, quæ nonnisi in eorum imaginatōe existunt, quæq; si talia essent, nemo foret tam rudis, atq; stupidus, qui pro arbitrii indifferentiā contenderet. Sed vereor, inquiebat Lokius (c), ne modus ille quo loquuntur Philosophi de Animæ facultatibus, repræsentet eis ideam confusam, pueri agentium, qui distincti ad invicem existant in nobis, habeantque diversas potentias, & actiones, qui jubeant, & obediant, quique plurimæ diversimode exequantur. Hoc enim produxit unicè infinitas disputationes Philosophorum obscurissimas simul, & incertas in quaestionibus, quæ ac hæc diversas animæ facultates referuntur. Et jurè timebat vir clarissimus. Nos animam non dividimus in intellectum, & voluntatem, neque sanus ullus id efficiet: hæc namque abstractionibus nobiscum utantur, si velint, Philosophi, ut bene, & singillatim intelligant varias animæ actiones, quæ simul unico intuitu perspicuè considerari non possent; sed retineant hic vim phantasie, neque ad Entia in animo multiplicanda progrediantur. Locus non est differendi de Realistarum turbis contra Nominales excitatis, ut ostendamus, quam magno Philosophiæ incommodo, & veritatis detrimento, v. potius, quam ratione, præsertim in Gallis, vicerint illi, ideæque Universales, & abstractas non esse puros animæ conceptus, sed repræsentare objecta verè existentia, aut saltem possibilea, concluderint. Barbarico Litterarum seculo talia debebantur. Sed illud non sine animi moerore fateri cogor, plures quæque Philosophos hunc ææ indifferenti vindices ita locutos esse de animâ, ut intellectum, & voluntatem, veluti partes realiter diversas, distinxisse videantur. Quæ enim de causâ questionis tanto animi ardore agitarunt, utrum judicium pertineat ad intellectum,

(a) *Le Philos. Ignor. doute XIII.*

(b) *Essai sur l'origin. des conn. hum. t. 1. sect. 3. §. 11.*

(c) *De int. hum. L. 2. c. 21. §. 6.*

lectum, an voluntatem, utrum sint hæc duo æquæ activæ, & æquæ libera, utrum volūtas sit cujusdam cognitionis capax, an cæca facultas, utrum imperet, an obediat intellectui, quibus fortasse adversariis nostris viâ patefecerint, ut contra indifferentiâ animi disputaretur: Voltairium itaque, & alios quoscūque si nili modo arguētes moneo, ut relictis ideis abstractis proprias cogitationes ad analysim reducant, itemque rationē prospiciant, sub quâ Entia sive voluntati, sive intellectui obijciuntur, ut nodus omnis dissolvatur.

XL. Una est in nobis anima simplex, & indivisa, quæ agit: hæc objecta considerat, hæc objecta cupit, & adversatur: neque illud Ens, cui boni, & mali perceptio tribuitur, diversū est ab eo, quod a malo declinans movetur in bonum, ita ut, qui dixerit necessariam voluntatem circa ultimum finem, id unice velit, necessarium circa illum esse intellectū, quique voluntatem indifferentem esse contenderit in volitionibus bonorum hujusce Universitatis, ille ipse nil defendat, nisi intellectum circa eadem Bona sibi representanda esse indifferentem. Judicium nempe, quo anima uti diligendam agnoscit Beatitudinem, Bonumque genericè sumptum, est necessarium, determinatum, immutabile: non potest enim aliud veluti Summum Bonum percipere, sicuti non potest aliud uti Summum Bonum appetere: judicium vero, quo videt peculiaria objecta, uti amabilia, est indeterminatum, indifferens, mutabile, cum ipsa bonitatis perceptio possit aliis quoque Entibus aptari, & consideretur ista tanquam media se habere non tanquam unica media felicitatis. Hinc voluntas circa ea indifferens non est aliud, nisi judicium indifferens.

XLI. Duo in qualibet actione animi, sive judicium sit, sive volitio, sunt perpendenda, scilicet actus *exercitium*, ejusdemque *specificatio* (ipse enim Scholasticæ res Scholastica verba trahunt). Quod autem attinet ad primum, mens a nullo unquā objecto ex necessitate movetur: potest enim de re quâlibet actu non cogitare, & illam actu non velle: quoad alteram vero, ab infinito unicè Bono, uti inquebam, rapitur necessariò, non ab aliis, aut judicet tantummodo, aut etiam judicata desideret. Nam tangitur animus amore suæ felicitatis, & in Universo quærit, quæ illam producere possint, ut ea postquam invenerit, amplexetur: sed quis unquā auferet, disquisitionem hujusmodi esse necessariam, & ad unum singularem determinatam, si non unum, sed plura bona honesta, utilia, vera, apparentia perpendat, & quia nullo ex iis videtur unicè, vel necessariò felicitati connexū, nullum percipiat veluti medium singulare, nullum appetat, uti unicum bonum? Anne objecta considerantes bonorum malorumque rationes non inquirimus, in iisque immoramur, ut pondus decrescat, vel augeatur? Anne sæpius opposita momenta in medium non adducimus, quò objectum aliquod uti melius nobis ipsi proponamus (a)? Judicium itaque

(a) Hinc respondens Divus Thomas ad III. quæd sibi opposuerat (Vide notam numeri 34.) inquit = *Vis sensitiva non est vis collativa diversorum,*

que non erit determinatum ad unum : quare nec animi volitio, quæ ab illo pendet, necessaria.

XLII. Sed intellectum ideas tantummodo recipere, & nonnisi passivè animam in cogitando se gerere, contendebant adversarii. Quis ergo hæc perceptiones efformat, quæ intellectui tribuuntur? Materiane, an Deus: Utrumque falsum; neque paucis id ostensum est a Metaphysicis contra Hobesium de animi Spiritualitate, & contra Malebrankium in systemate causarum occasionalium. Atque hic redarguendus est quoq. Lokius, qui percipiendi potentiam realiter passivam esse statuit (a) eo quod actione exterioris substantiæ percipiamus, licet ibi agentis nomine id videatur intellexisse, quod independentè ab alterius Entis occasione operetur, & in facultate revocandi absentes ideas, easque invicem conferendi potentiam vere activam recognoscat. Externum scilicet objectum agit quodammodo supra animam, eam excitans: sed Materiæ motus in cerebro sistit, ne transeat in mentem; cumque imago veluti illa, quæ animo obijcitur, ex materiæ sinu non eruatur, sed unicè fiat ab ipso, ager idem animus realiter in intelligendo. Scio instare adversarios, saltem percipere Animam juxta motus ab objecto in fluidis, cerebroque productos: sed advertant illi, duo esse in intellectu consideratione, unum scilicet necessarium, aliud indifferens. Apertis nempe oculis, iisque in solem defixis, sive velim, sive nolum, imago ejusdem in animâ representatur: sed interim in meâ potestate esse sentio, hanc ideam contemplari, conferre cum aliis, componere de componere. Baculum quippe rectum videre nequit animus, si partim in aquam, partim in aërem demergatur: Sed sensationem, & ideam corrigere potis est, judicâs & illum rectum esse, & ob mediâ diversitatem sibi curvum apparere. Appositè Augustinus (b) = *Qui tibi videtur adolescens pulcherrimus fur? quomodo horrent oculi tui? Nisi quia oculi carnis horrent? Si ipsos interroges, nihil illo corpore compositius: & parilitis membrorum, & coloris delectatio illicet oculos; & tamen cum scias, quia fur est, fugis hominem animo. Vides ex aliâ parte senem curvum, vix se moventem, rugis exaratum: quid vides quod oculos deleat? Scis, quia justus est, amas, amplecteris* = Licet itaque secundum Corporeis cerebri motus percipiat anima, ejus tamen actio, dum intelligit, non determinatur unicè, & necessariò ad ea, quæ a sensibus de objectis referuntur (c).

XLIII.

sed simpliciter aliquid unum apprehendis: & idè secundum illud unum determinatè movet appetitum sensitivum: sed ratio est collativa plurium, & idè ex pluribus moveri potest appetitus intellectivus, scilicet voluntas, & non ex necessitate =

(a) De int. hum. l. 2. c. 21. §. 72. (b) Tract. 3. in Joan. n. 21.

(c) In hoc unicè sensu, quem explicavimus, vera est, quantum video, Scholasticorum, Malebrankii, VVolphi, aliorumque sententia, qui contra

XLIII. Indulgeat mihi quæso benevolus Lector, si nimis longâ oratione vela faciam in re tam perspicuâ ostendenda, quod nempe anima dum intelligit, neque semper, neque in omnibus agat juxta determinationem objecti externi, nulla neque ab eo necessitatem patiatur. Sive enim Collinium audias, sive Voltairium, sive quemcumque alium ex recentibus Libertatis osoribus, ad nauseam usque semper idem & asserunt, & repetunt, aut animam agere sine ratione, quod est absurdum, aut ab ipsâ ratione necessitari, cum intellectus nullo pacto sit indifferens. Quod equidem, licet ab aliis pro Libertate agentibus sit refutatum, non est nihilominus, quantum scio, ita refutatum, ut nulla ex adversâ parte dubitationis alea remanserit. Liceat itaque mihi paululum in hisce immorari, quæ potissimum a disputationis nostræ scopo prorsus aliena non sunt, quoniam animum in intelligendo indifferentem esse ostendentes, quod nobis quoque de humanâ Libertate propositum erat, demonstramus.

XLIV. Qui Voltairium legeret de Lokio disputationem, ejusque opinionem circa animi indifferentiam adducentem, attendens, quâ fronte acutus interpres in suas partes trahat illum, asseratque ex Lokii Doctrinis tum se, tum ipsum Collinium plurimum luminis derivasse ad statuendam in animo necessitatem, eo quod voluntas indifferens videbatur Lokio chimærica, & prorsus absurda (a), miraretur equidem, immò non crederet, Lokium ipsum de humano intellectu, ejusque libero progressu in actibus suis tam acutè, & analytice differentem mutata deinde facie animi indifferentiam denegasse. Nostra non attinet Lokii mentem a Voltairi calumniis vindicare, ejusque sententiam ostendere non nisi verbis distincti- qui ab ea, quam hic defendimus, cum ipse *Voluntati* libertatem negaverit, non *Animo*, peculiari scilicet *Potentia*, non *Agenti* (b); præsertim vero quod hoc abundè pateat ex illius operibus (c) & ejusdem argumentis, quæ

Arnaldum ideas a perceptionibus distinguendas esse contendebant: intelligendum scilicet est, representationem objecti sequi naturam sensationis, & nullam animæ potestatem inesse quidquam in ideis immutandi, quod in sensatione invenitur, ut dulcedinem sentire nequeat, dum lingua tangit amarum; sed diversam penitus esse actionem, quæ fit ab animâ, dum habitam ideam contempletur, & examinat, quia illam corrigit, comparat, decomponit summâ, quâ fieri potest, arbitrii indifferentiâ.

(a) Vide Nonnotte = Erreurs de Voltaire T. 2. c. XI. de la Liberté = & Voltairium ipsum Philos. Ignor. doute 13. & præsertim 29. de Locke ubi ait = Locke me confirme dans l'opinion, que j'ai toujours eue... qu'il est absurde au fond de dire = La volonté est libre, puisqu'il est absurde de dire = je veux vouloir cette chose = car c'est précisément, comme si on disait = je desire de la désirer, je crains de la craindre = qu'en fin la volonté n'est pas plus libre quelle n'est bleue, ou quarrée. =

(b) Vide suprà n. 2.

(c) De int. hum. l. 2. c. 21.

quæ passim in disputationis decursu pro nobis adducimus. Illud tamen assero, quod nonnullæ perpetuæ Universi sui operis contradictione potuisset Locius animi necessitas ex objectis intelligibilibus eruere. Neque enim illæ haberentur animæ cogitantis actiones, quarum nemo melius generis explicavit, uti summa frueremur indifferentia, aut necessario dum cogitamus ad uno, vel alio objecto determinaremur. Si enim Anima libera non esset, in intelligendo, quomodo seligeret signa idearum, quæ arbitraria dicuntur ad differentiam naturalium, & accidentalium, eo quod neque ex proprio lubitu inveniantur absque ulla dependentia ab objectis externis? Quomodo Imaginationem, Memoriam, Reflexionem exerceret? Quomodo ideas abstraheret, componeret, ad analysim reduceret, quæ omnia demonstravit Locius haberi non posse, nisi Anima suis intellectibus libere dominetur. Non possemus ergo præteritas ideas in mentem revocare, nisi excitati externa sensatione objectorum, quæ illis videntur: neque aliud haberemus intelligentiæ exercitium, nisi quod præsentis indigentia producerent. Quæ quidem falsa sunt; & inde videtis ex intellectus actionibus iterum probari animæ indifferentiam, non destrui, quod penitus pessumdat adversariis (a).

XLV. Hoc erat plene ostendendum, ut eorum difficultas everteretur, quæ potissimum, supposito intellectu penitus indifferenti, ulla responsione non indigebat. Et quavis adductam rationis, ut inquirunt, necessitatis ex ultimo intellectu dictamine objectionem pro nihilo Clarius reputaverit (b) tamen fatendum est, responsiones, quas ibi tradidit Vir Clarissimus, vim argumenti non evellere, sed confirmare. Contendit enim ultimum dictamen intellectus non esse, nisi postremam determinationem hominis, qui statuit eligere aliquid, vel adversari, postquam de eo diligenter deliberaverit (quibus verbis intelligitur ipsa revolutio), aut saltem se habere, uti motivum aliquid, cur anima determinetur, non vero, uti causâ efficienti. Hæc equidem satisfactis non arguuntur; sed in responsionibus epistolarum, quas ad calcem affert, concedit animam in examine propositionum, sive ad scientiam sive ad praxim pertinentium pure passivam, & necessario determinatam esse, quod absolute negandum erat: unde implicat.

(a) Breviter hic animadverto, præcipuum inter brutorum, hominumque intelligentiam illud esse discrimen, quod hi tale jus habeant supra suas ideas, ut possint illas quomodolibet disponere, separare, abstrahere, eumque independenter ab actualitate externarum sensationum; illa vero indifferentiæ defectu, dependant in nobilitate ab externo, easque perceptiones unice habeant, quas objectis præsentia, & actuales indigentia excitant. Hinc in novis inventionibus scientiarum, aliorumque excellenti humanum ingenium, quod non observatur in brutis, quæ ordinem servans semper eundem, uti in telis Araneæ, & Aves in compositione nidorum.

(b) De l'Ex. de Dieu Ch. XI.

plicat sese quæstionibus infinitis, & illuc denique pervenit, ut aliam animo indifferentiam relinquere nequeat, nisi qua unice attentio convertatur ad cœtera, & intelligentia rerum compellatur. Postquam enim ad bonum aliquid concipiendum mens fuerit applicata, si ultimum intellectus dictamen ex Clarkio sit necessarium, amplius non erit illa indifferens ut eligat, vel advesetur: Nam in eo casu aut ipsa volitio est necessaria, quam unam, eandemque esse cum ultimo intellectus dictamine asseruit, aut a necessaria causa determinatur. Hoc equidem contendebant adversarii: hoc idem Clarkio Doctor ipse Cantabrigensis opposuit. Reverà enim ejus objectionem: Cur judicium illud, inquit nebat epistolâ prima, quo utilius nobis esse statutus, hoc potius, quam illo bono satisfieri, eandem non habet necessitatem, ac eam, quâ Geometra judicat, triangulum in eadem basi, & altitudine esse quadrati dimidium? Et hac judicii necessitate supposita, cum homo perfectam non habeat undequeque naturam, crederet ipse actionem optimam esse, quæ interim erit impia, eamque eligeret, idest necessariò a bonitate, & propria justitia deheret. Quomodo itaque, instat ille, fiet Creatura debitor Summo Numini, si tali perfectione careat, quam neque Deus ei dedit unquam, neque potuit ipsa in se ullo pacto producere? Cui potissimum objectioni, ut Clarkius satisfaciat, concedit, judicium, quo ad electionem movemur, esse necessarium, ipsam vero electionem contendit indifferentem, en quòd aliud est, inquit ibidem, judicare, aliud agere, & hæc duo a principiis pendent toto Cœlo diversis: quali non eadem Anima intelligeret, non ea deinde res intellectas amplecteretur. Absurde itaque loquitur, & hisce responsionibus unice probare potest animam agentem esse in volitionibus rerum intellectarum, non patientem, sed ita numquam ostendit, quid agat illa absque necessitate, cum semel concesserit, Voluntatem à causa necessaria, scilicet ab intellectu, determinari.

XLVI. Ex principiis ergo supra positis acuto Doctore id potius respondendū fuisse ex D. Thoma (a), quod scilicet speculativa judicia fiant a nobis necessariò, si de axiomatibus loquamur, aut de propositionibus iis, quibus denegatis principia ipsa evelli evidenter agnoscimus, summa vero indifferentia, si aliquos tantummodo probabilitatis gradus observemus, ut eorum connexio cum axiomatibus non appareat, vel oppositum quoque sub veritatis specie videatur. Non absimili potissimum ratione tendimus necessariò ad felicitatem, uti axiomatibus evidenter conceptis anima assentitur. Sed practica judicia, quæ efformamus ad Beatitudinis eligenda media, respiciunt pro objectis ea, quorum nullum est necessariò, & unice cum felicitate

(a) S. Th. 1. 2. q. 10. a. 2. ait = Intellectus ex necessitate movetur à tali objecto, quod est semper, & ex necessitate verum, non autem ab eo, quod potest esse verum, & falsum. = Ad majorem Claritatem confer num. 29.

licitate connexum, quæve saltem sub tali connexionis ideâ nobis non apparent, siue ob impetum concupiscentiæ, siue ob tenebras intellectus, siue ob humanarum, terrestriumque rerum dilectionem, siue quod majus est, Divinæ visionis certitudine in hâc mortali vita deficiente. Quamvis autem in judiciis speculativis facilius, & majori claritate, quam in practicis agnoscatur connexio propositionis cum axioma, aliisque veritatibus, & idcirco in illis, non vero in hisce necessitari videamur: nobis tamen tribuendum semper est, si connexionem actionis cum ipsâ reali felicitate, & liberationis, & examinis ope, non agnoscamus. Quemadmodum enim reprehendendus esset Geometra, qui triangulum, datâ hypothesi ejusdem basis, & altitudinis, in ratione subsesquialtera ad rectangulum se habere contendere, quamvis ab ultimo sui intellectus dictamine raptum fuisse clamaret, eo quod scilicet, cum potuisset simul, & debuisset, ad evidentia principia, eorumque certas conclusiones non attenderit, ita quidem redarguitur practicum hominis judicium, si actualem animi satisfactionem damnis in posterum sequuturis anteponat, vel quodcumque malum sub boni specie amplexetur; illius enim judicii, siue principium videas, siue progressum, prorsus indifferens, & ab omni necessitate immunis fuit determinatio. Quamvis, inquiebat appositè Lokius (a), voluntas inclinet ad ea, quæ ab intellectu, uti bona repræsentantur, inde tamen in pius ullo pacto non excusatur, si quadam electione præproperâ falsas sibi in posuit Boni, Malique rationes, quæ falsæ quidem, & erroneæ, uti sunt, influunt supra viræ suæ modum, ac si justæ forent. Neque Lex æterna, & rerum natura immutari debent, ut ejus electionibus inordinatis adaptentur. Quia malè utus est libertate examinandi ea, quæ realiter ad felicitatem ducere possunt, erravit; & quæ inde sequuntur damna, siue noxia consecutaria, ejus electioni, tanquam causæ, sunt tribuenda. Poterat ille determinationem suspendere; & hanc habuit facultatem, ut unicè examinaret, propriamque felicitatem recto animo inspiceret, ne in errorem a se ipso induceretur: neque suaderi debebat, expediens sibi esse potius, si falleretur, quam si rectè judicaret de rebus, quæ tam proximè ad se pertinebant. Ethica potissimum veridicis innixa fundamentis ad virtutem unicè movet electiones ejus, qui suos actus velit seriò perpendere; & ille, qui a ratione deficit, si attentò animo de Bono, & Malo non mediretur, redarguitur a se ipso, cum non utatur, uti debet, propriâ intelligentiâ. Certò sciens ex gr: judex, aliquem esse infontem, immo quocumque munere, aut alia de causâ daminari non posse innocentiam, si interim illum capite plestat, eo quòd actualiter ultimum sui intellectus dictamen ab auri sacrâ fame, siue a Zelotypiâ, aliisque causis ita determinetur, idem præstabit, ac si aliquis de solis distantia certus, & de magnitudinis apparentis necessariâ diminutione suâsus ab latera anguli Optici infinitè lon-

ga, judicet nihilominus sensuum errorem non esse corrigendum, ipsumque Solem cum Epicuro fortasse bipedalem.

XLVII. Errabat itaque in principiis Voltairius inquiens (a) = *Ego necessario volo, quod volo, aliter vellem sine ratione, & sine causâ, quod est absurdum* = Propria enim Ratio, qua determinamur, non destruit electionis indifferentiam, sed potius illam ostendit. Neque hic tempus reterendum est in Helvetii sophismatibus confutandis, quæ ad vim similiter pertinent animæ a motivis illatam. Nil enim de novo assertur, quod a Collinio, & Voltairio non opponatur, quodque non sit a nobis fufius fortasse, quam par erat, refutatum (b). Quomodo enim media eligentur, in quo omnis indifferentia consistit, nisi prius inspicatur, quæ sint vera media finis obtinenti? Ille unicè agit judicio indifferenti, qui pollet intellectu, ut Universalem boni rationem agnoscat, & inde eam peculiaribus aptet entibus: unde ubicumque est intellectus, erit quoque absque ullâ necessitate eligendi arbitrium. Revera omnia ex ordinatione Divini regiminis ad suum finem tendere debent: quæ vero intellectu carent, agunt quasi in finem ab alio directâ, uti sagittæ motus est ad signum ex directione sagittantis; at in iis, quæ directè in finem proprium operantur, cognitio finis ipsius, & medii requiritur, item & debitæ proportionis inter utrumque, quod est solius intelligentis.

XLVIII. Hinc saniores Philosophi indifferentiæ radicem in propriâ mentis ratione posuerunt; quod nempe, nisi animus agnosceret, bona hujus Mundi neque Summa esse, neque infinitæ intentutatis, aut si intelligentia ab externis objectis absolute penderet, indifferens nulla foret electio. Etingite quæso, inquebat Lokius (c), perfectam in animo indifferentiam, quæ a proprio boni, malique judicio determinari non possit.

(a) Ph. Ignor. doute 13.

(b) Helvet. de l'Esprit disc. 1. cb. 4. Inquit = On ne pourroit entendre par ce mot de Liberté, que le pouvoir libre de vouloir, ou de ne pas vouloir une chose. Ce pouvoir supposeroit, qu'il peut y avoir des volontés sans motifs, & par conséquent des effets sans cause. Il faudroit donc, que nous pussions également nous vouloir du bien, & du mal, supposition absolument impossible... Si le desir du plaisir est le principe de toutes nos actions, si tous les hommes tendent continuellement vers leur bonheur réel, ou apparent, toutes nos volontés ne sont donc, que l'effet de cette tendance = Vide itaque si lubet, quæ hic diximus à num. 39. Ut vero huic ultimæ Helvetii d'ssultati satisfacias, confer ea, quæ allata sunt num. 27., & seq., ubi peculiarium bonorum electiones demonstravimus effectus esse naturalis desiderii, quo trahimur ad Beatitudinem, sed non effectus ad unum determinatus; quamvis enim excitentur ab amore necessario, tamen indifferenti quâdam deliberatione diriguntur, & ad objecta, quæ non sunt Summum Bonum, referuntur.

(c) De int. hum. L. 2. c. 21. §. 48.

sit. Non erit hæc equidem intelligentis naturæ perfectio : immo ille animi status eadem ratione erit imperfectus, ac si nulla adesset agendi ex libitu, vel quiescendi facultas. Quis humanam naturam non agnosceret imperfectiorem, si manum supra caput elevandi, vel deprimenti potentiâ careret? Sed impar non foret ejus conditio, si facultatem eandem vagam haberet, quoties caput ipsum, aut oculos a baculi decidentis impetu defendere vellet, absque eò quod ab hac rationabili voluntate determinaretur. Utilius est igitur, ut hæc agendi potentia rationibus intimis moveatur, cum omnino illa orbaremur, si alterius actioni potius, quam sibi ipsi pareret animus; qui equidem quò magis ab interno regitur, eò remotior est a miseris, & mancipatu. Quid valet illa, utar Tullii sententiis (a), eloquentissimi viri L. Crassi copiosa magis, quam Sapiens oratio? *ERIPITE NOS EX SERVITUTE*: Quæ est illa servitus tam claro homini, tamque nobili? Omnis animi debilitas, & humilis, & fracti timoritas, servitus est. *NOLITE SINERE NOS CUIQUAM SERVIRE*. In libertatem vindicari vult? Minime. Quid enim! adjungit: *NISI VOBIS UNIVERSIS*. Dominum mutare, non liber esse vult. *QUIBUS ET POSSUMUS, ET DEBEMUS*. Nos vero, reponebat Cicero, siquidem animo exultis, & alto, & virtutibus exaggerato sumus, nec debemus, nec possumus: tu posse te dicito, quoniam quidem potes: debere ne dixeris, quoniam nihil quiquam debet, nisi quod est turpe, non reddere. Adeo erat illud Sapientis animo infixum, solum esse liberum, qui unicè propriæ rationi, non aliis quibuscumque obediret. Et ne a D. Thomæ argumentis recedamus, particularia operabilia esse quorundam contingentia ostendebat ille (b), atque ideò circa ea judicium rationis ad diversa se habere, non ad unum, unde & opus esse, ut homo haberetur indifferentis arbitrii ex hoc ipso, quod erat rationalis. Neque aliunde est, quod actiones ex boni desiderio, & adversatione mali inconiuncta ratione provenientes, quæ motus primò primi vocantur, *morales*, & *humana* a nemine æstimentur, neque sint præmio dignæ, vel poena. Sed hæc viderint Ethici.

XLIX. Antequam vero de motivis huius anarū electionū, sive de ideis boni, & mali disputationē relinquamus, animadverto sæpius dixisse adversarios, volitiones a motivis pendere, uti effectus à causâ (c), quo incauti fortasse, ni distinxerint, in errorem inducentur. Equidem nisi homo à propriâ ratione ad eligendum moveretur, hoc unicum foret absurdum, quod scilicet sui arbitrii dominus non esset, non vero, quod effectus (ne causa contingeret). Ipsa enim motiva animam determinantia in electionem non influunt tanquam *causæ efficientes*, sed purè moraliter, cum effectus nonnisi ab activâ substantia produci valeat, & vim eligendi regant illa tantummodo, non constituent. Revera hæc agendi facultas nisi tradita nobis esset à Deo cum aliis unâ muneribus in Creatione concessis, quæcum-

que posita boni, aut mali representatione numquam eligeremus. Sunt motiva in ani no agente, quod est frænum in equo (vilis potissimum, & in adæquata, sed ad claritatem satis apta similitudo) ad ejus vim motricem undequaque regenda n. Non sunt enim habena, quæ se movendi, & à rectâ deviandi potentiam in equo constituunt, sed illam tantummodo dirigunt, qua intimè pollet animal; ita ut deficiente fræno, vel utrolibet æquè tenso, ne no inficietur, posse equum vi sua superstitè huc, vel illic deviare. Constitutis ita pariter duobus bonis æqualibus, anima eligit. Dentur enim duo munera, quorum omnia intrinseca sint eadem, extrinseca vero, cum diversa esse debeant, nonnisi confusè ab animo percipiantur: Scilicet claudantur in capsulâ, & duobus tantummodo caracteribus A. & B. voce largientis designentur; tumque optio detur homini, ut ex iis unum eligat. In eo equidem casu, etsi peculiarem in animo appetitum excitare illa nequirent, quæ ex hypothèsi vim habent æqualem, posset tamen anima, eo quod sui juris est, & eligendi vim habet sibi propriam a motivis hisce non productam, sed inditam a Creatore, pollet, inquam, ipsa per se, vi suâ superstitè, novas actiones, voluntatesque suscipere, ac unum eligens in alterutram partem determinari (a).

L. Quibus omnibus ritè intellectis non esset custodandum, profiteri, si modo investigari aliquid humanâ ratione potest, animi electiones ab ejus naturâ ad unum non determinari, neque idcirco intimæ effectus esse necessitatis. Sed veritatis oppugnatoribus non deficiunt alix quædam latebræ, alique recessus, ex quibus fons necessitatis in eligendo deducatur. Ad constitutionem itaque animi, siue statum illum convertuntur, qui oritur ex habitibus intellectualibus, & moralibus, ex adfectibus, & præsentibus ideis; cumque sciant, vulgatum in Scholis, *per modum recipientis recipi, quidquid recipitur*, concludunt ab hisce vim sumere objectorum impressiones, ipsosque simul & adfectus, & habitus animam ad propria objecta necessariò determinare (b), ita ut ultrâ conditionem, ideasque suas nil quærat neque rusticus, neque Philosophus. Fateor equidem motiva nostrarum actionum dependere, atque regi ab hujusmodi habitibus,

pas-

(a) *Hæc bene si perpendifsent Leibnitziani, principium rationis, ut inquiunt, SUFFICIENTIS, siue POTIORIS tanto ardore non defendissent in animâ, quo ad illud tendere videntur, ut dicamus, motiva non regere vim agendi, quæ est in homine, sed illam constituere. Datur enim aliquis fortasse casus, uti in æqualibus hisce, clausisque muneribus, in quo momentâ peculiariter animâ diverso modo non incitant sed ipsa sibi est causa sufficiens sui actus. Eligit enim illa munus ex: gr: B. cum ratione, ne scilicet utriusque jacturam faciat, non vero cum POTIORI Ratione, cum ex hypothèsi motivum eligendi unum præ alio non habeat. Legatur Fassonius noster in dissertatione de Principio Rat. Sufficientis Leibnitzianæ.*

(b) Vide Volt. Ph. Ign. doute 13., & alios

passionibus, educatione, studiis: at quemadmodum propria boni, & mali ratio vim animæ necessariam non infert ex ostensis, ita pariter neque illa indifferentiam auferunt, quæ non sunt, nisi subsidia quædam, quibus representationes bonorum, malorumque, sive motiva ipsa juveniunt. Quod enim sæpius repetendum est, & quod unum ad objectiones qualescumque diluendas maxime pertinet, illud suprâ demonstravimus, vim scilicet eligendi, & se determinandi propriam esse in animâ, neque ab hitce notivis, aliisque concaussis oriri, sed tantummodo regi, ita ut, quamvis facilius inclinemus ad objecta passionum, nihilominus non ita trahamur, ut anima sui arbitrii domina in agendo non appareat. Hinc necessitas, quæ inde habetur, erit *Moralis*, non *Absoluta*, scilicet quæ animam ut plurimum allicit, sed non auferit potentiam ad oppositum, in quâ Libertas constituitur. Revera sive utamur cum Tullio (a) in his animi perturbationibus describendis Stoicorû definitionibus, sive earum geneseum cum Lokio (b) inquiramus, qui videntur in hac quæstione versari acutissimè, illud certum est, ex reflexione voluptatis, quæ nobis addi potest a bono, *concupiscentiam*, ex reflexione doloris, quem pati possumus a malo, *irascibilitatem* oriri: hæc vero esse fontes omnium adfectuum, cum ex prima producat amor, spes, desiderium, ex altera odium, ira, desperatio, ex utraque timor, audacia, invidia, mœror, æmulatio. Lætitia præsentium bonorum est, libido futurorum; & quæ venientia metuuntur, eadem efficiunt ægritudinem instantia. Opiniones scilicet omnes, atque judicia de hujus Univerû Entibus, quæ neque in se ipsis, neque in ideis nostris considerata possunt unicam in animo determinationem excitare.

LI. Quodnam vero est in nobis cujuslibet passionis initium? Dum illam acquirimus, nullam vim experimur, & producit voluntaria, ac penitus indifferenti animorum dispositione, ejus causæ sumus nos ipsi, in quorum potestate sentimus esse, utrum affectibus illis subjici, an eosdem remove velimus. Incitationes enim objectorum, quantumlibet vehementes non determinant necessario electionem, quia per easdem ex hominibus, qui æqualiter trahi possent, unus frequenter, & non alius exarcescit, immò & non rarò, altero decidente, qui proclivior forsitan esset, non inducitur. Ut in malis attingit animi naturam corporis similitudo, ita & in bonis: Illud vero animorum, corporumque dissimile esse docebat Cicero (c), quod animi valentes morbo tentari non possunt, corpora possunt: & ideo corporum offensiones sine culpa accidere posse, animorum non item, quorum omnes morbi, & perturbationes ex atpensatione rationis eveniunt. Revera quo unquam præcipuo argumento animi lineamenta videbantur sapientibus pulchiora, quam corporis, nisi quod ille rectè solus liber esset, nec dominationi cujusdam parens, neque obediens

(a) *Tusc. q. L. 4.*(b) *De int. hum. l. 2. c. 20. §. 3.*(c) *Tusc. q. L. 4.*

diens cupiditati, rectè invidus, cujus etiam si corpus constringeretur, animo tamen vincula injici nulla possent? At *serò medicinam adhiberi*, cum *mala per longas convalescere muros*, clamabat ille, qui dixerat: *Principis obsta*. Serò quidem, non vero inutiliter, cum ipsas passiones animo jam infixas examinare, & corrigere valeamus, uti sæpitiè videmus mores hominum, studia, atque propensiones sapientum consiliis, bonorum exemplo, maturâ deliberatione, Ethicæ tandem tum naturalis, tum Christianæ præceptis converti in frugem meliorem. Aegritudinis, & reliquorum animi morborum una sanatio est, omnes opinabiles esse, & voluntarios, eaque re suscipi, quod ita rectum esse videatur. Demus ergo nos, Stoici admonerant, demus ergo nos Iuliosophiz excolendos, patiamurque sanari. Qui enim probari potest, ut sibi mederi animus non possit, cum ipse medicinam corporis animus invenerit, cumque ad corporum sanationem multum ipsa corpora, & natura valeat, nec omnes, qui se curari passi sunt, continuo etiam convalescant, animi autem, qui se sanari voluerint, præceptisque sapientum paruerint, sine ulla dubitatione sanentur? Tristis res est sine dubio dolor, aspera, amara, inimica naturæ, ad patiendum, tolerandumque difficilis: animi nihilominus remedium adhibent, naturaque vim inferunt, ut magnitudini medicinæ doloris magnitudo concedatur. Pendent simili ex passionibus cæteræ ab intellectu, quem summâ indifferentiâ determinari demonstravimus, cum intendentes considerationibus quibusdam sive amorem, sive iram mitigare, & instigare valeamus. Nonne incedimus nobis ipsis, si unquam illud, quod cupimus, consideremus, quam leve, quam contemnendum, quam nihil omnino sit, quam facile vel aliunde, vel alio modo perfici, vel omnino negligi possit? Nonne ipsa animi ratio passionum injustitiam, ac fœditatem interius accusat, eorumque tranquillitatem turbat, qui a suis affectibus immoderatè subjugari patiuntur? Idem agens argumentum Locius (a) ad hominum cupiditates regendas opus esse admonet, ut boni, malique realis, non vero apparentis sensus acuatur in animo, neque linamus unquam, excellens Bonum, quod obtineri posse cognoscimus, ab animo effugere, quin sui desiderium relinquat, donec sanâ reflexione ejus realitatis, & pretii excitemus in nobis appetitus in ratioe excellentiæ, quâ pollet, ita ut illius privatio, aut timor amittendi, dum idem possidemus, inquietitudinem valeat ingerere. Neque vero, addit ipse, dicat aliquis, se non posse ad affectibus dominari, aut impedire, quominus ad illorum objecta trahatur: Si enim id effici potest coram Principe Viro, & aliis quoque inferioris sublimitatibus, illud equidem, si velit, quisque obtinebit, dum solus est, aut unicam Dei refoeciat Omnipresenciam (b).

I I.

(a) De int. hum. L. 2. c. 21. §. 53.

(b) Cum non posset inficiari Voltairius, quod aliquando contra passiones eligat homo, instabat Ph. Ign. doute 13. = Nous pouvons reprimer nos

LII. Fateor vero aliquoties animi passionem esse tam validam, ut omnimodè usum rationis tollat, & advertentiam, quibus ipsa quoque indifferencia auferatur, præsertim vero, si de habitibus sermo fiat: actuum enim repetitione usus in naturam convertitur, & vel idea in animo fixa, vel satis exercitata cerebri motio, atque spirituum vim penè habent intupescibilem. Certum tamen est, siue initio, siue passionis ejusdem progressu coactionem tam validam expertos homines non fuisse; unde animorum indifferencia ostenditur, cum ex tali passione agentes posuerint liberrimè causam, quæ modo illos penè invictè determinat. Sed insuper hominem vino deditum, fruentem prosperâ valetudine, animo curis vacuo, & sicientem supponamus cum Clerico (a) ingredi locum, ubi combibones iaveniat unâ potantes: vix dubitare possumus, quin ille interdicto nullo impeditus, & excitatus a sociis, sit quoque trahendus ad vinum: attamen quis neget, illum ipsum, si pignore contendisset cum aliquo, se non fore eo loco bibiturum, quis, inquam, neget, posse habitui, & amicorum incitamento, ea saltem vice, quocumque modo id eveniat, obsistere? Hinc neminem ad hasce voluptates ineluctabiliter ferri colligimus: & hinc poena, vel præmio etiam homines ex habitu agentes digni sunt, immò potiori quodam jure, quam si agerent sine habitu. Nam unice, quæ per metum aguntur mixta sunt ex voluntario simul, & involuntario, quia ibi eligitur aliquid, uti perpetua in vinculis detentio, sed ad aliud repellendum, puta mortem, quæ timebatur, & manet repugnantia quædam ad ea, quæ aguntur. Coeterea vero passionēs augent voluntariā intentionem, atque conatum; unde apud Ethicos quoscunque cum D. Thoma (b) vulgatum est = *Quantò aliquis majori libidine, vel concupiscentiâ peccat, tanto magis peccat* = Quibus positis si contendat Voltairius apud Nonnotæ loco citato, homines non esse indifferentes, alias enim proprios habitus, passionēque mutarent, illud arguit, quod nos perpetuò falsum esse experimur, & ostendimus; quodque etiam si adversario concederetur, nihil unquam pro ipso concluderet.

LIII. At Leibnitzius aliam viam ingressus est, quâ animos ad unum ex causâ internâ determinatos, licet indirectè, videatur asserere. Excogitatâ enim illâ, Poësis libidine potius, quam veritatis amore, harmoniâ præstabilitâ, & serie idearum in anima, quarum una penderet ab altera necessariò (c), statuit perceptiones sibi succedere eo ad invicem ligamine, & connexionē, ut præcedens contineat rationem sufficientem;

atq.

passions : mais alors nous ne sommes pas plus libres en reprimant nos desirs, qu'en nous laissant entrainer à nos penchans, car dans l'un, & dans l'autre cas nous suivons irrésistiblement nôtre dernière idée. At hiscè in Superioribus num. 38. ite. fusè satisfacimus.

(a) Ontol. c. 13.

(b) 1. 2. q. 77. a. 6.

(c) Theod. T. 2. §. 59 & seq. & alibi

atque causam subsequēntis : hanc vero idearum seriem traditam a Deo fuisse , qui utpote Sapientissimus , cupiens ex materia simul , atque Spiritu unum componere , talem animæ dedit seriem cogitationum , & corpori motuum , ut invicem sibi corresponderent . Sic animus ex idearum suarum serie , absque ulla unquam electione , concipit ambulandi desiderium , & corpus nullo ejus imperio , occasione , vel influxu , sequens ordinem suorum motuum , eodem temporis momento prædeterminatum est , ut ambulet : ita ut si Cæsaris anima migraret in corpus Nervæ , monstrum efficeret , quia series motionum corporearum hujus non responderet idearum seriei , quam illius habet anima . Quod equidem systema quamvis ingeniosum sit , minus tamen est veritati conforme , & omnem aufert ab anima indifferentiam . Hic enim determinaretur illa necessario ab antecedenti perceptione , cumque hujusmodi idearum seriem a Deo haberemus , ut non possemus , unâ relicta , de alia , aut opposita , aut disparata cogitare , a Deo ipso humana indifferentia tolleretur . Scio , VVolphium respondere exemplo Divini decreti , quod licet antèrius admittendum sit in systemate quolibet , tamen ullam non imponit necessitatem , ut inferius ostendamus . Sed in harmoniâ Leibnitzia fatendum est , aliquid novum addi , quod non possit cum actionum indifferentia conciliari . Si enim suis principiis stare velit Leibnitzius , idea patricii homicidii nullo pacto mihi erit indifferens , cum ab animæ voluntate non pendeat , sed unicè ab ideâ antecedenti , & ei vinculo tam arcto coniungatur , ut mutari nequeat in ideâ Charitatis , & veniæ , si hæc habitæ prius perceptioni non correspondeat . Idea vero antecedens eodem pacto non fuit indifferens , cum à priori determinate penderet , donec ad ultimam deveniamus , quæ etiam non nisi necessaria esse potuit primo Creationis instanti . Namque , si fuit innata ut ipse contendit , tradita est a Deo , quin anima haberet potentiam ad alias ; si vero producta per sensus , necessariò quoq; producta est , quia nullum eo tempore mens habuit rationis usum , in qua fundatur indifferentia (a) .

LIV. Longâ vero demonstratione non indigemus ad hoc systema refutandum , ut propositæ disquisitionis capita ex omni parte absolvantur . Quæ enim ratione probari possunt hujusmodi series idearum , & motuum ad invicem independentes , cum ipsi sentiamus verum , & reale commercium animam inter , atque corpus , & distinguamus brachii motum a systole cordis , eo quod hæc a propria vi corporis , ille vero ab animæ imperio proficiscatur ? Numquamne ideæ tales in nobis excitantur , quæ nullam in præcedenti perceptione , sed unicè in motu corporis sufficientem habeant rationem ? Cogitanti ex causa mihi de morte parentis , si Mimis ante oculos obversetur , levamen aliquod , immò & lætitiâ perferit animus : at gaudium cum ideâ tristi , in qua defixus eram , non coniungitur , nec ab illa dependet , ita ut vel nulla hujusce mutationis erit ratio , vel inte-

gra

gra. consistet in motu corporis, a cujus sensibus Mimi habetur representatio. Præterea si Leibnitzii sententiam admittamus, non video, cui usquam usus sit anima corpori, aut corpus animæ; quoniam ille sentit (a) corpora eodem agere modo, ac si nullæ intus essent animæ, & animas ita percipere, ac si corpora nulla darentur. Dum ideas alteri communicamus, vox illa esset inutilis, quippe ad audientis corpus tantummodo progrediretur, & siue ego loquerer, si tacerem, eo temporis momento aliter ob propriam idearum seriem de re illa cogitaret. Hoc autem videri debet Philosopho absurdum, si frustraneam animæ, corporisque unionem esse sentiat, aut societatis necessitatem ad ideas invicem communicandas inficietur. Habet fortasse anima continuatam quamdam seriem idearum, si velimus ei perennem tribuere perceptionem, quod etiam non est adhuc evidenti demonstratione ostensum (b): habet ista series ligamen aliquod, quo subsequens perceptio pendeat à priori, ne dicamus, in animo sapientis æquæ ac in amenti ideas remotissimas, & inter se disparatas una conjungi: Sed hoc ligamen tale non est, ut ope motionis corporeæ, vel nuda quoque voluntatis dissolvi non possit. Hujusmodi enim duplici modo sapius animæ obversatur idea, quæ vinculum cum antecedente non habeat, ut frequenter experimur, novis objectis ante oculos occurrentibus, vel in eorum quoque absentia, post diurnam præsertim defatigationem in studiis, revolvimus animum ex proprio arbitrio ad lætas ideas rerum jocosarum, atque delectabilium, ut quodammodo relaxetur: Quo in casu præcedens idea subsequenter non producit: non enim sic causa intelligi debet ut quod cuique antecedit, id & causa sit, sed quod cuique efficienter antecedit nec quod in campum descendimus, id fuisse causa, cur pila luderem, nec Hecubam causam interitus fuisse Trojinis, quod Alexandrum genuerit. Unde neque Archimedes, quod si id ajebit Volturnus (c) æqualem vim patitur, ut in cubiculo remaneat, si clausis ibi retineatur, ac si mecha-

G

nico

(a) Princ. Phil. j. b. §. 84.

(b) Plures demonstrare conati sunt, humanas animas perenniter cogitare, Cartesius præsertim, Leibnitzius, & inter ceteros nostræ ætatis Genuensis contra Peripateticos, Lokium, aliosque: Sed fatendum est, adhuc latere hujusce questionis resolutionem, cum ex utraque parte argumenta sua habeant gradus probabilitatis, invicem vero nil ostendant. Illud enim a Voluptuosis quæri potest, cur unquam, ut vivere dicantur substantiæ simplices, requiratur actualis operatio, non vero sufficiat perennis agendi potentia? Immo & quæ de causâ vitæ hujusmodi animarum in cogitatione, non autem in aliâ nobis fortasse incognitâ proprietate, statui necesse sit? Præterea cum non recorder idearum, de quibus in profundo senno, aut deliquio me cogitasse vult Leibnitzius, cur hæc potius illarum deficiencia dicenda non erit, sed oblitio? Hæc expediat, & erit mihi magnus Apollo.

(c) Ph. Ign. doute 13.

nico problemati dissolvendo attentè vacet : quamvis enim series Mathematicarum perceptionum inde exeundi ullam ideam non objiciat , est tamen in animo facultas, est in aliorum objectorum motionibus perfecta potentia , quâ series ipsa interrumpatur . *Nulla itaque in animi internâ naturâ necessitas electionibus aufert indifferentiam .*

LV. Reliquum modo est , ut examinemus , quod tertio loco propositum fuerat (a) an repetenda sit ab externo hæc animæ determinatio ad unum , live *a vi Corporis* , cui illa conjungitur, live tandem ab aliquâ Universalis causâ necessitante , quæ *Fatum* dicta est , quoniam objecta , quæ amplectimur , vel adversamur , coactionem nullam inferunt, uti pluribus ostensum est, ubi ordo disputationis postulaverat. Hobesius itaque in opusculo *de Libertate, & Necessitate*, item Antonius Collinius in suo *Examine Philosophico* ponunt corpus causare propensiones, & voluntates, ejusquæ : temperiem ab aëre, cibis, & seminis naturâ productam influere instituta pariter, atque mores, sicuti in cæteras intelligentiæ qualitates, ita ut alios locos videntes esse salubres, alios pestilentes, in aliis esse pituitosos, & quasi redundant, in aliis exsiccatos, atque aridos, Athenis tenue Cœlum, & ideò acutiores æstimates fuisse Atticos, crassum Thebis, itaque pingues Thebanos, & valentes, concluderint in naturis hominum dissimilitudines esse, alios libidinosos, alios iracundos, aut crudeles, aut superbos, alios vero talibus vitiis abhorreere, equod diversa corporis constitutio cogat animam ad actus luxuriæ, si fuerint ignea, vel temperantiæ, si frigescat, ad timorem, & magnanimitatem, ad Religionem, vel Atheismum. At vero, concedimus libentissime, acuti, hebetesque, valentes, imbecilline simul, non esse totum in nobis, item quod alios dulcia, alios sub amara delectent, a corporis constitutione pendere: non sequitur tamen, ut etiam rem agere aliquam, amplecti bona, vel adversari, ab illo sit constitutum. Cum cæteris enim concaussis, de quibus suprà dictum est, corpus concurrit ad movendam voluntatem, sed purè uti motivum, non uti causa necessariò determinans. Plures equidem passionēs a corpore pendunt, & ab eo vim habent: Sed inferior appetitus subjicitur iudicio rationis: unde & naturales animi inclinationes ex physiognomiâ, & adfectus cognosci, atque prædici fortasse poterunt, non vero quid anima agat, quid respuat, obsecundetne cupiditatibus, an dominetur. Ex naturalibus enim causis vitia nasci possunt, extirpari autem, & funditus tolli, ut in ipse, qui ad ea propensus fuerit, a tantis vitiis avocetur, non est id positum in naturalibus causis; sed in volūtate, studio, disciplinâ. Quamobrè cum multa in conventu vitia collegisset in Socratem Zopyrus Physiognomon, qui se profitebatur hominum mores, naturasque ex corpore, oculis, vultu, fronte pernoscere, derisus est ab Alcibiade, & a cæteris, qui illa in Socrate vitia non agnoscebant; ab ipso autem Socrate sublevatus est,

est, cum illa sibi vitia inesse, sed ratione a se dejecta dicere. Revera supposito admirabili commercio inter animam, & corpus, illud sequitur, positus cerebri motibus correspondere in anima ideas rerum, a quibus motus illi excitantur, & positus animæ perceptionibus similes effici motiones in cerebro: sed inde non deducitur, quod præter ideas etiam voluntates ab animâ juxta corporum motus suscipiantur. Vehemens enim spirituum animalium impressio ad concupiri objecti præsentiam excitata delectabilem ipsius ideam animo repræsentat: sed in nobis positum est in ea contemplantâ immorari, vel non, item illam conferre cum ideis legum sive humanarum, sive Divinarum, quas habemus, cum pœnis, præmiisque sequuturis, ut cerebri motus compescamus, vel iisdem alicentiamur. Præterea omnes conveniunt, in dementibus, ebriis, & somniantibus animam necessario trahi ab inordinato motu spirituum animalium, & cerebri, sive ab agrotanti corporis constitutione: Cur igitur istorum actiones distinguamus ab aliorum voluntatibus, si perpetuò animus in utrisque a corpore necessitante determinetur? Sicuti dementium, somniantium, ebriorumque actiones, nonnisi in causâ, præmio, vel pœnâ dignas esse censemus, ita aliorum voluntates, nullo casu reprehendendæ forent, neque precibus, consiliis, præmiisque adjuvandæ, quæ videlicet in adversariorum sententiâ a Spiritibus, & humoribus sive regulariter, sive irregulariter agentibus pari modo cogerentur.

LVI. Adductam responsionem contra nos retorquet Novus Auctor Examini supra Religionem (1), & eò quod Anima in amentibus, ebriis, & somniantibus non est indifferens, numquam cerebri motibus neque in vigiliâ, neque in optimâ valetudine voluntatem obistere posse concludit. Advertit enim in amentibus nil aliud esse, nisi majorem vim spirituum animalium irregulariter agentium. Jam vero, inquit, si Animæ actio mechanicis legibus non regeretur, materiales cerebri impressiones quomolibet auctæ eam non raperent necessario. Sic ex: gr: si supponamus in alterutro libræ brachio vim aliquam a se se a corporum gravitate diversâ, quâ lanx deprimatur, non solum hæc non elabitur pondere duarum librarum, sed nec etiam mille libris, quia per hypotesim mechanicè non agit deprimens illa substantia. Ita a pari, si minimus cerebri motus non pollet animam trahere necessario, eo quòd volitio Physicæ legibus subiecta non est, nec etiam auctâ impressionum earundem vi in dementibus, & ebriis tolleretur agendi indifferentia. In somniantibus ex adverso major deberet esse Libertas, si ulla daretur, quam in vigiliâ, ut ipse deducit. Nam quiescente, & relaxato corpore minus nervi tenduntur, minorique spirituum copiâ cerebrum impletur, unde & minor vis sit contra Animam; & ideò, si non valeamus in somnio obistere minori corporis motui, quomodo obistemus ei, qui major est in vigiliâ ob sensationes vividiores? At eo pa-

At procedit ista difficultas de vi spirituum animalium supra mentem, & de illius resistentiâ, ac si ageretur de duabus substantiis mechanicè agentibus, quarum major superat minorem, quod omnino falsum est. Laborat itaque argumentatio in falso supposito, & in petitione principii. Equidem vividior, & perturbatus cerebri motus in amentibus, & ebriis, item debiliior spirituum impressio in somniantibus nullum gerunt Physicum, materiâlemque conflictum cum Animæ indifferentiâ, neque sunt veræ causæ immediatæ, cur illa auferatur. Sed quoniam Libertas in Ratione præcipuum habet fundamentum, neque suorum actuum dominus esse potest, qui omni deliberatione orbatur, consilio, reflexione, ideò rationis ejusdem turbatio illa est, quæ in hisce casibus non relinquit electionis indifferentiam. In hominum curis perceptiones sæpe sæpius tam vividè depinguntur, ut illi credant, se objecta licet absentia propriis oculis intueri, cumque in se revertuntur, difficillimè errorem recognoscant, quod est dementiæ initium: amentes vero remanent, si fibræ cerebri tam violenter commotæ fuerint, ut in pristinum statum restitui non valeant. Validus eo in casu spirituum animalium sanguinisque motus id efficit, ut eadè, & unica idea sæper animæ repræsentetur, atque ideo plurimæ discrepantes, alienæque perceptiones rerum, quas interim videt, vel audit, cum eâ vinciantur, & unitæ remaneant, quemadmodum accuratissimè Lokius demonstravit (a). Hinc objecta examinari non possunt, neque cum aliis conferri; hinc tollitur animæ potentia pro libitu alias ideas revocandi, ad quas excitandas ejus imperio prompti non adsunt Spiritus animales ob actualem cerebri constitutionem; hinc denique, ut uno verbo omnia concludam, tollitur judicium indifferens, & quæcumque deliberatio. Similiter in somniis, licet debiliior sit cerebri motus ob lassitudinem, nervorumque defatigationem, tamen exiguus ille spirituum tumultus, qui vel ab ultima vigiliæ ideâ, ut placet VVolfphio, vel a cibo, & potu, aliisque causis ortus est, objicit determinatas quasdam imagines. Anima vero dum eas contemplatur, quodammodo passivè se gerit, deficiente scilicet facultate alias sibi ideas reproduciendi, quoniam eo tempore Spiritus animales ad certas cerebri partes ex ejus arbitrio non excurrunt. Hinc absurdissima sunt insōnia, rerumque adeò disparatarum, & interim animus errorem non recognoscit. Non item verò in vigilia, non item in optimâ valetudine. Si scilicet demonstrassent adversarii, a quâcumque spirituum impressione, atque motu perpetuò rationem turbari, ritè concluderent semper animam a cerebro cogi. At vero cum experientia quotidianâ sentiamus objecti alicujus imagine præsentè posse nos aliam sive contrariam, sive disparatam excitare, item & utramque conferre, in unum cum adsit deliberatio, & usus rationis, aderit quoque eligendi indifferentia. Sic cytharædus, licet eximius, si pulset instrumentum, in quo aliæ chordæ parum tensæ sint, & ad motum dif-

ficiles,

ficiles, alia minus citò oscillent, & plus æquò perdurent in toro, harmoniam ulianam non efficiet: sed inde non deducetur, in aliis instrumentis rite paratis idem omnino præstari.

LVII. At instat, vigilæ deliberationem non esse indicium Libertatis, eoquòd pluries etiam in somno deliberamus, veluti si quæquam somnaret, se dubium esse, utrum hollem amplecteretur, vel interficeret. Velim autem animadvertat adversarius, deliberationem, quæ in somno habetur, esse apparentem, & unice a spiritibus animalibus excitatam, non vero realem, & imperatam a mente. Nonne enim verè deliberationis, in qua Animæ Libertas constituitur, intelligimus actionem, qua mens ex proprio arbitrio excitat sibi varias ideas, easque considerat, corrigit, confert, ut ex pluribus unam eligat. Quoniam itaque in somno diversæ illæ perceptiones de inimico interficiendo, vel non, ab animæ voluntate non excitantur, sed mechanice a spiritibus animalibus; immò quoniam animus, sive ibi judicet, sive ratiocinetur, passivè se gerit absque potentia ad oppositum, idcirco nulla gaudebit propriè dictâ deliberatione. Contrarium vero experiri in vigilia, in quâ si deliberemus, aut eligamus, imperat anima Spiritibus Animalibus, & non obtemperat, ad eamque partem inducitur, quæ ex momento intellectus rationis, non ex phytico cerebri motu præponderet.

LVIII. Hic vero querit citatus Auctor, quomodo anima possit ex arbitrio movere Spiritus animales ad virtutem, atque virtutem, eorumque impressiones moderari, cum postea nequeat illos regere in rebus ad intelligentiam pertinentibus, & in cognitionibus theoreticis? Equidem si natura cerebri, atque Spirituum ad stupiditatem inclinet, quæcumque animæ potestas, & imperium me non efficient acutum; atque ideo si motus spirituum eorundem ad virtutem ducat, nulla erit animæ facultas immutandi aliquid, ut oppositum amplexetur. Sed quot ut quæ in historiis leguntur etiam studio, atque labore cerebri stupiditatem, tarditatemque vicisse? Demosthenes exilem vocem, & linguam balbutientem exercitio, & disciplina emendavit, cujus frequentissima sunt etiam exempla in iis, qui cantu, saltationibus, & instrumentorum pulsatione exercentur, in quibus organorum defectus, voluntate exercitium imperante, corriguntur. Idem quoque observatum est in Xenocrate Chalcedonio, qui adeò hebes erat ingenio, ut Plato eum cum Aristotele comparans, diceret = *Cui equo, quem asinum jungo! alter enim freno, alter calcaribus reger* = & tamen summa Philosophiæ laude per XXV. annos Platoniciæ Scholæ deinde præfuit. Quod equidem, licet majori labore indigeat, atq; conatu, neque frequenter obtineatur, nihilominus non prohibet, quin anima in moralibus actibus facultatem suam perpetuò non exercent. Ut enim rectè, & accuratè fiant intellectuales cognitiones, spiritus animales vel naturâ, vel arte opus est, ut celerrimi sint, & subtilissimi, quod non semper est in animæ potestate: Dum vero bonum amplectimur; &

malum adversatur, moventur quoque spiritus ad impressionem in cerebro efficiendam, sed neque subtilissimi reddendi sunt, neque celerrimi, unde nullum habetur in hisce actibus a corpore impedimentum. Hinc ut brevibus verbis omnia concludamus, vis impressionum, quæ sunt ab objectis, pendet ab actione externa, a temperamento corporis, ab animi constitutione: nullum vero ex his mentem determinat necessarium.

LIX. Atvero si ad causas quasdam Universales attendamus, quæ in nobis electiones causare, & his ideò necessitatem inducere valeant, duæ tantummodo, *Casus* scilicet, & *Fortuna* vel *Fatum* quodlibet, poterunt excogitari. Primò itaque Plato Fortunam, atque Casum esse, putavit causas eorum, quæ consilio carent, causam ex eventu, quæ illa fortuito consequatur, ac mutabilem consilii secundum seipsum habitum: Epicurus vero causam personis, temporibus, locisque minime constantem, aut convenientem; Anaxagoras autem, & Stoici esse dixerunt causam humanæ ratiocinationi occultam, & nonnulla quidem juxta Necessitatē fieri, alia vero juxta Fatum, alia juxta Electionem, alia juxta Fortunā, alia denique juxta Casum (a). Id itaque unum ex variis eorum sententiis colligi potest, Casui tribuenda esse, si quæ sint absque Præscientiâ, & Providentiâ, absque ordine, fine, & dependentiâ a certis quibusdam causis, & ad ea producenda determinatis. Hinc si in feris Causarum, & Effectuum Finis, & Providentia deficeret, sed interim adesset Ordo, & causarum determinatio, *Fatum*, & non *Casus* diceretur, atque inde ipse etiam Epicurus unicò athomorum declinationem Casui tribuebat; sed cum in Universo negaverit Providentiam, & rerum omnium Finem, non vero Causarum ordinem, atque seriem, Fato quidem, & non Casui tribuisse cætera censendus est. Quamobrem ut ad rem nostram deveniamus, cum ipsæ hominum actiones ab animo, non vero a materiâ, immo & summo consilio, atque non sine ratione fiant, & uti usque adhuc ostendimus, a temerario athomorum concursu non producentur. Præsertim vero quòd Casus nullus est in Universo, unde nil sibi timere poterit humana in agendo indifferētia. Obsolevit iam enim apud Philosophos hæc Casualistarum opinio, quæ penè innumeralibus rationibus refutari potest, erutus tum a Cicerone (b) tum ab aliis Doctores non modo Catholicis, sed iis etiam, quibus *fortium*, ut inquit, *spirituum* tribuitur laus a seculo, uti videre est apud Burnetum in collectione omnium Angliæ Professorum Boyleanæ Cathedræ de Dei existentia disputantium; quoniam prodigio simile est, aiebat Laëtantius (c); homines operibus mundi attendentes agnoscere noluisse, quis esset artifex (d).

LX.

(a) Vide Plut. de Il. Ph. L. 1. Eduardo Corsino interprete.

(b) De nat. Deor. l. 2.

(c) In Div. Instit. de Opificio Dei.

(d) Unicam, quæ pro casus existentia occurrere posset, difficultatem hic subjicimus ex D. Thomæ Doctrinis = Contingit quandoque (ait 1. p.

LX. At descendamus ad Fatum. Ex principio rationis sufficientis, & ex ordine rerum Universi certū est effici connexionē quamdam caussarum, & effectuum, quarum una pendet ex aliā, absque eo quod ullā in parte concatenatio ipsa abruptatur. Placuit nonnullis hujusmodi connexionem appellare *Fatum*, in quorum sententiā omnia Fato fieri non denegamus, dummodo seriem illam caussarū a Dei Voluntate Liberā dependentem admittant, ut Fatum sit ipsa Dei Providentia, quæ suis quæque ordinibus connectit, absque eo quod auferat rerum contingentiam, ullamque mentibus necessitatem inducat. Non omnes vero Philosophi, siue veteres audias, siue recentiores, idem nobiscum de Fato intelligunt; sed illud invariabili quādam connexionē disponere cuncta pronunciant, ut ejus Legit us Creaturæ omnes irracionales, & animæ humanæ, & ipse Deus absoluta necessitate subdantur. Celebre est Thaleris effatum, quod a Laërtio (a) profectus = *Antiquissimum omnium eorum, quæ sunt, Deus: ingenitus enim: Pulcherrimum Mundus, a Deo enim factus est: Maximum Locus, capit in nim omnia: Velocissimum Mens, nam per Universa discurrit: FORTISSIMUM NECESSITAS, CUNCTA ENIM SUPERAT: Sapientissimum Tempus, invenit namque omnia* = Alii similiter Fatum immobilem, insuperabilem, violentamque causam esse dixerunt. Cudworthus vero, qui prolixius de hisce loquitur, Philosophorum sententias ad tria Capita, Fatum nempe Democriticum; Spinoziticum, Stoicumque reducit, quibus nos addere possumus Platicum, & cum Leibnitzio Christianum, ita ut si ab horum nullo Animæ necessitentur in eligendo, quid amplius contendant, non habent adversarii. Arduum quippe argumentum, nec agendum fortasse a nobis post innumeros omnis ævi Philosophos, vulgatum ut præsertim hoc tempore Monigliæ Opus, contra Fatalistas, qui potissimum cæteris de novo differendum reliquerunt, nisi instituti nostri ratio id postulari, ut ad integram propositi thematis disquisitionem nonnulla hic etiam ex iisdem auctoribus derivaremus.

LXI. Democritus itaque cum posuerit athenos æterno, & mechanico motu per inane infinitum agitas necessariis quibusdam legibus omnia constasse, statuit seriem illam effectuum, atque caussarum, quibus regitur.

q. 116. a. 1. quod aliquid ad inferioris causas creatum est fortuitum, vel casuale, quod tamen relatam ad causam aliquam superiorem invenitur esse per se intentum. Sicut si duo servi alicujus Domini mittantur ab eo ad eundem locum, uno de altero ignorante, concursus duorum servorum, si ad ipsos servos referatur, casualis est, quia accidit præter utriusque intentionem: si autem referatur ad Dominum, qui hoc præordinavit, non est casuale, sed per se intentum. Fuerunt igitur aliqui, qui hujusmodi Casualia, & fortuita, quæ in his inferioribus accidunt, in nullam superiorem causam reducere voluerunt, & hi Providentiam negarunt.

gitur hæc Universitas, promanare ex naturâ ipsius materiæ, ita ut negaverit ullum esse Primum, & Ingenitum Materiæ Principium, & Proxidentiam, aut Fatum nil aliud esse dixerit, nisi illas Mechanicæ Leges, quibus corpora moventur (a). Hinc nil est in Universo contingens, nil in agendo indifferens, sed quæ eveniunt, sunt absolute necessaria. Sed quis tot absurda conciliet? Falsò enim materiæ æternitas adscribitur, falsò independentia, falsò actualitas absolute necessaria. Nam omnia in Universo generationibus, & corruptionibus mutantur, & mutabilitas contingentiam accusat, contingentia vero non in se ipsis, sed in alio rationem habent sufficientem existendi: de quibus, si lubet, vide Clarkium (b), Jaquelodium, VVorvardum, Cudworthum, Joannem Clericum in Bibliotheca selecta (c) atque Leibnitzium (d). Insuper series rerum diversarum, & divisibilium infinita est impossibilis; neque concedi potest, motum ullum, vel quoque tendentiam ad illum essentialem esse materiæ. Prætermisso enim, quòd concipiamus existere posse corpora sine motu, unice animadverto, vel hujusmodi motum materiæ essentialem, quem rursus suscitavit Tolandus, ad unam, vel ad omnes tendere directiones: non ad unam, quia corpora versus quancumque partem moveri possunt, prout a causâ externâ determinantur: non ad omnes, aliàs in æternum corpora quiescerent, cum ex pluribus directionibus oppositis, & æqualibus, ad quas essentia tendit, nullus motus exurgat. Nisi itaque externam causam, sive Primum Materiæ Movens admittamus contra Democritum, impossibilis erit corporearum motionum explicatio. Quod quidem argumentum a D. Thoma (e) acutissimè pertractatum si attentè considerasset Maupertuis non effatusset (f) Democriti, Epicuri, Tolandique sententiam de motu materiæ ab æterno essentiali dubiam tantummodo, non vero falsam posse haberi. Sed vide Cardinalem de Polignac in suo Anilucetio (g). Unde nec Animæ volitio in mechanico athomorum motu consistit, uti probavimus (h), neque ab illo tanquam a causâ Universali determinatur.

LXII. Jam vero Benedictus Spinoza ratus, æternum aliquid hujusce Universitatis principium independentens, sed a quo materia, & cœtera per essentialen emanationem dependerent, esse admittendum, eandem quoque induxit absolutam necessitatem tum in natura substantiarum, tum in hominum actionibus. Unicam tantummodo dari substantiam contendebat (i) quam posuit esse Deum, infinitis præditam attributis, cogitatione præsertim, atque extensione: cœtera vero finita Entia veras non esse substantias a Deo diversas, sed simplices attributorum illius modificationes,

ita

(a) Vide Lært. L. 9., & Stobæum Eclog. Phys. c. 8.

(b) Ex de Dieu t. 1. Prop. 3. (c) Volum. 7. (d) Theod. t. 2. §. 7.

(e) 1. p. q. 2. a. 3. & c. Gent. l. 1.

(f) Essai de Cosmol. Avant Propos.

(g) Lib. 4.

(h) Num. 15.

(i) Eth. P. 1. & 2.

ita ut sicuti aranea tela , vel filius quicumque ab essentiâ parentis oritur ; ita orientur animæ ab infinita Dei cogitatione , corpora vero ab ejus extensione pariter infinita . Cum autem contingentes non sint neque Dei Cogitatio , neque Extensio , idcirco & ipsarum varîæ modificationes , scilicet Universæ substantiæ , & illarum actiones non erunt contingentes , neque immunes a necessitate , & ipse Mundus erit æternus , essentialiter cum Deo conjunctus , & pars Divinæ substantiæ . Quod quidem systema ab antiquis Pantheistis intentum , & si Bælio (a) , Valchion (b) , atque Budeo de Spinozismo ante Spinoziam credamus , ab Aristotele adumbratum , item defensum a Vincentio Victore , quem seculo Ecclesiæ quinto Catholici Fidei restituit Augustinus (c) , tandem Geometricâ methode est a Spinoza pertractatum , ne suis , licet Sophisticis , demonstrationibus catere videretur . At una , & simplex substantia , qualis est Deus , numquam poterit alia non producere per emanationem essentialem . Nova enim substantia vel ex nihilo oriri debet , vel disjungi ab aliâ compositâ , tanquam pars à suo toto . Mundus autem pluribus obnoxius mutationibus , quæ præ præterit ante oculos obiciuntur , non potest esse Deus idem Necessarius , Immutabilis , Indivisus ; quod est a Clarkio (d) , & à Bælio (e) demonstratum , ut eos tantummodo nominè , quos unicè , & verè Metaphylicos credunt adversari . Hic autem prætereo , cogitationem dividi non posse , quia simplex requirit subjectum , ut ostendunt Psychologi , nec extensionem suâ naturâ esse posse infinitam , eo quod saltem illa , quæ corpori convenit , est divisibilis , & omne divisibile necessariò finitum . Sed hoc tantum addo , singula Dei opera in Universo diversa esse , limitata , mutabilia , unde quoque continguntia , scilicet absque ullâ necessitate producta . Ubi enim causa necessariò agit , determinatur ad unum , neque diversis naturas efficit , sed immutabilia , & necessaria producit , & agit totâ virtutè ; cumque idè Dei Potentia sit infinita , & infinitis quoque modis participabilis ejus Bonitas

H

nitas

(a) Dist. artic. Arist.

(b) De Atheismo Arist.

(c) 2. Retra. c. 56.

(d) De l'Ex. de Dieu t. 1. Prop. 3.

(e) *Lege Voltairium Ph. Ign. doute 24., ubi ait : Bayle voit , combien il est insensé de faire Dieu estre , & citrouille , pensée , & fumier , brillant , & bûtu . Il voit , que cette fable est fort au dessous de celle de Prothée . . . Il est impertinent , que l'excrement d'un animal soit une modalité , ou une partie de l'Etre Suprême . . . Spinoza se sert toujours du mot Dieu . . . mais au fond ne reconnaît point de Dieu . . . Il paraît Athée dans toute la force de ce terme . . . il est , parcequ'il ne reconnaît nulle Providence . parcequ'il n'admet , que l'Eternité , l'Immensité , & la Nécessité des choses : il est , comme Straton , comme Diapras . . . Bayle à très bien démêlé les Sophismes de Spinoza dans les doutes . & dans les obscurités du stile prétendu géométrique , & réellement très confus de ce Maître . Je vous renvoie à lui : des Philosophes ne doivent pas recuser Bayle =*

nitās, si necessario egisset, totum Universum infinitum, & speciatim Creatura quævis foret infinita. Quæ quidem falsa sunt, & Fatum illud Spinozistium evertunt, ne officiat humanæ indifferentiæ.

LXIII. At facile non est, quid Stoici senserint de hâc effectuum, causarumque connexionē, quibus Univerſa machina efformatur, divinare. Eipſius equidem Stoicos a Catholicis non dissentire ſcripſit (a), atque Fatum eis fuiſſe Legem Æternam, cujus auctor Deus eſt, qui illam ſemel ſcripſit, & ſemper ſequitur, ut Seneca inquit (b). Omnia enim ſervant curſum ſuum immutabilem, & quemadmodum rapidorum aqua torrentium in ſe non recurrit, nec moratur quidem, quia priorem ſuperveniens præcipitat; ſic ordinem rerum Fati æterna ſeries rotat, cujus hæc prima Lex: *Stare decreta*. In quâ poſſimum ſententiâ omnia fierent neceſſariò, ſed neceſſitate hypotheticâ, non abſolutâ, quæ contingentiam non tollit, neque adverſatur indifferentiæ actionum humanarum, ut oſtendam, ubi agendum erit de Fato Catholico. Deus enim in hoc ſyſtemate decretum non mutaret, ſed illud fuiſſet initio Liberum, & in cauſis neceſſariis neceſſitatem, in indifferentibus vero indifferentiam reliquiſſet. At Chriſtianus Thomæſius de Exiſtentiæ Mundi Stoicâ (c) nemque Budæus in Epitome hiftoriæ Philoſophicæ (d), atque in Libro de Atheiſmo, & ſuperſtitione omnia ex Divina Voluntate, ſed neceſſariò, non Libere pendentiâ feciſſe Stoicos autumant, ita ut illorum Fatum oleat Spinoziſmum (e). Quamobrem in horum ſententiâ rurfus Stoici admiſſent in rebus abſolutam neceſſitatem. Hinc ſi Fatum huiusmodi conſtituatur, uti Lex Univerſi ipſo Deo Superior, movebitur materia Legibus quibuſdam independentem a Creatore, quod in Fato Democritico conſutavimus. Si vero Spinozæ conſtituat, ulteriori refutatione non indigemus. Satis enim oſtenſum eſt contingentes eſſe huius mundi ſubſtantias, ideoque nullâ neceſſitate a Creatoris voluntate productas. Quo in loco, ut aliquid de Divina Libertate dicamus, quod ſupra polliciti fuimus, certum eſt, Ens ſuâ naturâ neceſſarium, quale poſſimum eſſe debet Prima rerum omnium Cauſſa ex Metaphyſicis, abſolutam habere neceſſitatem in iis, quæ ad proprium ſpectant individuum; unde ſui ipſius Amor, Propria Beatitude, & quæ ad intra, uti inquirunt, fieri debent, neceſſariò abſolventur. Quæ vero ad ejus naturam non referuntur, ut Creatio rerum, & Conſervatio, quæque ut

(a) *Phyſ. Stoic. L. 1. diff. 2.*

(b) *Quæſt. Nat. L. 2. c. 53.*

(c) *Diff. 13.*

(d) *C. 4.*

(e) *Revera ſi eorum ſententias ex eodem Budæo, Seneca q. Nat. L. 2. c. 35., & 38., & de Prov. c. 5.), atque Tullio de Fato conſideremus. poſuerunt huius Mundi Leges a Dei intelligentiâ, quæ Immutabilis eſt, & Neceſſariâ, dimanare, unde & eis Deum eſſe ſubjectum, totumque hæc, quo continemur, unum eſſe, ſcilicet Deum, cujus ſocii ſumus, & membra, quæ abſolutam neceſſitatem in Univerſi rebus inducunt.*

ut ajunt, *ad extra*, defectum in hoc Ente Perfectissimo arguerent, nisi summa indifferentia efficerentur. Ad hæc enim aut adigeretur a sua natura Deus, aut ab alia causa exteriori, aut ab eorum objectiva realitate. Si primum, ad Dei naturam pertinerent, quod est contra hypothese[m], quodque Creatoris dignitatem cum Pantheistis dejiceret ad vilitatem Creaturarum: si alterum, non esset ipse Deus causa Superior; si denique tertium, necessario raperetur Ens infinitum a finitis objectis, scilicet ab iis, quæ non nisi finitam vim habere possunt; & Bonitas Creaturarum esset, eis propriis, non vero proveniret a Creatore, quod esse maximum in Metaphysica absurdum facile ostenderem, si de hisce foret instituta tractatio (a). Reve-

(a) Ex hoc tertio copie realitatis objectivæ Universi quæ nullam poterit in Deo necessitatem inducere, negamus quoque hunc Mundum ex omnibus possibilibus perfectissimum esse in Jesu Leibnitziano, ipsiusque Rationis Sufficientis systema, dummodo agatur de Liberis Dei actionibus. Contemnit enim ipse, Sapientiam perfectissimam esse scientiam optimos, & perfectissimos sibi fines proponendi, & eligendi media optima, quæ ducant ad illos: unde cum optimum sibi finem in Creando Mundo Deus constituisset, id est propriæ gloriæ manifestationem, debuisse quoque Mundum, qui ex omnibus possibilibus perfectissimus erat, eligere. Quæso: hoc ergo Mundus effectus est a Deo, quia perfectissimus videbatur, non vero perfectus, id est, quia illum Deus elegit: Undenam vero ista Bonitas in mundo creiretur, nisi ex Divina Voluntate? Dei Voluntas est causa rerum effectrix, Dei Voluntas non subiequitur ullam Creaturarum perfectionem, sed antecedit, & causat. Recte Augustinus. L. 1. contra Manich. c. 2. = Quare fecit Deus Cælum, & Terram? Respondendum est, quia voluit; Voluntas enim Dei est causa Cæli, & Terræ... Sed qui dicit: quare voluit facere Cælum, & Terram? majus aliquid querit, quam sit Voluntas Dei, nihil vero majus inveniri potest = At Dea repugnat, aliquid efficere imperfectum. Fateor; & iste mundus perfectus est; sed idcirco perfectus, quia cum elegit Deus; & ceteri, quos eligeret, essent æque perfecti utpote qui Creatoris finibus æqualiter responderent. Negamus vero, quod Deus non foret Sapientissimus, nisi Rem omnibus possibilibus meliorem effecisset. Ejus enim infinita perfectio, ad quam ostendendam Creatio directæ est, in educatione unius tantum modo cujuscumque atomi a nihilo satis elucesceret. Quo in loco advertendum, quod Rationis sufficientis Leibnitzianæ principio in Divinis electionibus denegato, id tantum sequitur, existentiam scilicet contingentium non habere aliam rationem supra, & præter Divinam Voluntatem, quod equidem verum est, non autem absque ullâ ratione in Universo reperiri, quod nobis opponunt Volpiani. Habent enim rationem in causis secundis, & in Liberâ, atque Effficaci Voluntate primæ Causæ. Ne vero, quis arguat, me injuriosum esse Leibnitzio, dum agens de læsione Divinæ Libertatis, quam Stoici in ducebant, colligam quoque huc voluti in unam rem systema Leibnitzianum, scilicet

ra quæ a se aliena sunt, vult Deus, inquantum ordinantur ad suam bonitatem, ut in finem: cum autem talia sint, ut sine his finis esse possit, quia Dei Bonitas perfecta est sine aliis, neque ei quidquam ex Creatione adjungitur, idè & nulla necessitate fieri debent. Neque vero inquit Spinoza, Deum necessario Entia intelligere, & illa per consequens eadem necessitate amplecti, cum æque Scientia atque Voluntas sint ejusdem Dei attributa. Nam quod objecta intelligantur, dependet ab ideis, quæ sunt in intelligente; quod vero cupiantur, dependet a rerum bonitate: cum autem idæ Dei debeant esse necessariae, bonitas vero contingentium non possit esse infinita, idè licet necessario cognoscantur a Deo, atque ulla tamen necessitate eliguntur. Revera præstantissimâ Deus proprietate careret, quâ nos tantopere gloriamur, si indifferentiam circa externa non haberet. Et quamvis qui ad utrumlibet potens est, videatur esse defectuolus, utpotè qui non :

verbis tantummodo asserere Leibnitzium, & cum ipso Volvbum, hypoteticam ab eorum ratione sufficienti necessitatem in Deo induci, re autem verâ penitus absolutam admitti. Quamvis enim, aiebat pluribus in locis Leibnitzius, cum finem sibi confituisset Deus ostendendi gloriam suam, dedecret eum pro Summâ Sapientiâ medium non eligere omnium optimum, & mundum cæteris possibilibus perfectiorem, tamen Liberum ei fuit initio, an vellet hujusmodi gloriam patefacere; unde hypothetica necessitas eriebatur. Sed quæro: meliusne erat Deo hanc gloriam manifestare, vel non? Melius equidem: unde cum facere debeat, quod melius est ex adversariis, nec Libera quoque fuit hujusce manifestationis electio. Si enim eligat, quod optimum cognovit, & si optimum non possit esse nisi unum, ad unum a suâ Sapientiâ æternitabitur. Revera fundamentum indifferentiæ contradictionis, quod consistit in multiplicitate, & defectu bonorum, ad quæ inclinamus (num. 31.), non valeret in Deo, qui unicum tantummodo inter cætera perfectissimum agnosceret: & sicuti Divina Perfectio impedit in eo contrarietatis indifferentiam (notâ num. 32.) ita impedit quoque illam contradictionis. Hæc objecerunt Leibnitzio Arnaldus, & plures Catholici, quorum de Theodicæa judicium editioni anni 1719. præpositum est, tum ipse Bælius, inquit: (Repon. au Provinc. ch. 151.) = Il n'y a donc aucune Liberté en Dieu: il est nécessaire par sa sagesse à créer, & puis à créer précisément un tel ouvrage, & enfin à le créer précisément par telles voyes. Ce sont trois servitudes, qui forment un Fatum plus que Stoïcien, & qui rend impossible tout ce système. Dieu auroit pu dire avant même, que de former ces decrets = je ne puis sauver un tel homme, ny damner un tel autre: quippe vector Fatis; ma sagesse ne le permet pas. = Neque responsiones a Leibnitzio traditæ vim argumenti sustulerunt. Potius ergo dicendum, Universum hoc electum fuisse a Deo, sed inter eos Mundos posibles, qui potissimum, si Deus voluisset illis existentiam tribuere, fuissent æquè perfecti, cum æquè finibus ipsius apprimè correspondissent, & omnes Dei fines eandem habeant perfectionem,

non adhuc consecutus effect perfectionem, qua determinaretur ad unum; uti intellectus dubitantis nondum principia est assecutus, quibus ad alterutra non partem inclinet; tamen hæc potentia Dei, sicuti & Animarum ad utrumque, defectum tantummodo arguit in Creaturis, cum nulla ex eis vim spontaneam habeat ad rapiendâ voluntatem; non vero in agentibus, in quibus potius eminentia virtutis commendatur, quæ diversis uti potest, veluti instrumentis ad opus perficiendum. Concludamus ergo falsò a Stoicis admittam esse causam seriem, quæ necessariò a Dei voluntate penderet; unde sanctam quoque, atque rectam ex eo capite consistere in hominibus eligendi indifferentiam.

LXIV. Plato vero cum observasset plura in Universo Mala contingere, quæ in Deo causam habere non poterant, finxit tumultuosam quamdam Animam in materia, ut aliam mali seriem produceret contrariam ei, quæ a Deo bonorum omnium auctore oriretatur: & in hisce rerum seriis Eorum constituit, a quo simul, & a Libero hominum arbitrio voluntatis actus oriri est arbitratus (a). In hujusmodi autem necessitatis modificationem plures Stoici, eorumque Princeps Chrysippus, ut invariabilem Eorum ordinem cum humanâ indifferentia componerent, teste Tullio (b), descenderunt. Hypothesis itaque illius Animæ, quæ Mala dicebatur in Materiâ, & unde mala omnia manarent, vel aditum præcui, vel connexionem habet cum Manichæismo, cujus originem Eriusius (c) repetit a Zoroastre, contradicentibus tamen ei Thoma Hydeo de Veterum Persarum Religione, atque Humfredo Prideaux in historia Jud. oriû, & dubitare Leibnitzio (d), nisi dicere velimus hujusmodi errorem de duplici Principio, Bono scilicet uno, Malo altero, a Persis, atque Chaldæis, uti Stanlejo placet (e), fuisse simpliciter adumbratum, postea fluxisse ad Græcos, & Romanos, qui Diovem, Vejovemque, sive Antijovem, aliter Plutonem adittebant, denique fuisse perfectum a Manichæis, & Marcionitis, qui bonas actiones a Bono, malas a Malo Principio invincibiliter cogi clarissimè affirmabant. Scio Bellum (f), totis industriæ viribus decertare pro Manichæismo, ita ut difficilis, & supra humanam mentem refutationis illud esse systema dixerit, meliusque Manethem explicare causas, atque originem boni, & mali, quam Catholicos: præsertim quia deplorat, miserè rationcinatos Manichæos sententiæ suæ vim, & commoda ignorasse, parumque peritos tractandi præcipui sui teli fuisse, quod in difficultate de Origine mali reponeretur. Sed interim certum est, semper in ejus potestate reperiri, ut asserat, non item vero, ut ostendat. Hinc ipse Voltairius

(a) *Hist. de Nat. L. 1. c. 28.*(b) *De Fato Cap. 17.*(c) *In dict. art. Zoroastri*(d) *Theod. P. 2. §. 136.*(e) *Philos. Orient. L. 2. c. 6.*(f) *Dict. artic. Manich. Marcion.; & Paulinist.*

rius (a) observans in Universo finis Unitatem, & invariabiles mechanica motus, neque animum suum valens inducere, ut Duos Artifices Supremos invicem contrarios crederet easdem leges esse sequutos, vale dicit præceptoris suo, & nullo labore opus esse contendit ad hoc systema eveniendum. Revera qui duplex admittit Independentis Principium, nullum admittit; & rationem Perfectionis finis, & Universalis Causæ tollit, qui adversam aliam, eodemque tempore & æqualem statuit, & independentem (b).

LXV. Præterea sicuti Principium Bonorum est per essentiam Bonum ita ex lege contrarietatis Principium Perfectum malorum esse deberet Malum per essentiam: malum autem, si integrum sit, ut pluribus probant Aristoteles (c) Augustinus (d), & D. Thomas, se ipsum destruet. Cum enim nomine Boni intelligatur quidam perfectio, Malum autem sit boni privatio, corrupto omni Bono, quod requiritur ad mali integritatem, subtrahitur etiam ipsum malum, cuius subiectum, ut existat, debet esse Bonum. Hinc aliquid Malum per essentiam dari non potest. Esse enim, & perfectio cuiuscumque Naturæ rationem habet bonitatis: impossibile est ergo quod Malum significet quoddam esse, vel naturam, quia hæc saltem haberet perfectionem, & bonitatem, quod esset. Atque hinc vulgatum est in Scholis, Malum esse Nihilum, Carentiam scilicet Boni, sicuti tenebras nihilum dicimus, idest lucis deficientiam. *Naturæ omnes*, aiebat citato loco Augustinus, *quoniam naturarum prorsus omnium conditor Bonus est, bonæ sunt; sed quia non sicut earum Conditor, summe, & incommutabiliter bonæ, idcirco in eis & minui bonum, & augeri potest. Sed bonum minui malum est, quia vis quantumcumque minuat, remaneat aliquid necesse est, si adhuc natura est, unde natura sit. Neque enim, si qualiscumque, & quantumcumque natura est, potest bonum consumi, quo natura est, nisi & ipsa consumatur. Hinc res omnes huius mundi existentes bonum sunt aliquid, quod quidem si corruptione consumitur, nec ipsa corruptio remanebit, nulla,*
ubi

(a) Ph. Ign. doute 23.

(b) *Hypotheses omnes (inquit Bælius Dict. artic. Marcion.) a Christianis stabilitæ ictus sibi intentatos male eludunt: triumphant namque, ubi adversarios invadant, sed omne robur amittunt, cum oppugnantium impet. insuſtinere vicissim debent. Non differtur enim, ubi Melissum, unici Principii propugnatorem cum Zoroastre confingentem inducit, Dualistas, ut illos Hydeo duce appellat, hoc est duorum Principiorum defensores, in fugam protinus verti per rationes a PRIORI à naturâ Dei deprempsas; sed eisdem vicissim triumphaturos sibi persuadet, ubi ad rationes a POSTERIORI ab existentia mali ductas devenitur. Quamobrem malâ fide arguit Catholicos, cum eorum demonstrationes intrinsecas, uti veras admittat, & interim illorum sententiam rejiciat, eoquod objectionibus nonnullis satisfacere se non posse cognoscit, quod est contra regulas Logicales.*

(c) Eth. 4. c. 5.

(d) Enchir. c. 5. & alibi

ubi esse possit, subsistente natura. = Ubina ergo sunt res istæ malæ, quæ a Malo Principio oriri debent? Quæ autem demeritor consideratio dari potest, quam particularibus tantummodo peculiarium effectuum caussis, non vero Universali rerum omnium attendere, & malum ex gr: ignem dicere, quia pauperis domum combussit? Judicium de rei bonitate non est iuxta ordinem ad aliquid peculiare accipiendum, sed in se ipso, & in ordine ad totum Universum: quo in casu, licet Entium singularem bonitatem nonnisi confusè dignoscamus, quia ignotus nobis est magnâ ex parte finis, propter quem singula Deus creaverit, nec ut plurimum constat, quâ viâ ad finem illum perveniat, & intimam Entium substantiam, omnesque eorum proprietates ignoramus, tamen singula bona esse concludimus, eo quod habent omnia, ut præstent usum, cui ab Universali Creatore destinantur.

LXVI. Locus hic esset, ubi fusè dicendum foret de malorum origine. Quia enim Manichæi invenerunt, peculiarium effectuum contrariorum peculiare causas esse contrarias, nescierunt reducere causas particulares contrarias in causam Universalem communem, & usque ad prima principia contrarietatem in causis judicarunt. At cum omnia contraria conveniant in uno communi, scilicet in essentia ratione, necesse est in eis supra causas contrarias proprias unicam tantummodo communem causam inveniri. Brevitati vero illudentes, nostroque præcipue scopo attendentes, paucis advertimus. Duo sunt in Universo malorum genera: *Physica* scilicet imperfectiones omnes, & irregularitates, quæ in mundo videntur esse, complectuntur, item ægritudines, dolores, interitus, corruptiones: *Moralia* vero, quæ etiam *mala culpæ* appellantur, consistunt in subtractione debita operationis in rebus voluntariis: hoc enim imputatur in culpam homini, cum deficit à perfectâ operatione, cujus dominus est secundum voluntatem. Mala quidem *Physica*, de quibus tantopere querebantur Epicurei (a), Dei Providentiam non dedecent. Nam oriuntur ex propria Creaturarum, corporumque constitutione, quæ temporis decursu necessariò infirmitates, aliasque perturbatiões producere debet, præsertim vero cum ordinis Universi ratio, cui attendendum est, id requirat, ut res varæ sint, alterentur, perturbentur, intereant. Deus præterea suaviter omnia disponens, ea dirigit ad bonum, & etiam de malo benefacit, cum ex interitu nova, & plerumque nobiliora corpora producantur, & ex eisdem ægritudinibus, fulminibus, aliisque noxiis sumat ille media excitandæ in homine Charitatis, & culpæ puniendæ.

LXVII. Quod vero attinet ad mala culpæ, duo in iis, puta in homicidio, sunt distincta, scilicet *Actio physica*, & *Moralis actionis ejusdem Malitia*. Prima de se est indifferens, immo bonum aliquod, cum sit actio, & exprimat Entitatem; ut si homicidium idem in alijs rerum contingentibus, vel puræ defensionis gratiâ cum moderamine, ut inquit, inculpata

culpatæ tutelæ, vel casu fortuito non prævisio, neque culpabili, vel ex jussu Judicis patreretur, nullam culpam involveret. *Malitia* vero *Moralis* est deficientia a Dei regula, æternisque Legibus, & a recta ratione, in quone npe Univerſa culpa conſiſtit. Deus equidem, licet bonus, ad phyſicam actionis entitatem ſuâ permiſſione, immo verâ, ut inferius patebit, præmotione concurrat. Effectus enim realis cauſæ ſecundæ reducit in cauſam primam, ſine quâ nemo agit, & a quâ Entia Univerſa, qualis eſt quoque actio, dependent. Quidquid autem defectus in operatione continetur, unicè ex agentis defectu cauſari debet, cumque in Deo nullus defectus eſſe poſſit, ſed Summa Perſectio, oriatur a ſolâ Creaturâ, quæ ſuâ naturâ eſt defectibilis, ita ut, ſicuti Deus eſt prima cauſa Entium, ſic Anima ſit cauſa prima nihili, ſive non Entium, ſive defectuum. Hinc Auguſtinus (a) inquebat: *Male voluntatis nemo querat cauſam efficienſem, non enim eſt efficiens, ſed deficiens, quia nec illa eſt effectus, ſed defectio.* Movetur a Deo animus ad materiale culpæ; ad malitiam vero, ſive formale movet ſe ipſum; & quamvis malitia ab actione nequeat ſeparari, tanen Deus recte movet, homo vero efficit, ut motio bona in pravum uſum torqueatur, Deoque exclamandi præbet aditum. *Servire me jeciſti in iniquitatibus tuis* = Non abſimili ratione arguebat D. Thomas de titia claudicante: ſicuti enim quidquid eſt motus in claudicatiõe cauſatur ex virtute motrici, ſed quod eſt obliquitatis in ea, non ex virtute motiva, ſed è cruris curvitate dependet: ita prorsus quidquid eſt Entitatis, & actionis in culpa reducit & in hominem, & in Deum, ſicuti in cauſas, ſed quod ibi eſt defectus, non producit a Creatore, ut falſò contendebat ſecundo Ecceſiæ ſeculo Florinus, ſed a ſola cauſa ſecunda deficiente.

LXVIII. Plurimos dedit ſtrepitus in Scholis veritas illa, ex quo à D. Auguſtino introducta eſt ex mente Platoniorum, malum videlicet eſſe privationem Entis, cum contrâ actio Dei ſemper ad aliquid tendat poſitivum. At Leibnitzius (b) animadvertens inertiam corporum naturalem eſſe ſpecimen aliquod originalis Creaturarum limitationis ad rem noſtram confirmandam inde appoſitum deduxit exemplum. Ponamus, inquit, ejusdem fluminis raptum ſecum vehere naves plures, onere ſolo inter ſe diverſas, alias ligno, alias lapidibus, plus, minusve oneratas. Si ventis illæ, remis, veliſque non agitentur, cum plus materiæ per eandem virtutem fluminis moveatur, quando navis majori mole gravetur, eam lentius procedere neceſſe eſt. Conferamus ergo vim, quam fluvius in naves exercet, quamque illis impertitur, cum actione Dei producente, & conſervante quidquid in Creaturis eſt poſitivi, & largiente iis perſectionem, eſſentiam, atque virtutem: conferamus inertiam materiæ cum imperfectione naturali Creaturarum, & tarditatem navis magis onuſtæ cum defectu in qualitatibus, & actione Creaturæ reperto. Fluvius eſt cauſa motus

tus

(a) De Civ. Dei L. 12. c. 7.

(b) Theod. 1. 2. §. 1. §. 30.

tus navis, sed non est retardationis: Deus est causa perfectionis in natura; & in actionibus Creaturæ, sed limitatio receptivitatis Creaturæ est causa defectuum; qui sunt in ejusdem actione. Hinc mali culpæ Creator non est causa physica, & mala ipsa fieri tantummodo permittit, sed eo modo, quo Divina Sanctitas non lædatur. Deus enim non est debitor Creaturis, ut teneatur auxiliis efficacia omnibus dare, quibus infallibiliter culpam evitent; neque deficit ab agendo, quod est necessarium ad bonum, præbendo omnibus auxiliis sufficientia. Præsertim vero Deus consulit bono, & pulchritudini Universi, quæ ex bonorum, malorumque ordinata permutatione confurgit, ut Justitia appareat in reis puniendis, Misericordia in infelicebus adjuvandis, bonique per impios exercentur, sicuti silentii interpositio dulciorem efficit cantilenam, & umbræ ipsæ tabellas exornant, sine quibus omnis pictura, quamvis lucidissimis expressa coloribus, esset imperfecta. Hinc cum ipso Augustino (a) querendum est = *PICTOR novit ubi ponat nigrum colorem, ut sit decora pictura, & Deus nesciet, ubi ponat peccatorem, ut sit formosa Creatura*: Falsò itaque contendebat Plutarchus libro de communibus notitiis adversus Stoicos, tollendam potius Deo esse potentiam, quam concedendam ei malorum permissionem, neque malum bono majori posse unquam deservire. Sunt præterea hominibus imperscrutabiles Dei fines, qui potissimum ad Deum non pertinerent, si integer a nobis cognosci possent. En igitur causas Mali Physici, & Moralis, absque eo quod vel Deum negemus cum Atheis, vel duplex Principium cum Manethe, atque Bælio admittamus, quoniam suppositâ Dei Summæ Boni Unitate, & essentiali Limitatione Creaturarum, sive imperfectione omnia intelliguntur (b). Satis autem nobis sint ista de Manichæorum hypothesi, quæ ampliori oratione everti possent tum ex alio D. Augustini, D. Thomæ, Sanctorumque Patrum Philosophicis argumentationibus, tum ex Clarkio (c), & Leibnitio (d) aliisque; ita ut si Fatum Manichæum ullum est, inviolata inde remaneat humana Libertas. Nemo enim cum Platone alteret a Malo Principio, quod non datur, cingi malas hominum actiones, neque a Bono bonas, cum infra sim ostensurus nullam imponi nobis a Deo necessitatem.

LXIX. At aliud est Fatalistarum genus confutandum, qui Venefici, Astrologi, & Genethliaci appellantur, quales fuere Pharisei ex plurimorum

(a) *Serm. de Macchab.*

(b) *Querere aut plures apud Boëtium in primo de Consolatione = Si Deus est, unde Malum; si non est, unde Bonum? = Sed è contrario arguendum esse advertit Angelicus c. 5. l. 3. c. 71. = Si malum est, Deus est: non enim esset malum, sublato ordine boni, cujus privatio est malum: hic autem ordo non foret, si Deus non esset. =*

(c) *De P. Exist. t. 1. Ch. XI.*

(d) *Theod. t. 2. l. P. 4 §. 1. usque ad 106.*

rum sententia & præcipuè Bardesanes secundo Ecclesiæ seculo, atq; Cardanus, quique humanas actiones ad unum determinari percantato aliquo medicamine, syderumque, & Cœlorum aspectu arbitrabantur. Influxit equidem externa corpora, & præsertim Cœlestia supra terræna, & licet de actione Lunari in ligna, ostreasque marinas dubitare velimus, Solis tamen vim & in plantis, & in corporibus hominum, brutorumque denegare non possumus. Hinc Genethliaci concludunt Planetas quoque supra animam vires suas exercere. At vero si intellectus, & voluntas essent vires corporeis organis alligatæ, uti Democritus, Empedocles, alique posuerunt, intellectum esse corpoream virtutem, quæ a sensu non differat, aut si imagines corporum mentibus materialiter imprimerentur, quasi caractere in paginâ, qualis erat ex Boëtio Stoicorum sententia, certe ex corporum externorum, syderumque præsertim actione intellectuales in nobis notiones orirentur; cumque corpora ista terrestria subjecta sint transmutationibus corporum Superiorum, anima sequeretur motus Cœlestes juxta illud Homeri = *Talis est intellectus in hominibus, qualem in dies inducit Pater Virorum, Deorumque* = idest Sol, vel magis Jupiter, per ipsum intelligens Cœlum Universum. At intellectus differt a sensu, & quavis animæ actio plurimum diversa est a motibus corporeis: immo ipse animus supra ideam a corpore habitas agit, abstrahit, componit, corrigit, invenitque nova, quæ ab eo non producantur. Cum itaque ex hisce pendeat humana in agendo indifferētia, id unice dici potest cum Augustino (a): ad solas corporum differentias fortasse afflatus valere sydereos, eorumque temperiem constituendam, sed non nisi indirectè operari ad bonitatem intelligentiæ, uti præsertim ad vires memoriæ, & phantasie, nullo autem pacto prohibere, quominus homo ex suo arbitrio electiones, voluntatesque suscipiat, ita ut sint veluti alie concaussæ comitantes, quæ motiva nostrorum actionum adjuvant, nullam vero vim inferunt. Non abimili ratione plures sequuntur passionibus in motu sensitivi appetitus, ad quem cooperari forte se possunt medicamina, & corpora Cœlestia, aërisque temperies: unde etiam ex hoc capite aliquid veri semel, atque iterum, saltem in communi, prædici posse ab Astrologis libentissimè concedimus. Cum vero plures sint viri fortes, sapientesque, qui passionibus hisce resistent, ideo ipsi in speciali nil prædicere poterunt, & sæpe coguntur, ut dicant, *Sapientem astris dominari*, eoquod scilicet suis passionibus dominetur. Quamvis autem Astrologi plura se prædixisse gloriantur, tamen referendæ essent, ut agebat Genuenusius (b), in tabellas circulatorum hujusmodi prædictiones, ut quæ mentiantur, quæ vera pronuntient, quisque posset dimetiri. Erit enim una fortasse opere completa prædictio, sed plures Miriades mendaciorum, de quibus lege Tullium de Divinatione, & Picum adversus Astrologos. Nil vero dicimus de philtis percantatis, aliisque hujusmodi, in quibus,

(a) De Civ. Dei l. 5.

(b) El. Metaph. p. 2. c. 4. §. 39.

quibus, si vera sint, non nisi peculiare casus observari poterunt, nec Universalis hominum indifferentia sententia, quam hic defendimus, debilitatur. Hoc enim medicamine si talis motus imprimi possit Spiritibus animalibus, qualem in amentia, delirio, & ebrietate videmus, humana potissimum Libertas eo casu offendetur ex perturbatione rationis; sed ipsa hominum Libertas generaliter inde etiam patet, cum hisce opus non esset, nisi homines forent Liberi. Generatim vero omnes Fatalistæ, & vulgus præsertim Poëtarum confutantur, enquod, si hoc Fatum est aliqua Peculiaris Substantia, cui omnia, & ipsa Divinitas subiecta sit, aderit aliquid Deo superius, vel æquale, quod est absurdum; si vero non est, nisi Deus, quem nobis necessitatem nullam imponere modo ostendam, poterit ne Fatum aliquid ad agendum homines rapere necessario?

LXX. Ventum modo est ad Fatum Catholicum, quo intelligitur cum Boëtio (a) immutabilis rerum mobilium dispositio, per quam Dei Providentia suis quæque ordinibus nescit, vel cum D. Thomâ (b) ordinatio causarum secundarum ad effectus Divinitus intentos. Cum enim omnia ab æternis præfita sint, atque decreta, immò cum ipse Deus ad quaslibet actiones nos præmoveat in sententia Thomistarum, efficitur series quædam determinata causarum, & effectuum, quæ non abruptitur, eo quod Dei Scientia est infallibilis, certissimum Dei Decretum, efficacissima Creatoris Præmotio. Hinc Fati nomine Deum ipsum plures intelligunt, ut aiebat Seneca = *Vis illum Fatum vocare? Non repugno: hic est, ex quo suspensa sunt omnia, causa causarum... Vis naturam vocare? Non peccabis: est enim ex quo nata sunt omnia, cujus spiritu vivimus* = Sed sapienter admonerat Augustinus (c) inquiens. *Si propterea quisquæ res humanas Fato tribuat, quia ipsam Dei Voluntatem Fatum appellat, sententiam teneat, & linguam corrigat.* = Huiusmodi itaque Fatum Catholicè sumptum in hæc rerum Universalitate dari non denegabimus, sed illud tantummodo vim animæ electionibus non inferre ostendemus. Jamvero, quænam sit vis Divinæ actionis a priori quidem cognosci nequit, quia imperferutabiles sunt viæ ejus; bene autem a posteriori; & idcirco ex poënis, præmiisque, quæ homini Deus impertitur, meritum, atque demeritum in nobis agentibus esse deducemus, cum interim certum sit, nullum futurum fore meritum, atque demeritum, si Divina Voluntas homines cogeret, & necessario determinaret.

LXXI. Ac primò, num ista ipsa animæ poëna, inquiebat Augustinus (d) parva æstimanda est, quando ei Libido dominatur, expoliataque virtutis opulentia per diversa inopem, atque indigentem trahit, nunc falsa pro veris approbantem; nunc etiam desensitantiem, nunc improbantem; quæ antea probavisset, & nihilominus in alia falsa irruentem, nunc assentionem suspendentem suam, & plerumque perspicuas ratiocinationes for-

(a) In 4. de Consol.

(b) 1. p. 4. 116. s. 4.

(c) De Civ. L. 5. c. 1.

(d) De Lib. Arbitr. L. 1. c. 11.

midantem, nunc desperante n de totâ inventione veritatis, & stultitiæ
tenebris penitus inhzrentem; cum interereâ cupiditatum illud regnum
tyrannicè sæviat, & variis, contrariisque tempestatibus totum hominis
animum, vitamque perturbet, hinc timore, inde desiderio, hinc anxie-
tate, inde inani, falsâque lætitiâ, hinc cruciatu rei amissæ, quæ dili-
gebatur, inde ardore adipiscendæ, quæ non habebatur, hinc acceptæ in-
juriz doloribus, inde facibus vindicandæ: quaquaversum potest coarctare
avaritia, dissipare luxuria, addicere ambitio, inflare superbia, torquere
invidia, delidia sepelire, perversa concitare, affligere subjectio, & quæ-
cumque alia innumerabilia regnum illius libidinis frequenter, & exercent:
possumusne tandem nullam istam pœnam putare? Utrique felicius servitur
homini, quam libidini, cum sævissimo dominatu vult corda mortaliū,
ut alias cœntam, libido ipsa dominandi. Poëtæ impendere apud inferos
saxum Tantalos faciunt ob scelera, animique superbiloquentiam; & ea com-
munis pœna stultitiæ est: omnibus enim, quorum mens abhorret a ra-
tione, semper aliquis aliis dolor, alius terror impendet.

LXXII. Verum cur hujuscemodi acerbissimas pœnas patiamur? Sub
Deo justo ne no innocens miser est. Nam justitia Creatoris non est simplex
Potentia, quâ fulget, quamque exercet distr buendo bona, atque mala,
ut contēdebat Hobesius in quæstionibus cum Bramhallo de Liber ate, Ne-
cessitate, & Casu; sed in voluntate potissimum sita est, qua illa juxta ra-
tionem & peculiaria jura cuique tribuantur, quæque Asteriois Sapientiæ,
Bonitatisque Legibus apprime conjungatur. Quomodo itaq; sit mens serva li-
bidinis, nisi propriâ voluntate? Certum est, neque a Superiore, neque ab
æquali posse animam ad hoc dedecus, suppliciumque cogi, quia est injus-
tum; neque ab inferiori, quia non valet. Ut ergo cœteras culpæ pœnas
relinquamus, quæ a causis naturalibus oriuntur, sed a Deo simul pun-
niendis hominibus ordinantur, hæc solâ quæ in interno est, animo pro-
positâ, justè ne culpæ eadem vindicarentur, nisi fierent voluntarie? Scio enim temporalia bona, atque mala justis, impiisque voluisse Deum
esse communia, ut nec bona cupidius appetantur, quæ mali quoque ha-
bere cernuntur, nec mala turpiter evitentur, quibus & boni plerum-
que afficiuntur. Sed si ad ea interna, & purè spiritalia mala attendamus,
de quibus usque modo locuti sumus, quæque impiis tantummodo, expe-
rientiæ teste, infliguntur, dedecet Divinam bonitatem, nisi sub pœnæ ra-
tione, eis afficere Creaturas; & veras idcirco pœnas nobis aliquoties tribui
a Creatore est concedendum. Cum autem pœna innocētibus dari non pos-
sit sine injustitia, quæ prorsus aliena reputanda est ab Ente Perfectissimo;
hinc homines in suis actibus innocentes aliquando non esse, sed verum in
seipso demeritum habere fateamur. Idem intelligis de præmiis, ideoque
de merito. Cum enim ærumnis sapius innocentes afficiantur, crudelis
quoque Deus esset, nisi illi spe præmiorum, ad quæ aspirant ex passionum
confictu, & ægritudinum tolerantia, aut saltem conscientia virtutis, tan-
quam

quam prœmio satis amplo recrearentur. At quodnam esset Creaturæ meritum, vel demeritum, si a Deo ipso necessariò cogeretur? Satis ostensum est a pluribus cōtra tertiam Jansenii propositionem ab Innocentio X. proscriptam, ad merendum, & demerendum etiam in statu Naturæ lapsæ requiri in homine libertatem a necessitate, neque sufficere libertatem a coactione. Ut enim aliquis prœmio, vel poena dignè afficiatur, debet sui auctus esse Dominus, & de eo inter plures alios disponere: ideo namque laudandus est, aut vituperandus, quòd ad illud opus bonum, vel malum se determinaverit, a quo poterat abstinere, quæ omnia non conveniunt agenti ex necessitate, quæcumque ista sit, dummodo habeatur absoluta, & ad unum unicè determinans.

LXXIII. Hic vero refertur argumentum illud de poenis, atque prœmiis, cōsiliis, precibus, injuriis, quibus utuntur Legislatores, tum coeteri homines ad alios a nonnullis actionibus retrahendos, quæ omnia essent absurda, ut ostendit Augustinus (a), si necessitas qualiscumque, præsertim a Deo proveniens, nos unicè determinaret. Nam si hominem necessario interfecimus, neque in nostrâ potestate fuit id agere, vel non, exhortationes, injurias, mortem ipsam pro facinore non mere mur. Cōsilia, preces, atque supplicia, vel prœmia traduntur unquam hominibus ob mortuum cordis, pulmonumque vitales actiones, quarum de mini non sumus? Ipsa admiratio in gestis aliorum, uti laus, & vituperium, hominis in agendo indifferentiam ostendit. Alexandri moderatio, qui hostis uxorem veneratur, quamvis eam jure belli, uti vile mancipium, sibi esse sentiat, majorem excitat in nobis admirationem, quam numerus penè infinitus præliorum, triumphorumque, quibus tan opere excelluit. Atheniensis ille, qui longo tempore publici Aerarii Præfectus, & Minister, moriens interim Reipublicæ curam relinquit de impensis suorum funerum, toribusque filiarum, generosæ paupertatis majorem laudem mereri videtur, quam verba omnia, doctrinæque Platonis, & Senecæ, qui divitiarum copiâ abundantes laudibus paupertatem celebrabant. Extollo amorem Cætonis pro Romanâ Libertate, sed ejus superbiam detestor, dum violentas in se manus infert, ne conspiciat adversarium. Si necessariò nos adigimur ad agendum, absurda, & frustranea essent omnia: quippe & Virtus nulla daretur, & Vitium nullum foret, & Leges tum humanæ, tum Divinæ, cōsilia, atque preces surdis cæperent, ad quod unice tendit, quam resistimus, opinio, ut scilicet frœnis hisce de medio ablati, eâ in agendo indifferentiâ abutantur adversarii, quam verbis denegare videntur.

LXXIV. Est autem in ordine rerum Universo, in Creaturarum relationibus, in ipsâ hominis Ratione quædam inscripta Lex, ad quam actiones omnes, laudesque sunt reducendæ. Cum enim, consentiente nobis

Tullio

Tallio ex plurium Sapientium sententiis (a), Ratio Summa insita in naturâ, quæ jubet ea, quæ facienda sunt, prohibetque contraria, quando est in hominis mente confirmata, & confecta, Lex appelletur, cumque omnia, quæ Divinæ Providentiæ subduntur, a Dei mente, utpotè Sapientissimi Gubernatoris, regulentur, & mensurentur, manifestum erit, a rebus omnibus participari quodam modo hanc Legem Æternâ, eo quod scilicet ex impressione ejus in proprios actus, & fines inclinantur. Inter cœtera vero Rationalis Creatura excellēiori veluti modo Divinæ Providentiæ subjacet, inquantum & ipsa sit Providentiæ particeps, cum sibi, aliisque provideat; unde & in eâ præcipuè participatur Æterna Ratio, per quam ad debitum actum, atque finem inclinationem habeat naturalem. Ideò primum principium Legis in ratione Boni fundatur, quod Bonum scilicet faciendum sit, & prosequendum, Malum vero vitandum, eique innituntur cœtera Naturæ præcepta. Debitus quoque finis, & usus ipse Creaturarum, ne statutus ordo convertatur, veram dari Legem, Virtutem, Vitiumque demonstrant. Corpus ex: gr: hominis est propter Animam, & inferiores vires Animæ propter Rationem: est igitur naturaliter rectum, quod ita procuretur ab homine corpus, & inferiores animæ vires, ut inde actus Rationis, & bonum ipsius minimè impediatur, magis autem adjuvetur: Si vero secus acciderit, erit naturaliter peccatum. Violentiæ itaque, & commensationes, & inordinatus venereorum usus, per quæ rationis actus impeditur, imò & cœteris passionibus quibuscunque subdi, quæ deliberativum judicium rationis esse non sinunt, sunt naturaliter mala; & idcirco est Bonitas quædam in astibus & Malitia, cuicumque tabulis editæ legi anterior, immò juxta quam leges infæ conditæ sunt, quod fusiùs ostendere vellemus contra Hobesium, Helvetium, Rousseum, item Puffendorium, & Samuelem Coccejum, nisi institutæ disputationis ratio id prohiberet.

LXXV. Atvero ubi, inquam, virtus ipsa, ubi vitium, ubi leges, consilia, pœnæ, exhortationes, si Fato quodam, præsertim Divino, necessitate adigamur absolutâ? Aut peccata non sunt, aut peccandi causa ad Creatorem unicè refertur: quia tunc culpa inveniri posset, cum velle foret injustum, & liberum nolle. Quo in casu mirum est, ipsos adversarios necessitatem admittentes, in iis postea; quæ ad ipsos pertinent, uti consiliis, precibus, pœnis, præmiisq; ut, quod ipsi volunt, alii faciant, unde a se ipsis redarguuntur (b). Cum aliquis eorum, advertibat Augustinus ad Lampadium

(a) Vide Cic. de Leg. l. 1., ubi plurima solidissima pro hoc loco afferuntur; item vide S. Th. 1. 2. q. 91. a. 2., & Clarkium Exist. De Dieu t. 1. cb. 13., & t. 2. Chap. 3., quæ omnia fatetur quoque Voltairius Ph. Ign. d. 3. l.

(b) Indulgere non possum Voltairio, quod libertatem animorum pluribus in locis denegaveris, cum ipse tanto animi conatu, tantæque viri dictationis eandem defendisset iisdem penè argumentis, quibus hic usi sumus. Inquit enim Epître sur la Liberté p. 13. edit. Amst. an. 1738.

dium (a) hominibus ultimis fata fata videris, mox ut oculum à tabellis eburneis ad domus sue moderamen revocaveris, non solum vocibus, sed etiam plagis emendas uxore, non dico, si petulcius jacentem, sed si immoderatus per fenestram aspiciente animadverseris, Quamvis si ei dicat: QUID ME CÆDIS? VENEREM CÆDE, SI POTES, A QUACOGOR, HOC FACERE: tum vero ille non curat, quamvana verba componat fallendis extraneis, sed quam iusta verbera imponat corrigendis suis. Et ego ne expectabo, ut contra Fata disputem, cum tanta eum non verbis, sed factis eloqui deprehendam? Si Fatum esset, dicam cum Eusebio (b), responderet impius prædicanti, vel consu-

Ha! Sans la liberté que seroient donc nos ames:
 Mobiles agités par d' invisibles flammes,
 Nos vœux, nos actions, nos plaisirs, nos dégoûts,
 De notre être en un mot rien ne seroit à nous.
 D' un Artisan Suprême impuissantes machines,
 Automates pensans, mus par des mains Divines,
 Nous serions à jamais de mensonge occupés:
 Vils instrumens d' un Dieu, qui nous auroit trompés.
 Comment sans liberté serions nous ses images?
 Que lui reviendrait il de ses brutales ouvrages?
 On ne peut donc lui plaire, on ne peut l' offenser:
 Il n' a rien à punir, rien à récompenser:
 Dans les Cieux, sur la terre il n' est plus de justice,
 Caton fut sans vertu, Catilina sans vice,
 Le destin nous entraîne à nos débordemens:
 Et ce cahos du monde est fait par les mechans.
 L' oppresseur insolent, l' usurpateur avare,
 Cartouche, Mirivis, ou tel autre barbare,
 Plus coupable enfin qu' eux, le calomniateur.
 Dirai-je n' ai rien fait, D' eu seul en est l' auteur;
 Ce n' est pas moi, c' est lui, qui manque à ma parole
 Qui frappe par mes mains, pille, brûle, viole:
 C' est ainsi que le Dieu de justice & de paix
 Seroit l' auteur du trouble, & le Dieu des forfaits.
 Les tristes partisans de ce dogme effroyable:
 D' iroient ils rien de pis, s' ils adoroient le Diable?

Istine ex animo inquiebat Voltairius, an Catholicorum personam referens? Scio, ipsum se excusasse, cur libertatem posita negaverit, dum diceret (Phil. Igm. d. 13.) = L' ignorant, qui pense ainsi, n' a pas toujours pensé de même: mais il est en contrainte de se rendre = Sed cur, inquam, suas rationes alibi pro nobis adducas solide non refutavit? Oculis errantibus alto Quævisit Cælo lucem, ingemuitque repertâ.

consulenti = *Non sunt potestatis hæc mea*, o Doctor, & idèd quid oportet, sollicitum esse, nisi hæc etiam sollicitudo mihi a Fatis destinata sit? Quod si docendi, præcipiendique tibi necessitas instat, frustra tamen doces, ac præcipis: *Faciam*, si Fata volunt, immò vero laborandum mihi non est; *aderit enim necessariò, quod fatatum est*. Unde & frustra id ipsum nobis persuadere cõtenderent adversarii de humanâ necessitate, & frustra nos ignorantiz, ac præjudicatæ opinionis injuriis lacessirent, omnesque disputationes essent de medio auferendæ, nisi in animæ arbitrio foret, mutare sententiam, & propriis rationibus inclinari. Neque reponant cum Voltairio (a) se non loqui, ut alios doceant, atque revincant, neque præmiis, aut pœnis hominem afficere, ut ille corrigatur, sed ut Fati, atque Divinitatis motioni pareant necessariæ. Cur enim, si id non obtineant, quod consiliis intendunt, licet se Divinæ coactioni admonendo satisfecisse putare possint, cur, inquam, dolore conficiuntur, eoquod alius non corrigatur? Ipsa itaque admonitio ad id unicè dirigebatur, ut qui deficiebat, relipsceret, quo non obtento, mœret animus. Et Fatumne ipsum inutiliter, & absque ratione me adigeret ad corrigendum, si alterius cõrectio à verbis, & a tribus meis nullo modo, sed unicè a Fato expectaretur? Quid vero absurdius Philosopho, quam admittere Creatorem, vel etiam quodcumque Fatum agere quidquam frustra, & absque ratione?

LXXVI. At Voltairius idem apud Nonnotte loco sæpius citato argumentum retorquet, pœnas inutiles esse dicens (idemque de præmiis intellige) ad removendos homines a malo, positâ eorum libertate; necessarias vero tantum posse haberi, si vis externa coactionem in animas exerceat. Si enim, arguit ipsè, ex suâ voluntate unicè agit homo, tantum proposito pœnæ metu, poterit sicarius ad grassationem vitandam non determinari, unde pœna ipsa reddatur inutilis: at si vis externa necessariò animam rapiat, si agat causa physica, si aspectus rotæ, atque crucis invictam efficiat impressionem in cerebro, qualem recensior quidam Atheus autumat (b), tunc pœnæ timor omnino requiratur, ut furem corrigere possit, qui alterius aliquando supplicium erit intuitus. Sed respondendum, admisâ hominis indifferentiâ, non idèd prorsus inutilem esse pœnam, eoquod possit Anima contra pœnæ timorem determinari. Namque ipsa agere debet juxta Rationem, & ad supplicii reëstitutionem statuendam satis est, si Ratio, quæ illius ideam exhibet, valeat *semel, atque iterum* id efficere, ut homo ad non furandum potius, quam furandum inclinet: quo in casu pœna non efficit vim animæ necessariam, sed est una ex illis cõcaussis, quibus pondus inest ad eligendi facultatē dirigendam. Utilia ergo sunt præmia, atque supplicia, ne homines blanditiis præsentium voluptatum delinunt, quos dolores, quas molestias excepturi sint, occæcati cupiditate non

(a) Phil. Ign. d. 51.

(b) Examen de la Religion qu'on attribue à M. de St. Euremond P. 2.

non videant, & anima, quæ determinari ex se ipsâ debet rationabiliter agens, metu futuræ pœnæ potius, quam præsentî delectatione moveatur. At posito omnimodæ necessitatis systemate, grassaretur ille infallibiliter, etiam pœnas acerbissimas animo proponeremus, dummodo eadẽ necessitate compulsus esset. Neque supplicium tantam vim habet, ut homines à culpâ retrahat necessariò, cum ostensum sit in superioribus, externa objecta infallibiliter animam non rapere, cumque sæpe videamus homines furari, licet alios ob id suspensos aspexerint.

LXXVII. Permittit Benedictus Spinoza, quem postea sequutus est citatus auctor Examini supra Religionem, permittit, inquam, Principibus, ut gladio utantur contra in pios, non quòd illi pœnam ullo pacto mereri possint, cum scelera ex necessitate patraverint, sed ea tantum ratione, quod hæc putrida membra e societatibus sint recidenda. At quæso bona verba. Si denegemus in homine indifferetiam agendi, quæ unquam poterit consistere Respublica, quæ auctoritas in Principibus? Voluntario populorum consensu Reges imperant, omnẽque respuunt absolutæ necessitatis hypothesein foederum fides, jus legum, magistratum electio, sanctionesque Reipublicæ, quæ potissimum labefactantur, si metu tantummodo minuatur quo nodolibet voluntarium, universa vero cadunt, sublata in hominibus eligendi facultate. At pœnæ, inquit, siccariis, licet innocen- tibus, infligantur, ut bene sit Reipublicæ. Sed quo unquam jure publicum bonum privato esset præferendum, si lex nulla daretur, inducto necessitatis systemate? Neque dicat Hobelius, in virtute consensus posse scellum supplicii affici, si mala inferat aliis, licet ipse pœnam non mereatur: hæc enim lex ipsa, quæ obliget in virtute consensus, nullum habere potest fundamentum, nisi in antecedenti populorum liberâ voluntate, cum ad nihilum teneatur, postquã assenserit, qui necessitatis absolutæ vinculo adstrictus dissentire non poterat.

LXXVIII. Atque hic rationẽ planè perspicitis, cur humanæ tantum Animæ hujusmodi gaudeant præstantissima facultate, ut indifferetèr ad alterutrum determinentur, non vero bruta, & cœteræ corporales Creaturæ, de quo quærebat Voltairius (a). Cum enim Creator ad homines produ-

K

cendos

(a) Miratur (Dict. Phil. art. Lib.) auctor ille, quem peculiari modo in hæc dissertatione aggressi sumus, cur non agendum nobis erit necessario, uti agant bruti, quibus in fame, siti, aliisque similibus sumus; & ait (Ph. l'en. d. 13.) = il serait bien singulier, que toute la nature, tous les astres obéissent à des loix éternelles, & qu'il y eût petit animal haut de cinq pieds, qui au mépris de ces loix peût agir, comme il lui plairait au seul gré de son caprice. Il agirait au hazard, & on sait, que le hazard n'est rien = Multæ difficultates paucis hisce verbis ingeruntur, quæ ut singulariter discutiantur, infra videbimus, etiam homines subiectos esse Legibus Aeternis, sed eo mo-

do,

centos motus fuerit, ut gloriam suam ostenderet, quæ in justitiâ præsertim, thesaurique bonitatis habetur, reliquit eos in manu proprii consilii, ut legibus quibusdam subicerentur, & inde capaces fierent meriti, atque demeriti, quo poenas, vel præmia reportarent. Quod vero potius homines hoc jure polleant, quam plantæ, vel bruta, id effectum dicimus, quia homo solum rationalis est, & indifferentia fundamentum habet in ratione. Reponit equidem adversarius (a), Ratione efficere melius cogitantes, non vero minus necessarios; sed non videt ille nexû, qui inter intellectus, & voluntatis indifferentiam habetur, neque advertit rationis usum absque hujusmodi immunitate coactionis non posse consistere, ut demonstravimus (b). Licet autem ipsa corpora suarum motionû causas non semper extra se habeant, si scilicet deorsum descendant, aut operentur ex internis elasticitatis, attractionisque virtutibus; non ideo tamen hominû animis erunt comparanda, cum ab intrinsecis principiis non omnes substantiæ agantur æqualiter. Quod ut clarius intelligatur, advertendum, omnia tendere in finem aliquem, ut Divina Providentia consistat; sed illa perfecte moventur ab intrinseco, in quibus est principium, non solum ut moveantur, sed ut moveantur in finem, scilicet ejusdem finis notionem habeant, quæ determinate agant propter illum. Ea vero substantiæ, quæ finis nullam habet ideam, etsi moveatur ab interno, tamen non potest in se habere principium ejus, quod est agere propter finem, sed illud habet in alio tantum, a quo dirigitur; unde moveri voluntate non dicitur, quales quidem sunt Creaturæ inanimes Universæ. Hæc insuper cognitio, si in solâ hinc apprehensione consistat, absque eo quod agnoscatur, uti sit ab homine, ratio finis, & proportio actus ad eundem, erit imperfecta, eandemque sequetur voluntarium quoque imperfectum, prout scilicet finem apprehendens non deliberet, sed subito in ipsum moveatur. Cum igitur in illa operis deliberatione sita sit indifferentia, & actus dominium, patet animalia bruta necessario determinari, quamvis finem in agendo videant, quia nempe illum imperfectè cognoscunt. Vera ab objectis tantummodo præsentibus excitantur, & a viribus imaginationis actuali indigentia productæ, quod nullum in eis idearum, & per consequens volitionum domi-

nium

do, quo non coartatur, sed confirmetur agendi indifferentia. Hic vero respondemus tantummodo, cur solos homines necessitati Deus non subjecerit. Qui denique asserit, nos casu agere, dum inter plura id eligimus; quod etiam adversari possemus, is equidem Casus vocabulo ad inscios decipiendos substituit. Non est enim Casus, ubi adest causa agens, scilicet Anima, ad effectum producendum determinata: præsertim vero cum eligat homo ratione ductus, inveniisque motivis.

(a) Diſt. Phil. art. Libert.

(b) Num. 39. & seq.

nium esse indicat , ut Dominus de Boulier jurè meritò contendebat (a).

LXXXIX. Sentio vero non mediocrem obijci difficultatem argumento ex pœnis, præmiisque supra inducto, si advertamus, bruta dolores, voluptatesque sentire, eoquod eodem, ac homines, amore, metu, irâ, atque odio, in unum affectibus agitantur. Licet enim hujusmodi sensum illis denegaverit Cartesius ex inventâ automatum sententiâ, nihilominus fatendū est, eadem lætitiæ signa præferre aliquoties bruta, quæ homines, iisque similes gestus, & vocem præstare, si ægrotent; unde & eisdem dolores pati, & eâdem voluptate gessere, illa deducamus, præsertim vero, cum causæ prorsus eadem ad affectus moveant belluas, atque homines, ita ut non ex verberibus tantum, sed ex opinione etiam injuriæ, uti gesticulationibus quibusdam, sonisque inconditis similiter irascantur. Jam vero cum illæ non sint in agendo indifferentes, videbitur fortasse meritum, atque demeritum generaliter non supponi ex hisce dolorum pœnis, præmiisque voluptatum. Sed advertendum, dolores, & voluptates in brutis non esse proprie pœnas, atque præmia, uti in hominibus. Quomodo enim pœna consistet, si bellua, cui infligitur, non intelligat, ad quem unice suum infigatur? Amens esset homo, qui Canem eo tantum animo percuteret, ut pœnas ille lueret de malefacto: & vapulant bruta, ut à nonnullis actibus deierreantur, non quòd illa cognoscant, furto ex gr: deberi verbera, sed ut deinceps vi imaginationis, quâ plurimum pollent, præsentibus escis, recordentur dolorum, quos aliàs ob illarum rapinam fuere perpessa, & aufugiant. Revera inutiliter percutiuntur, nisi illicò, & fere præsentibus propriæ temeratis ideis, objectisque verberentur. Hinc si aliquando pœnæ, atque præmia brutis tribuantur, id quâdam veluti morum consuetudine fit ab hominibus, qui internâ animo recepiam iram, delectationemve

(a) Vide præclarum ejus opus = *Essai th. i. soph. sur l'ame des betes* P. 2. ch. 12. ubi ait = *La sphère d'activité (de l'ame sensitive des betes) est renfermée dans ses sensations. Mais ses sensations sont des perceptions confuses, qui lui deviennent présentes. Elle n'est donc point maîtresse de les comparer ensemble par la réflexion, d'en faire naître de nouvelles pour les opposer aux autres, ce que peut l'ame raisonnable à l'égard de ses sensations. L'ame sensitive se remuera donc toujours dans le petit cercle des sensations, & n'agira, qu'autant que ce qu'elle sent, lui donnera lieu d'agir. D'ailleurs n'étant pas maîtresse de se donner d'autres perceptions, que celles qui l'affectent dans ce moment, si elle agit, ce sera conformément à la sensation présente, la quelle pour peu, qu'elle soit vive, la déterminera infalliblement. La douleur, & le plaisir sont les poids, pour ainsi dire, & les ressorts, qui l'inclineront, & la plus forte sensation l'emportera par conséquent sur la plus foible =*

externis verberibus, injuriisque, aut blanditiis prodere, & explere sueti ita pariter cum brutis operatur; aut improprie, immò sæpius allegorice infliguntur, uti Deus ex gr: Serpenti poenam dedit, quâ supra peccatus suum graderetur (a). Quod vero Creator voluerit doloribus quibusdam brutis inspicere absque demerito, hoc pendet ex ejus finibus, qui nobis sunt incompti; nisi dicere velimus, id fortasse ad Universi ordinem ducere, eosque dolores voluptatibus compensari, immò & dolores quoscumque in brutis non sufficere ad infelicitatem inducendam, cum belluæ reflexionis sint expertes, sine quâ nulla miseria, nulla felicitas, juxta illud = *O fortunatos nimium, sua qui bona norunt!*

LXXX. At Leibnitzius, quamvis a Bradwardini, VViclei, Hobbesii, & Spinozæ opinionibus sit alienus, qui necessitatem hanc rerum omnium prorsus Mathematicam docent, interim tamen affirmat, non aliter nos vulgo loqui, ac si necessitas actionis omne meritum, & demeritum, omnem laudis, & vituperii, præmii, atque poenæ rationem tolleret, fatendum vero esse, hanc consequentium non fore undequaque exactam, & semper veritati litandum, nec dogmati cuiquam imputandum id, quod ex illo non sequitur. Opponit enim (b), licitum esse furiosum occidere, quando aliter illum a nobis propulsare nequeamus, item & animantia venenata, aut valde noxia, quamvis citrà culpam suam talia sint, perimere licitum, immò sæpe necessarium. At non advertit vir acutissimus, interneciones hujusmodi ad unicam tutelæ, atque defensionis causam permitti contra homines, & præterea, si de brutis loquamur, adjungi quoque jus illud non usus tantum, sed & consumptionis belluarum, quod habuimus a Creatore. Deus vero in intimis scelestorum doloribus, de quibus supra locuti fuimus, aliisque malis non nisi poenam propriè dictam infligit, cum equidem tutamine ullo contra nos non indigeat, hominesque effecerit animo eis benefaciendi, non vero ut in usum cederent, atque consumption-

(a) Quoniam quasi transeundo de re Theologicâ loquimur, scilicet de pœnâ, quâ Deus in serpentem est animadversus, liceat Theologicam quoque responsionem, ne quis eam desideret, afferre. Inter ceteras vero, quæ ab Expositoribus adduci solent, unam eligo ex D. Thomâ 2. 2. q. 166. a. 1., ubi ait = *Quia serpenti dicitur ad eum, qui per serpentem operatus est, referatur: & sicut August. dicit in L. 2. c. 17. supra Genesim contra Manichæos, nunc quidem ejus pœna, scilicet Diaboli, dicitur, quâ nobis cavendus est, non ea, quæ ultimo judicio reservatur. Per hoc enim, quod ei dicitur = Maledictus es inter omnia animantia, & bestias terræ, pecora illi præponuntur, non in potestate, sed in conservatione suæ naturæ, quia pecora non amiserunt Beatitudinem aliquam Cælestem, quam nunquam habuerunt, sed in suâ naturâ, quam acceperunt, peragunt vitam. Dicitur etiam ei = Peccatore, & vulture repes = ubi nomine peccatoris significatur superbia &c. Vide. loc. cit. =*

(b) Theod. 1. 2. P. 1. §. 67.

sumptionem, nisi ex legibus iustitiæ. Sed addit ille, infligi etiam debere belluis poenæ capitales, si ista poenæ exemplo esse posset, aliasque terre, ut a noxa cohiberentur, ita ut, quod memorat Rorarius (a), bene provisum esset, Leones in Africâ Crucibus affigi, ut cœteri similes ab urbibus, Locisque frequentioribus arceantur, item & in agro Juliacensi palam præbere lupos furcâ suspensos, quo greges sint tutiores, hominesque in pagis recto consilio configerent aves prædatrices, putantes hoc pacto alias non facile accessuras. At vero ineptè suscipiuntur hæc omnia, non quia poenæ in se sumpta quibuscumque infligatur nullo modo prodesse possit, ut contendit Leibnitzius, sed quia brutis solo intelligentiæ defectu est inutilis, utpotè quæ non cognoscunt, uti homines, quo potissimum scelere cœtera propriæ speciei condemnentur.

LXXXI. Ultimò tandem advertit Vir Clarissimus, inutilia non fore pœnarum, consiliorumque media, etiamsi Bonum, & Malum esset necessarium, quippe quia partem causarum efficerent, a quibus eventus necessarii orirentur, cum statutum foret, ut illi non evenirent, nisi hisce mediis opitulantibus. Atvero si Bonum, & Malum in homine fieret necessario, poenæ, præmia, exhortationes, consilia, atque Leges nunquam ejusdem boni, malique media esse possent. Hæc enim ostendunt in animo adesse deliberationem, atque potentiam ad utramlibet partem inclinandi, quia revera eis non utimur, ut aliquis ex: gr: ab ægitudine convalescat, quod non est in hominis potestate, bene autem, ut medicamina sumat, quæ eligere potest, & adversari. Divinæ igitur Providentiæ nil frustra agens, & omnia suis ordinibus ritè connectens quomodo unquam hisce, veluti mediis, uteretur, si revera effectus nullo modo ab animi arbitrio dependeret? Præterea est quædam Justitiæ species, quæ nec emendationem delinquentis, neque exemplum, neque mali reparationem pro scopo habet, sed fundatur in solâ convenientiâ satisfactionem exigente ad pravam actum expiandum, ut præmia, atque poenæ ex illâ dependentes, fatente eodem Leibnitzio, applicari nullo pacto queant iis, qui forsitan agerent absolutâ necessitate. Licet vero Hobesius hanc Justitiæ punitivæ speciem non admittat, quam Deus multis in Casibus sibi reservavit, quæque iis, a quibus alii reguntur, subinde communicat, immo & Sociniani eam fundamento carere arbitrentur; tamen fundata semper est in relatione quâdam convenientiæ, quæ satisfacit non solum offenso, sed etiam sapientibus eam cernentibus; & ad Sapientiam ipsam Legislatoris pertinet; actionem non relinquere prorsus impunitam, etiamsi poenâ nemini ultrâ corrigendo foret utilis; præsertim vero, cum certa quâdam compensatio eo pacto Principi tribuatur, quem ordinis perturbatio offenderet, nisi punitio eundem ordinem aliquo modo instauraret (b). His igitur ita positis ad Catholicum Fatum redeamus.

LXXXII.

(a) *L. de brut. rat.*(b) *Hac ratione ibidem contendit Leibnitzius ipse damnatorum poenâ*

LXXXII. Epicurus, ut absolutam necessitatem effugeret, asseruit futura contingentia determinatam non habere veritatem: quam postea sententiam ut tueretur, privarium, & gravissimum rationis principium negare non est veritus, scilicet enunciationem omnem vel veram esse, vel falsam (a), ad easque angustias denique adigebatur, ut omnem quoque in Deo præscientiam inficiaretur. Quod equidem cum Enti infinite Perfecto non conveniat, nos omnia a Deo non solum præscita, sed etiam decreta adnitimur, & interim non lædi humanam in agendo indifferentiam deonitramus. Plures erronee cum Clarkio (b), & Laurentio Valia (Vide ejus dialogum cum Antonio Glarea Hispano, qui editus est contra V. Boetii librum de consolatione) considerantes Dei Scientiam, veluti nil influentem in aîus humanos, præpositæ quæstioni respondent textu D. Augustini (c), que nammodum nempe Memoria tua non cogit facta esse, quæ præterierunt, ita Deum Præscientiâ suâ non cogere facienda, quæ futura sunt. At ipsa Dei Scientia habenda est effectrix rerum, atque actionum juxta vulgatam apud Sapientes ejusdem Augustini sententiam, quod scilicet, non quia sint Entia, ideo illa noscat Deus, sed ideo sint, quia novit; si enim Dei cognitio res alias non faceret, sed supponeret, ab illis quoad veritatem, & certitudinem dependeret, quod est absurdum (d). Hæc itaque Dei Scientia ab ipsius Voluntate & decreto non est sejungenda & per consequens aliter respondendum. Præscivit nempe Deus, atque decrevit hominum actiones: at vero cum ex ostensis de pœnâ, & præmio, Lege, consiliis, exhortationibus, internisque luminibus pateat, velle Deum, ut absque ullâ necessitate agant homines, præscire debuit, atque decernere, ut illæ a nobis fierent summâ animi indifferentiâ. Cum enim Creatoris Præscientia sit certissima, & ejus Voluntas efficacissima, non solum ea fiant, quæ ipse vult, atque cognoscit esse facienda, sed etiam eo modo fiant, quo ipse vult fieri: cumque ergo Deus velit, ut absque ullâ necessitate fiant hominum actiones, tali equidem, & non alio pacto ab hominibus habebuntur. Revera quoniam Deus est præscius voluntatis nostræ, inquit Augustinus (e), cujus est præscius ipsa erit: Voluntas ergo erit, quia Voluntatis est præscius: nec Voluntas esse poterit, si in potestate (nostrâ) non erit; ergo & (nostræ) potestatis est præscius: non igitur per ejus præscientiam mihi potestas adimitur, quæ propterea certior aderit, quia ille, cujus Præscientia

tia

jussu perdurare, etiam dum malo avertendo non amplius præjunt, pariter & Beatorum æterna præmia consilire, etiam dum ad eos in bono confirmandos nihil omnino conferunt. Sed hæc sunt juris Theologici, aut saltem Ethici, quæ non nisi breviter, uti fecimus, debeant in rem nostram pertrahi.

(a) Vid. Cic. de Fato (b) De Exisl. Dei t. 1. c. XI.

(c) De Lib. Arb. L. 3. c. 4.

(d) Vide Aug. de Trin. L. 15. c. 13., & D. Th. 1. p. q. 14. a. 8.

(e) De lib. Arbitr. L. 3. c. 3.

tia non fallitur, adfuturam mihi esse præscivit. Generatim enim indissolubilitas, & immutabilitas decretorum Dei pertinet ad certitudinem Providentiæ, quæ a proprio effectu non deficit, neque a modo, quo ille debeat evenire; non vero attinet ad effectuum eorumdem necessitatem: neque rei certitudo cum ipsius necessitate est confundenda. Nam si Deo certum est, Cæsarem regnaturum contingenter, licet hoc, prout est a Deo provisum, sit necessarium, & infallibile, tamen in se consideratum est contingens, atque poterit non evenire, quia ab ordine Divinæ Providentiæ, à quâ uti contingens decretum est, omnino deficeret, nisi contingenter produceretur.

LXXXIII. Inanes igitur auras captabat ipse Tullius opponens (a) = *Si omnia a Deo provisæ sunt, certus est ordo causarum: si autem hoc verum est, omnia Fato aguntur: si omnia Fato aguntur, nil est in nostrâ potestate* = Non enim intelligebat Divinæ Providentiæ subdi. effectus, & causas, modosque agendi, ita ut omnia Dei Providentiâ fiant, sed interim aliquid sit in nobis, cum à Deo nonnulla tali pacto provisæ sint, ut per nos fiant indifferenter, & ipsæ nostræ voluntates in causarum ordine reperiantur. Ex eo autem, quod nihil Voluntati Divinæ resistat, illud potius rectè deducitur, res omnes fieri contingenter, vel necessariò, uti statuta sunt; scilicet evenire infallibiliter, & necessariò, quod Divina Providentiâ disposuerat, ut eveniret *necessariò*, accidere vero infallibiliter, & contingenter, quod Divinæ Providentiæ ratio habet, ut *cōtingenter* eveniat. Nonne in superioribus (b) ex limitatiōe, & mutabilitate Creaturarum deduximus invictò argumento, eas esse contingentes? Sicuti vero Divinæ Præscientiæ, atq; Decreti Vis non tollit contingentiam a rebus, ita nec etiam animi libertatē. Robur vero sumit arguentū, eo quod prudētis cujuslibet gubernatio ad perfectionē rerū gubernatarū ordinetur (c), ita ut, quod habet perfectionis rationē, magis, quā imperfectio, atq; defectus, per Providentiā sit conservandum. Jam vero in rebus inanimatis causarū contingētia redolet imperfectionem, atq; defectum, (solum enim Ens Necessarium est Primum, & undequaque Perfectum): quod autem volūtas sit causa indifferens, ejus perfectionem ostendit, quā virtutem habet ad plura, non vero limitatam ad unum: atque inde magis pertinebit ad Dei Providentiā conservare hanc voluntatis proprietatem, quam contingentiam in causis naturalibus. Quod si ultimò inquam adversarii cum Bælio, & Voltario, leges Dei, quibus humana voluntas subiecta est, esse æternas, & immutabiles, ita ut non possim non agere, si statutum sit, ut agam, responderetur & Legem de meo Libero Arbitrio esse quoque unā ex hujusmodi immutabilibus, ita ut non possim agere, nisi summā indifferentiā, dum ago. Plura vero leges

(a) De Divinat. l. 2.

(b) Num. 62.

(c) S. Tb. G. 5. E. 3. c. 73.

gestis apud Augustinum, atque Thomam citatis in locis, & alibi, ex quibus ita deduxi nus.

LXXXIV. At Physica Dei Præmotio, quâ inclinatur ad agendum Creaturæ, expectat modo orationem nostram. Putarunt Origenes (a), Durandus, Aureolus, alique, concursum Dei ad nostras actiones esse dumtaxat generalem, & mediatum, eum scilicet condidisse Creaturas, iisque virtute in id id esse necessariam, deinceps vero sinere, ut illæ agant, quin in suis actibus adjuventur, sed tantummodo conserventur. Quæ opinio a ple-risque Theologis Scholasticis refutata fuit, & jam olim in Pelagio improbata videtur. Interim Ludovicus Pereira Dola elapso sæculo eandem renovare, saltem quod actus liberos, aggressus est, assentiente præsertim ex Philosophis Bernerio. At iste generalis, & indeterminatus concursus consistet in solo actu impediendi, & removendi causas extraneas, quæ valerent destruere Creaturas, non vero in influxu illo Dei immediato perpetuo, quem exigit earundem Creaturarum dependentia. Ad influxum ergo actualem est recurrendum, qui quidem tripliciter ab aliqua causa haberi potest, scilicet *muraliter*, dum hæc extrinsece excitat, allicit, invitat exemplo, præceptis, consilio: *simultanè*, si causa movens aliam ad agendum videns determinatam, ita cum illâ conjungitur, ut effectus ab utraque simul producat, quales essent duo homines idem pondus vestæ deferentes: *physicè* tandem, & *prævie*, quando causa movens aliam indifferentem, ac indeterminatam applicat ad operandum, uti præceptor arreptâ pueri manu eam dirigit ad efformandos characteres. Jamvero neque moralem, neque Simultaneum Dei concursum ad actus Creaturæ sufficere defendunt Thomistæ, sed Physicum, præviumque necessario requiri. Supposito enim, Creaturæ actionē ullam non fieri sine cōcomitante operatione Creatoris, de quo oriri non potest dubitatio, illud erit in quæstione, utrum Dei auxilium determinet Creaturam ad agendum, an actio Creaturæ determinet Dei auxilium ad concurrendum. Hoc autem in casu, si anima Dei auxilium determinaret, adesset in illâ quædam actio anterior, ab auxilio Dei independens, sed nec etiam cum illo conjuncta: unde in ipso actu Creatura haberet rationem primi Principii, quod est absurdum. Prætereâ cum sua natura indifferens sit animus ad operandum, vel non, prius transferri debet ex potentiâ in actum, ex indifferentiâ ad peculiarem determinationem, & applicari ad hoc potius objectum, quam aliud amplectendum; quamdîu enim otiosus, & indifferens perseverat, nihil actualiter efficit. At vero objectum cognitum animæ vim determinare non potest, quod prorsus extrinsecum est, neque cognoscitur, nisi indifferens intelligendi vis ad illud cognoscendum applicetur: neque insuper a se ipso, vel a propria ratione determinatur animus, cum sit indifferens, nihilque agere valet, nisi prius a sua indifferentia transferatur; unde reliquum erit, ut à

Causâ

Causâ Prima, & à præviâ quâdam Dei motione voluntas ad operandum determinetur (c).

LXXXV. Quemadmodum vero Ordinem Divinæ Providentiæ, Præscientiam, atque Decretum nullam animæ vim inferre demonstravimus, pari etiam ratione nihil ex Dei Præmotione sibi timere posse humanam in-

L

ter

(a) *Quamvis cum Cartesio admittamus animam perenni veluti motu semper aliquid cogitare, atque velle, indifferens tamen erit ad hoc, vel aliud objectum cognoscendum, & amandum, ita ut ex antecedenti cognitione, & amore etiam transferri debeat in subsequenter: unde pariter in ejus sententia vis arguenti consistit. Sed hoc in loco nonnulla addenda sunt. Leibnitzius in sua Theod. t. 2. P. 1. §. 47. opus non esse ait hâc immediatâ Dei prædeterminatione, sed animam ab indifferentiâ suâ extrahi per statum præcedentē, qui illam ad hanc potius partem, quam ad aliam inclinabit. Hoc vero unice fundatur in systemate harmoniæ præstabilitæ, quod falsum demonstravimus; & quisque videt, statum quemlibet præcedentem non esse substantiam, neque idcirco agere posse in animam, cum à solis substantiis, non vero a modis actio dependeat. Alii vero reponunt, proprium hominis arbitrium voluntatem determinare: sed non advertunt, illud quoque suâ naturâ esse indifferens, ut voluntatem applicet, vel non, & idcirco requiri, ut prius ipsum determinetur. Longius equidem progredere in Physicâ Dei Prædeterminatione explicandâ, & demonstrandâ, sed me retinet suscepti thematis ratio. Unum vero addo, nos hic vires activas ab Universo non eradicare, ideamque confusam hujus Thomistarum sententiæ præferre virum eruditissimum Auctorem notarum ad Genuensii dissertationem de Rerum corporcarum origine, & constitutione. Inquit enim §. 19. eandem Thomistarum opinionem magnâ doctrinâ, & elegantia defendi in citato opere = Actions de Dieu sur les Creatures = At Gallicus iste Auctor Malebrankii partes suscipiens contendit, solum Deum agere, non vero Creaturas, quod supra diffusè confutavimus (num. 11. & seq.): nos vero præmotionis Divinæ Defensores admittimus & Deum agere & Creaturas, quoniam providentiâ hominis consinetur sub Providentiâ Dei, sicuti causse particularis sub causâ Universalî. Revera sententiâ nostrâ propugnator acerrimus Augustinus clarè asserit de Correctione c. 3. = aguntur homines a Deo, ut agant, non ut ipsi nihil agant = & sæpe sæpius in Libris de Gratia, & libero Arbitrio, de dono perseverantiæ, & contra duas Epistolas Pelagii, atq; alibi assererat = certum est NOS VELLE cum VOLUMUS, sed ille facit, ut velimus bonum, de quo scriptum est: præparatur voluntas a Domino: certum est NOS FACERE, CUM FACIMUS, sed ille facit, ut faciamus, præbendo vires efficacissimas voluntati, qui dixit, faciam, ut in justificationibus meis ambuletis: intus in ipsis hominum cordibus operatur, non ut homines, quod fieri nequit, nolentes credant, sed ut volentes ex nolentibus fiant: inclinantur eorum corda, ut hoc velint, eo scilicet inclinante, qui mirabili modo operatur & velle, habens sine dubio humanorum cordium, quocumque placeret, inclinandorum Omnipotentissimam Potestatem.*

ter plura eligendi potestatem certum est, cum Deus animam præmovere, sed ut agat absque ullâ necessitate. Hic scilicet fuit error Lutheri, Calvini, atque Jansenii, ut crederent, præviâ Divinitatis, & insuperabili motione cooperandi vim, resistendi facultatem, omne voluntatis arbitrium extinguere, eandemque mentem falsò nobis ascribunt Auctores Molinistæ, & quicumque alius a Thomistis in hæc opinione dissentiat. Cum autem ostensum sit, ordinem poenarum, & præmiorum, item Legis, consiliorum &c., quæ a Deo volita, atque statuta sunt, absolutè requirere, ut homo agat ex proprio arbitrio absque necessitate, Creator huic suæ voluntati non poterit contraire, & movebit hominem ad agendum, sed relinquens ei potentiam ad oppositum, nullam inducet necessitatem. Scio hanc resistendi facultatem exerceri non posse ab animo, nisi prius dissentire voluerit, non posse vero illum velle dissentire, nisi novâ Divinæ Voluntatis motione inclinatus, & applicatus fuerit ad volendum dissentire: sed inde etiam video, quid clarè deducatur, Divinâ scilicet motionem non efficere, ut voluntas non operetur, atque si velit, dissentire non possit, sed id præstare solum, ut hæc omnia mens agat dependenter à Deo, & seipsam libere determinet, quia ab illo prædeterminatur absque ulla necessitate. Revera eligimus, quod bonum nobis apparet. Si itaque Dei Præmotio id efficeret, ut intellectus bonum illud apprehenderet tanquam Summum, atque Unicum Bonum, raperet nos ad unum necessariò. Cum vero, etiam posita Dei motione, apprehendamus bona eligenda tamquam plura, item & particularia, creata, limitata, quis asseret, ita Deum inducere electionis necessitatem? Homo se movet ad agendum: Non tamen hoc est de necessitate Libertatis, ut sit Prima Causa sui id, quod liberum est, sicuti potest esse aliquid causa alterius, absque eo quod sit ejus prima causa. Deus itaque est Prima Causa movens & naturales causas, & voluntarias: cum vero sit ejus, rerum naturas non evertere, sed continere, & conservare, easque regere juxta proprium cujuscumque modum, idcirco, sicut naturales causas movendo, non aufert, quin actus earum sint naturales, ita movendo causas voluntarias non aufert, quin actiones earum sint voluntariæ, sed potius hoc facit in eis, operatur enim in unoquoque secundum ejus proprietatem. Quo in loco adverrendum, nobile dominium illud, quod habet anima supra suos actus, unde est in ejus potestate velle simul, & nolle, excludere tantum determinationem virtutis ad unum, & violentiam causæ exterioris agentis, non vero excludere influentiam causæ Superioris, a quâ habet illa tum esse, tum operari. Cum enim violentum opponatur voluntario, cujus nomine intelligitur intrinsecum agendi principium, illud Agens poterit causare motum voluntatis absque violentiâ, quod causat principium intrinsecum ejusdem motus; nempe voluntatis potentiam. Quoniam vero hic est tantummodo Deus, qui animam solus eruat; nemo iniuriabitur, solum ipsum posse voluntatem movere per modum

dom agentis absque violentia (a).

LXXXVI. Opponi quidem posset cum Molinistis, posita Dei Promotione dari actum in anima, ideoque auferri indifferentiam, in qua omnis sita videtur humana Libertas. Sed duplex distinguenda est indifferentia, *passiva* scilicet, quæ in actus privatione consistit, & *activa*, sive, ut explicat Leibnitzius (b) *actionis contingentia*, & *non necessaria*, quæ habet potentiam ad plura. Prima equidem est Creaturarum defectus, quæ ex propria limitatione non semper agunt; neque in ea consistere posset Libertas illa, contra quam arguunt adversarii; hæc secunda vero elucet verum arbitrii munus, quod nobis a Deo concessum est, & quod hic totis viribus industria nostræ defendimus. Si itaque Deus auferat indifferentiam passivam, nos ad agendum determinando, non vero activam relinquens, uti dictum est, potentiam ad oppositâ, & disparatâ efficienda, non lædet Libertatem. Fateor equidem, me non concipere evidenter, quomodo hæc Divina Providentia cum humano arbitrio conjugatur. Sed hujusmodi concordiam scio difficilem adeo, & obscuram fuisse Augustino, immo & ipsi Paulo Apostolo, cum Arcanum ineffabile contineat. Nos autem Dei actiones admirari debemus, non perscrutari: a finito enim concipi non potest, quomodo infinitum operetur: sed interim deus aliquid posse Deum, quod nos fateamur investigare non posse. Revera quot evidenter non concipimus, etiam si nostram ipsam naturam, quæ perpetuò est sub oculis, inspiciamus, & ea tamen, uti vera, defendimus admittenda? Negandum esset animæ, corporisque commercium, negandæ perceptiones rerum corporearum, & alia sexcenta, quorum modum non intelligimus, si deneganda foret humana potestas in suis actibus, eo quod eam cum Divina Promotione conciliare nesciamus. Ita respõdebat quoque Cartesius, Divinâ Providentiam lumine Fidei, & Rationis hominibus demonstrari, nos itidem de Libertate nostrâ certitudinem nancisci per intimâ experientiam, & invictissima argumenta, utramque igitur credendam esse, nisi utriusque conciliandæ via nulla suppeteret; & jurè respondebat, quidquid contrâ Balthus opposuisset.

LXXXVII. Neque plura de Fato Catholico, quo Dei Præscientia, Decretum, atque Promotio continentur, dicenda sunt. Sed hic tantum modo arguendus impius ille Censor Religionis in exâine supra citato, eo quod præsentem, de quâ agimus humanam indifferentiam cum Deo Prævisore concordiam oppugnaturus, utramque neget, & futile omnino esse contendat, operam in conciliandis rebus infumere, nisi prius omnis auferatur de-

(a) Vide D. Th. 1. p. 9. 22., & 83., & c. G. L. 1. c. 68., & L. 3. c. 88. Nemo vero timeat, ex hæc Physicâ Dei promotione fieri illum culpæ auctorem, quod plures opponunt: vidimus enim num. 68., quomodo Deus ad peccata, defectusque concurrat.

(b) Theod. P. 3. §. 302.

(c) Traité de la Lib. §. 1.

illarum existentia dubitatio . In angustias Cicero coarctabat animum religiosum , ut unum eligeret è duobus , aut esse aliquid in nostrâ voluntate , aut esse Præscientiam futurorum , hominesque fecit sacrilegos , sed unice , quia cupiebat facere liberos : hic vero inaudita temeritate & sacrilegos fecit , & necessarios . Cur itaque præscius non poterit esse Deus humanæ voluntatis ? Quia scilicet , inquit cum Socinianis , Dei , Astronomique inter se præscientiæ non differunt , cum uterque syderum motus agnoscat ; Astronomus vero cursus regulares , & necessarius divinare valet , non irregulares , aut aliquâ , si in Planetis , haberi posset , indifferentiâ peragendos . Oh dementiam singularè ! Quis unquam similis Creatori ? Quæ nostra proprietas Divinis erit virtutibus conferenda ? Dei Præscientia , si ejus Voluntati conjungatur , influit in actus Creaturarum , eosque producit , sive necessarii sint , sive liberi : hominis vero cognitio ab objectis jam existentibus unice dependet , neque attingit , nisi rerum corticem , quoad ipsa nèpe Divinitas lumen quoddam infirmum in intelligentiâ nostrâ permittat . Anne si homines ipsi ex intensitate externæ objectorum actionis , item à corporis temperamento , animique constitutione , quibus regitur humana voluntas , magnâ probabilitate sæpe sæpius in aliis prævident animorum determinationes , licet indifferentes , anne , inquam , Deus infinitè Creaturis antecellens , nullo unquam modo iisdem potissimum prænoscentis ? Sed Atheos dimittamus . Interim tamen concludendum est , neque Fatum Catholicum , neq; ullum aliud animabus necessitatem imponere ; & idcirco Dei Providentiam respicientes omnia dirigentem , uti veram admittimus priorem illius sententiæ partem , quæ inveteravit in animis Fatalistarum = *Ducunt volentem Fata* = sed alterum caput omnimodè denegamus = *Nolentè* scilicet *trahant* = nili nos eo unice modo trahi posse intelligant , ut ex nolentibus volentes , & volentes quoque liberi efficiamur . Ne vero aliquid in propositâ quæstione attenti examinis diligentiam effugiat , frustrâ nobis Hobesius , atque Spinoza objiciunt , animam ab aliquâ causâ determinari , hanc ab alia , & sic infinitum . Aut enim admittant seriem infinitam Causarum Democriti , quæ ullo modo non datur , aut procedant ad Deum usque , qui sua Præmotione rationales quoque dirigat Creaturas , quisque intelligit , inutiliter eos divexari , & contrâ nos oleum , atque operam , ut inquirunt , amittere . Atque hinc videtis etiam , quid Collinio (a) Voltairio (b) & Hobesio in quæstionibus de Libertate habitis cum Doctore Bramhallo sit respondendum , qui concedunt hominem efficere , quæcumque velit , sed illum ex Fati necessitate velle credunt . Si enim agit ex concessis , quæcumque vult ; si vult absque necessitate ex ostensis ; quis illum absque necessitate operari inficiabitur ?

LXXXVIII. **H**æquidem sunt causæ omnes, quæ possent animam in electionibus ad unum necessariò determinare; & hæc potissimum ab adversariis afferuntur ad illius indifferetiam oppugnandam. Si itaque ostensum est, neque ab objectis, quæ appetimus, vel adversamur, neque ab interna animi natura, neque a constitutione corporis, cui illa conjungitur, neque a fato aliquo, veluti à Causa Universali, volitionibus nostris vim inferri, concludere certò possumus, nullam omninò in nobis haberi necessitatem. At Spinoza causas alias occultas, & incognitas esse jactitat; quæ in animam agant necessariò = *Concipe enim, ait (a), jam si placet, lapidem, dum moveri pergit, cogitare, & scire se, quantum p. test, conari, ut moveri pergat. Hic sanè lapis, quandoquidem sui tantummodo conitus est conscius, & minime indifferens, se liberrimum esse, & nullà alià de causâ in motu perseverare credit, quam quia vult. Atque hæc humana illa Libertas est, quam omnes habere jactant, & quæ in in hoc solo consistit, quod homines sui appetitus sint conscii, & causarum, a quibus determinantur, ignari.* = At concedamus Spinozæ hypotesin, cui similem efficit ad idem probandum Bælius in responsione ad quaesita Provincialis (b), de bractea versatili ventorum indici. In eo autem casu quamvis agnosceret lapis, se moveri, deque suo conatu conscius esset, nequireret nihilominus advertere, se in motu positum indifferentem esse ad motum simul, atque quietem, sicuti dum agit homo, non solum se agere agnoscit, sed plene dominum se esse sentit, ut agat, vel quiescat, ut hoc eligat, vel aliud disparatum, atque contrarium. Aliud est enim sentire propriam actionem, aliud illâ prorsus esse indifferentem, animadvertere. Revera licet intimè sentiam eundem in homine animū velle felicitatem, atq; Physicæ studium, nihilominus in Beatitudinis appetitū sentio necessariam esse voluntatem, neque ex deliberatione, consilio, electione moveri, immò & nullam habere potentiam ad oppositum, sed non item in secundum. Non itaque Dominos nostrorum actuum nos esse credimus, quia eorum consensum sumus, & causas, a quibus cogimur, ignoramus; sed quia experimento, & ratione sentimus nos eligere, prout ex ratione boni, vel mali propria placuerit, & ita unum amplecti, ut sit in nostra potestate illud ipsum refutare. Unum denique addo, quod acutissimè observabat vir illustris Sacra Doctrina, & Christiana Philosophandi ratione Valsechius in suo opere de fontibus Impietatis, Religionisque fundamentis (c): Si scilicet hujusmodi causæ, quæ nos determinant, sunt incognitæ, & ut alibi Fatalistæ ajunt, imperceptibiles, insensibiles, quomodo eas agnoscit Spinoza, quomodo eas est unquam perscrutatus? Non quidem inti-

(a) *Epist.* 62.(b) *C.* 140.(c) *L. i. c. 6. num. 9.*

mo sensu, quo contrarium potius esse sentimus, sed nec etiam ratione aliqua extrinseca, quia nullam vim habent ex ostensis, quæ a Spinoza ad hoc probandum adducuntur. En methodus ratiocinandi in adversariis. Contendit Spinoza non adesse id, quod omnes esse sentiunt, quia credit Rem adesse, atq; Causam, quam nec ipse, nec alii unquam sensierunt.

LXXXIX. Hobesius vero ex Creaturarū limitatiōe arguens (a) nihil ait, a se potest incipere, sed hoc initium haberi debet ab actione alicujus immediati, & exterioris agentis. Si itaque homo vult aliquid, quod prius nolebat, causa non erit in ejus voluntate, sed in alio extra hominis arbitrium. Quæ quidem difficultas a D. Thoma olim proposita (b) nil continet falsi, sed contra nos non concludit. Cum enim objecta externa animum invincibiliter movere nequeant, reliquum est, ut solus Deus sua præmotione voluntatem determinet, quod nos concedimus, immo in superioribus absque ulla arbitrii læsione demonstravimus. Nec dissimili pacto responderat D. Thomas, ut nesciam, quæ frons sit in adversariis, refutatas olim objectiones absque novis contra responsa tradita difficultatibus reproducere. At Hobesius idem (c), & post ipsum Collinius in suisquisitionibus de Libertate, ad hujusmodi Superiorem, Primamque Causam non attendendum esse clamant, sed unice ad alias inferiores, quæ animam necessariò determinent. Cum enim nihil sine causa sufficiente fieri certum sit, omnem causam sufficientem contendunt esse necessariam quia scilicet si necessariò effectum non producat, id erit ex defectu alicujus rei, quæ ad illud producendum indigeat, unde non erit amplius causa sufficiens. Hinc & actiones voluntariæ, & quodcumque aliud a sufficiente causa derivatum necessariò producet. At hic ludere adversarium in verbo necessarii, animadvertibat Bekius (d). Causa sufficiens semper est necessaria eo sensu, quod sine illa effectus oriri non possit: effectus vero non semper eveniet necessariò, nisi quando sua causa patitur, & non agit, vel si agit, ad illud unum absque facultate ad opposita, & disparata determinetur. Quæ quidem cum animæ non conveniant ex ostensis, erit illa suorum effectuum causa sufficiens, non autem neces-

(a) Vide Doctorem Harrisium = *Response aux difficultés, que forment des Athées sur l'existence, & les attributs de Dieu part. 3.* = & Clark. de *Exist. Dei* t. 1. c. XI.

(b) S. Th. q. 6. de malo art. unico in corpore ait = Cum erga voluntas quæ se consilio movet, non semper voluerit consiliari, necesse est, quod ab aliquo moveatur ad hoc, quod velit consiliari. Et si quidem a se ipsa, necesse est iterum, quod motum voluntatis præcedat consilium, & consilium præcedat actus voluntatis. Et cum hoc in infinitū procedere non possit, necesse est ponere, quod quantū ad primum motum voluntatis moveatur voluntas ab aliquo exteriori, cujus instinctu voluntas velle incipiat = & ibidem argum. II. repetit eandem objectionem ex mente Augustini in I. de Trinitate.

(c) Vide locis citatis.

(d) De hom. Lib. c. 11.

necessaria. Quod si de ipsâ mente non loquatur Hobesius, sed objectorum externorum impressiones intelligat esse volitionû causas, sufficientes, atq; unâ necessarias, ulteriori responsione non indigemus, cum equidem Agens eo tantum casu moveat aliud ex necessitate, quando superet virtutem passivi; nullum autem bonum creatum ostensum est voluntatis virtutem superare, quæ potentiam habet ad Summum, & Universale Bonum, a quò unicè movetur necessariò. Equidem omnis causa sufficiens effectum necessariò producit, nisi adsit quædam potentia, quæ illius actionem impediat. Cum autem humanus animus ex demonstratis, possit externis objectis, a quibus movetur, impedimenta præstare, vel eorum ideas removendo, vel oppositorum consideratione repræsentans sibi utri malum, quod esse bonum apparebat, cur objectorum eorundem impressiones, vocabimus causas necessarias? (a)

XC. Quibus positis concludendum est I. in volitionibus, atque volitionibus hominum animas agere, neque se habere merè passivas. II. hanc animæ actionem ad unum tantum modo non determinari, sed esse indifferentem ad plura, ita ut poni possit, & auferri, iisdem manentibus semper externis requisitis. Hic autem agendi modus ille est, quem voco *Libertatem*: quæ vox si adversarios offendat, ut mutetur ab illis, non repugno, dummodo hominem ita agere ex propriâ conscientiâ, & tot adductis rationibus fateantur. Videtis autem hominis libertatem intimo usque adhuc sensu probatâ a nobis, in quo argumento præcelluit Dominus de Fenelon in demonstratione Divinæ existentiz, ubi ait inter cœtera (b) = *Sentio me liberum esse ad sedendum, dum surgo, tantaque certitudine id sentio, ut mentirer contrâ me ipsum, si oppositum effusirem.* Homini vero Libertatem vocare imaginariam, hoc est suffocare vocem, sensumque naturæ Universalis, hoc est impudenter mentiri, & exterius negare id, quod interius pro certissimo habetur: hoc est velle, ut homo credat, se non posse inter duo unquam

(a) Ab eodem sæpius laudato D. Thoma postremam hujusmodi responsionem desumpsimus, quâ ille utitur de malo q. 6. a. un. ad 15., ubi eandem Hobesii difficultatem sibi opposuerat. Objectionis autem verba referimus, ut tandem aliquando id omnes intelligant, quod sæpius dictum est, nihil novi attulisse adversarios, qui hoc seculo habentur uti ingenia ad difficultates de rebus quibuscumque invenientes unicè effecta, nec eos contrâ Libertatem potuisse decernere, nisi propriæ conscientiæ stimulos suffocando. Videbant enim argumenta ipsa esse dissoluta, nec interim, quid responsionibus hisce opponendum esset, habebant. = Si voluntas itaque, inquit loco citato D. Thomas, aliquid determinatè vult, (oportebit) quod sit aliqua causa, quæ faciat ipsam hoc velle. Causâ autem positâ necesse est effectum poni, ut Avicenna probat, quia si causa positâ adhuc est possibile, effectum non esse, indigebit adhuc alio reducete de potentiâ in actum, & sic prima non erit sufficiens causa: ergo voluntas ex necessitate movetur ad aliquid volendum. =

unquā eligere, de quibus passim ex bonā Fide deliberat. = Hinc Libertatem eandē, inquit Augustinus (a), cantari a pastoribus in montibus, a Poëtis in theatris, ab indoctis in circulis, a doctis in bibliothecis, a magistris in Scholis, a Pontificibus in templis, a genere humano in orbe terrarum.

XCi. Nos indifferentiam agendi in nobis ipsīs esse sentimus. Aut ergo, ut ad hominem cum adversariis argumenter, id credimus necessariū, vel non. Si primum: est ne id falsum, quod nobis necessitas Physica, & ineluctabilis persuadet? Si alterum: aliquid ergo aderit sine dubio, quod credimus, atque sentimus absque necessitate. Jactitet modo Voltairius Dictionarii Philosophici sæpe citato Libertatis articulo, in quo sibi opponit, omnes communiter hanc intimam in se ipsis Libertatem confiteri, jactitet, inquam, proverbia hujusmodi, & adagia communia Philosopho non esse rationes. Est ne sine evidentissimis argumentis communis ista populorum fundata vox, & intima conscientia? Nos innumerabiles penè rationes adduximus; immo absque eo quod animæ essentiam, intimamque naturam agnoscamus, eam Liberam esse demonstravimus, quod eidem Voltairio apud Nonnotte impossibile videbatur. Argumentati scilicet sumus a posteriori ex propriâ conscientiâ, ex merito, demerito, pœnis, præmiis, atque legibus: argumentati quoque sumus eo, quo potuit fieri, modo a priori, ex deficientiâ bonorum hujus mundi, & repræsentatione objectorum quadantenus bonâ, & quadantenus malâ. Quod si quærat Antonius Collinius (b) unde id eveniat, ut in re, quam adeo perspicuâ veritatis luce evidentē esse desēdimus, tanto deinde animi conatu nos philosophemur, & pluribus abhinc seculis alii penè innumerabiles philosophati sint, sciat, duo esse in qualibet quæstione secernēda, existentiam scilicet phœnomeni, & causas, naturam, atque leges, quibus in Universo producit. De existentia humanæ Libertatis nemo dubitat, si sanus est, nec illi ipsi, qui exterius inficiantur, ad quorum unicè retundendam temeritatis impudentiam, & ne simplices deciperentur, nos eam tot argumentis, aliâs inutilibus, conati sumus demonstrare. De naturâ vero, & Legibus Libertatis philosophati sunt plurimi, & adhuc nobiscum philosophantur. Sed hoc ejus absentiam non arguit, uti corpora, atque animos dari non negamus, de eorum vero naturâ, & proprietatibus perpetuò differemus.

XCII. Hæc est itaque idea Libertatis, quam efformari non posse clamabat Helvetius (c), quamque interim omnes sanâ mente Philosophi habuerunt, & cui varia nomina ex iis, quæ nos adduximus, conciliarunt. Liberum enim arbitrium nil esse aliud, quam vim electivam dixere Scholastici: sed quia hæc animæ electio ab externa causâ invistè non determinatur, induxerunt *Libertatem Spontaneitatis*, sive a *Coactione*: quia vero neque ab interno motivo, scilicet a ratione boni, vel mali propriâ, neque

(a) De Duab. Animab. c. 11.

(b) Rech. sur la Lib. p. 262.

(c) De l'espr. discours 1. ch. 4.

que ab animæ ipsius, naturâ dependent necessariò, vocarunt *Libertatem*, & *necessitate naturæ*: & quia denique sic agit animus, ut possit non agere, dixerunt adesse *Libertatem exercitii*, atque ita de aliis (a). En autem doctrinas D. Thomæ, atque Scholasticorum, quibus quid clarius dici possit, non invenio, & quibus omnia Collinii, Huberii, Spinozæ, aliorumque sophismata confutantur. Quod si eosdem adversarios singularis impudentiæ notâ nolimus inurere, id saltem dici potest, eorum errores non sibi ex Libertatis, ideâ malè intellectâ originem duxisse, cum intimo sensu eam apertissimè cognoscere debuissent. Revera Voltairius idem, actiones hominum esse liberas, non autem voluntates, effudit tum in *Dictionary*, tum in suo *Philosopho Ignaro* locis sæpe citatis, rationemque adducebat, quia, scilicet si fiant actiones, indicium erit eas posse fieri, voluntates autem adimplere non est temper in hominum facultate. Sic infelix apoplexiâ tactus, si periculo ignis, aut aquæ, vel pro signo tormenti bellici exponatur, quamvis velit, nullo unquam pacto valebit effugere. In hoc itaque casu confundit vir acutus possibile, atque liberum, itemque suo jure plenam, quam nos defendimus, animæ intentionem & possibilem, de quâ locuti non sumus, volitionum executione. Spinoza vero quæstiones omnes Syntheticis definitionibus resolvens, an magis, magisque implicans, nescio, cum Ens Liberum definivisset esse, *quod existit naturæ necessitate*, quomodo poterat hominibus non adimere Libertatem? Sed jam lentio, melius esse proæctum, quam proposita ratio postulare: verum admirabilis compositio quæstionis, incredibilisque rerum traxit ordo. Sit itaque finis: neque enim ulteriori probatione indigent, quæ proposuimus, neque pleniori refutatione, quæ contrà nos afferuntur; licet tot etiam addi possent, & à pluribus aliis addita sint, quot fortasse nec unicâ, nec multiplici oratione complecteremur. Illud vero restat, ut disputandi gratiâ ex causæ visceribus nonnullas Theses exponamus, quæ & ordinem, & materiam Dissertationis Universæ demonstrent, & Auditoribus arguendi locum aperiant. Sunt autem quæ sequuntur.

I. Leges

(a) Fons itaque Libertatis a coactione est, quod motiva immediata, quibus determinamur, sint propria rationes boni, atque mali per appetitum operantes: fons vero indifferentiæ a necessitate naturæ est imperfectio bonorum, malorumque objectivorum, de quibus idcirco electio necessaria esse non potest. Hinc quidquid rationem perficit, illud magis a coactione nos eximit, magisque reddit indifferentes, & quod nobilior ratio extenditur, eò plura efficiamus ratione, non autem naturæ impetu, aut adfectibus. Merito itaque dicimus a scientiâ perfici Libertatem, unde assererebant veteres, Sapientem hominem solum esse Liberum (Cic. Paradox. 5.), meritoque idem contendunt de Lege, & Gratiâ Theologi.

I. **L**eges, quas Universaliter sequi debent causæ Mechanicæ, non observantur in pluribus Animarum Humanarum actionibus.

II. Et primò Volitiones, atque Nolitiones ab alio agente non sunt in Anima, tanquam in subjecto, vel instrumento inerti, sed ipsa Mens est earum causa totalis efficiens.

III. Unde immeritò vim omnem activam tum animabus, tum cœteris Creaturis abstulit Malebranchius in systemate causarum occasionalium.

IV. Falsò etiam Materialistæ mechanicis corporearum partium motibus Animi Voluntates, internasque adfectuum decertationes conantur explicare.

V. Sed insuper hæc Animæ actio, quam vere dari defendimus, est etiam Libera, sive non necessariò ad unum, uti in corporibus, determinata.

VI. Equidem ad felicitatem comparandam, Summumque Bonum clarè in se visum, aut etiam genericè spectatum ex propria natura tendunt omnes, in eaque re sunt necessarij.

VII. Sed inde deducitur bona, & mala hujus mundi, quæ finita sunt, & multiplicia, animam non rapere necessariò.

VIII. Quia igitur objecta, quæ appetimus, vel adversamur, neque sunt Summa Bona, neque Summa Mala, relinquunt in nobis Libertatem Contradictionis: quia vero corruptæ naturæ ratione repræsentari possunt sub falis ideis boni, & mali relativi, producunt Libertatem Contrarietatis.

IX. Hinc Animæ humanæ in eligendo nullam patiuntur coactionem ab externis objectis.

X. Sed neque idea Boni, vel Mali genericè sumpta, aut inquietudo, quæ ex rerum concupitarum absentia excitatur, neque motiva ulla intellectus hominem in electionibus rerum peculiarium necessariò determinant.

XI. Hæc enim omnia sunt potius fulcra Libertatis, quibus anima rationabiliter agens regitur in eligendo: & propria intellectus cujusque Ratio non destruit, sed gignit Voluntatis indifferentiam.

XII. Idem intelliges de animi constitutione, quæ ex habitibus, sive intellectualibus, sive moralibus oritur, de idearum ligamine quocumque, de quæ corporis temperie, & cerebri motu, quæ sunt veluti concausæ quædam ad regendas Voluntatis inclinationes, non vero ad eas uniè, & necessariò determinandas.

XIII. Libera idcirco est Anima in suis electionibus à necessitate Naturæ.

XIV. Si vero ad Causas quasvis Universalis, quæ contrà nos adduci possunt, attendamus, nulla ex eis necessitatem animabus valet inducere.

XV. Non

XV. Non equidem Casus, atque Sors, & Fortuna, quæ sunt pura nomina ab Ethnicis, Atheisque ad ignaros decipiendos inventa.

XVI. Non Fatum a Democrito, a Stoicis, a Spinoza inventum, quorum systemata infinitis penè refutari possunt argumentis.

XVII. Non Principium illud Mali in Materiâ a Platone indutum, quod Manichæi, atque Bælii ad mali originem necessario admittendum credere, quoniam suppositâ Dei Summæ Boni Unitate, & essentiali Creaturarum limitatione, malorum omnium origo explicatur.

XVIII. Non denique Syderum, & Planetarum situs, aut corporum quorumcumque Superiorum actiones. Hæc enim directè supra humanum corpus possunt vim habere, supra animam vero non nisi indirectè influent, & ad modum causæ regentis voluntatem, non determinantis.

XIX. Divina vero Providentia, quâ Dei Præscientia, Decretum, atque Physica, uti ajunt, Præmotio continetur, nullam humanis animis necessitatem inducit.

XX. Et quamvis id a priori nequeamus ostendere, a posteriori tamen ex Legibus scilicet, Virtutibus, & Virtutibus, Merito atque Demerito, Proemiis, & Poenis, quæ omnia a Deo statuta sunt in Universo, illud invictò argumento deducimus.

XXI. Cæteris autem Spinozæ, atque Bælii incognitis causis refutatis, quæ Animæ vim ullam possent inferre, factam undequaque, atque testam homini Libertatem inesse concludimus.

ERRATA CORRIGE

P. 7. v. 30. expeditor	exerior
P. 7. v. 33. Pyrronismus	Pyrrhonismus
P. 8. v. 10. per expedita	perexpedita
P. 8. v. 13. quasi vellent, ex seipsis	quasi vellent ex seipsis :
P. 9. v. 21. avversario	adversario
P. 11. v. 21. Gregorius	Georgius
P. 11. v. 22. Phsycologia	Psychologia
P. 13. v. 17. annihilarentur	annihilentur
P. 16. v. 17. dilatiari	dilatari
P. 19. v. 29. coagulas, tum in efferveiscētis	coagulis, tum in effervescentiis
P. 20. v. 18. nostrum	nostrorum
P. 22. v. 18. acquiramus	adipiscantur
P. 44. v. 3. in adæquata	inadæquata
P. 44. v. 4. habenz	habenz
P. 44. v. 5. constituunt	constituunt
P. 46. v. 3. Principis	Principiis
P. 50. v. 32. physionomia	physiognomia
P. 51. v. 32. hypotesim	hypothesim
P. 53. v. 1. minis	nimis
P. 63. v. 27. Philolophicis	Philosophicis
P. 71. v. 24. débordemetns	débordements
P. 75. v. 31. qu' il luppi plait	qu' il lui plait
P. 89. v. 1. dependeat	dependet